




ԳՐԱԿԱՆ, ՔԱՂԱՔԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵԻՅԻՆԳԵՐՈՐԴ ՏԱՐԻ

1910

№ 4

ԱՊՐԻԼ

Թ Ի Յ Լ Ի Ս

ԷԼԵԿՏՐԱԶԱՐԺ ՏՊԱՐԱՆ ՕՐ. Ն. ԱՂԱՆԵԱՆԻ, ՊՕԼԻՑ. 7.

1910

ԻՌՎԱՆԴԱՆՈՒԹԻՒՆ

Քաղաքական աշխարհ և հայերը	3
Արագած. բանաստ. Յարութիւն Պետրոսեան	18
Գրիգոր Ը. Խանձողատ և Պօղոս Բ. գառնեցի. Մաղափա ան. Օրմանեան	19
Մի օր. վէպ. Արսէն	26
Շօպէն և Պօ. Մարգո	39
Անտունի երգերից. Յար. Պետրոսեան	44
Նորադոյն պատմագիտութիւն, ըստ Լամբոէիսի. գեր. քարզմ. Pessimist	45
Լեզենդներ Քրիստոսի մասին. Սելմա Լագերլէօֆի. Թարգմ. Արսէն ս. Սիմէօնեանց եւ Ն. Տէր Մանուկեան	63

ԱՄՍՈՒԱՅ ՏԵՍՈՒԹԻՒՆ

Ալբանական խնդիրը: Ա. Վ.:— Ալեքսանդր Ծատուրեան, — Նամակ Խմբակրութեան. Յ. Արարաշեան, — Լուրեր:	74
---	----

ՄՏԱՅՈՒԱԾ ԳՐՔԵՐ

ՅԱՅՏԱՐԱՐՈՒԹԻՒՆՆԵՐ


ՏՊԻՈՒՄ Է

ԴԻԻԱՆ

ՀԱՅՈՑ ՊԱՏՄՈՒԹԵԱՆ

Գ Ի Ր Ք Թ.

Յովսէփ Արղուրեան



ԳՐԱԿԱՆ, ՔԱՂԱՔԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵՒՅԻՆԳԵՐՈՐԴ ՏԱՐԻ

1910

№ 4

ԱՊՐԻԼ

Թ Ի Յ Լ Ի Ս
ԷԼԵԿՏՐԱԶԱՐԺ ՏՊԱՐԱՆ ՕՐ. Ն. ԱՂԱՆԵԱՆԻ, ՊՕԼԻՑ. 7.
1910

ՔԱՂԱՔԱԿԱՆ ԱԾԽԱՐՅ ԵՒ ՀԱՅՅԵՐԸ

I

Քաղաքական աշխարհում մի շատ նշանաւոր դէպք է տեղի ունենում, որը կոչուած է ահագին յեղաշրջում առաջ բերելու մօտաւոր Արեւելքի վիճելի հարցերի մէջ:

Իսկ Բալկանեան մանր պետութիւնների դաշնակցութեան հարցն է, որի կազմակերպութեան մէջ մեծ դեր է խաղում Ռուսաստանը:

Ժիշտ այն ժամանակ, երբ Ռուսաստանը Եապոնիայից պարտուած, իւր ներքին խռովութիւնները զսպելու գործով էր զբաղուած, Աւստրո-Ունգարիան, օգտուելով բարեկաջող մօմենտից և յենուելով Գերմանիային, խախտեց Բերլինի դաշնագրութիւնը և առանց քաշուելու իւր երկրին միացրեց Բոսնիան ու Հերցեգովինան:

Այս բռնի յափշտակութիւնը կարող էր պատերազմի պատճառ դառնալ, եթէ հանգամանքները թոյլատրէին Ռուսաստանին. շատ պարզ էր սակայն, որ Ռուսաստանը չը պիտի կարողանար լուրթեամբ տանել նաև այդ հարուածը, որ մի օր նա պիտի ուզէնար Աւստրիայից ու Գերմանիայից վրէժ առնել:

Մենք գիտենք, որ քաղաքական ու տնտեսական մի շարք հարցերի շնորհիւ Բալկանեան մանր պետութիւնները, մանաւանդ Բուլղարիան, Սերբիան ու Չերնօգօրիան, դժգոհ են Աւստրիական կառավարութիւնից: Այս հանգամանքը, որպէս և այն, որ նրանք պատկանում են Սլաւօնական ցեղին և նրանցից առաջինը՝ Բուլղարիան ազատութիւն ստացաւ Ռուսական զօրքի արեան զնով, որոշ չափով դիւրացնում են Ռուսաստանի վաղուց ծրագրած նպատակի իրականացումը, այն է, Սլաւօն Ռուսաստանի անմիջական հովանաւորութեան տակ համախմբել Բալ-

կանեան բոլոր Սլաօն պետութիւններին, նման գերմանական միութեան:

Այս ենթադրեալ կօնֆիդերացիան կարելի է անուանել պան-սլաօնական, որպէս հակակշիռ պան-գերմանականի:

Որքան էլ հարցը վերաբերում լինի Աւստրո-Ռուսական քաղաքականութեան, այնուամենայնիւ նրա առանցքը կազմում է Թիւրքիան, որով այս վերջինս իւր կաշին փրկելու և բաւութեան նոխազ չը դառնալու համար, ստիպուած է մտնել Բալկանեան պետութիւնների դաշնակցութեան կազմի մէջ:

Սա ունի և ուրիշ առաւելութիւններ, նախ՝ Սլաօնների թիւը Աւստրիական պետութեան մէջ բաւական զգալի թիւ կազմելով, բնականաբար սրանց համակրութիւնը թեքուած կը լինի դաշնակից Սլաօն պետութիւնների կողմը, մի բան, որ կը չլատի Աւստրիային և երկրորդ՝ Թիւրքիան մտնելով նոյն դաշնակցութեան կազմի մէջ, ինքրստինքեան պան-խալափովի դադափարն էլ կը ցնդի եթէ ոչ ընդ միշտ, գոնէ այնքան ժամանակ, որքան կը աւելէ դաշնակցութիւնը:

Ուրեմն, եթէ զուիս գալու լինի քաղաքական այդ կօմբինացիան-դա կը լինի մեկուսացումն Աւստրիայի ու Գերմանիայի և համազօր սրանց պարտութեան ոչ միայն Թիւրքիայում, այլև ամբողջ մերձաւոր Արևելքի հարցերում:

Այնուամենայնիւ պետութիւնների մի այսպիսի համախմբում հնարաւոր է այն ժամանակ միայն, երբ կը վերանան նրանց միջից խոչնդոտները, երբ նրանց քաղաքական շահերն ու նպատակները կը բերուին մի յայտարարի:

Գլխաւոր խոչնդոտը, ուր բաղիւնէ են մեծ պետութիւնների շահերը, երբեմն զինուած ընդհարումների վտանգ ստեղծելով— եղել է Արևելեան հարցը: Իսկ մենք շատ լաւ գիտենք, որ նոյն այդ պետութիւնների փոխադարձ անվստահութեան, քաղաքական անվերջ մրցութիւնների և միմեանց հակասող շահերի շնորհիւ յիշեալ հարցը փնացել է անլուծելի, այնքան աղէտալի հետեւանքներ ստեղծելով Թիւրքիայի հայերի համար:

Ասել է թէ Բալկանեան պետութիւնների դաշնակցութեամբ Արևելեան հարցն էլ լուծելի լինելու չափ հասունանում է:

Նայկական հարցի մասին խօսելը թողնելով իւր տեղում, մենք կը վերցնենք կրէտական և մակեդոնականը, որոնք կազմում են Արևելեան հարցի հերթական խնդիրները:

Կարծեմ 1897 թուին էր, երբ մեծ պետութիւններից մի քանիսը համաձայնութեան զայով, ներքին ինքնավարութիւն ձեռք բերին Կրէտէի համար, Սուլթանի գերիշխանութեան տակ. իսկ նախանցեալ տարի մակեդոնական հարցի լուծուելուն կանխեց Օսմանեան Սահմանադրութիւնը:

Շատերը այն կարծիքին են, թէ Կրէտէի բաղդը արդէն որոշուած է, թէ նա վաղ կամ ուշ կը միանայ մայր երկրի-Յունաստանի հետ: Ըստ երևութին նոյն կարծիքին է նաև Յունաստանը, որով ձգտում է օր առաջ դուրս բերել միացման ակտը, որպէս զի ազատ լինի Մակեդոնիայի վերաբերմամբ ունեցած ոտնձգութիւնների մէջ:

Բայց այս կարծիքը զեռ վաղաժամ է, ոչ միայն նրա համար, որ Թիւրքիան անհամեմատ ուժեղ է Յունաստանից, այլև նրա համար, որ վերջին խօսքը պատկանում է Կրէտէի հովանաւորութիւնը ստանձնող պետութիւններին, որոնք կարող են Օսմանեան կառավարութեան անմիջական հովանաւորութիւնը չանձնել, եթէ կը կարողանայ բարեկարգ պետութիւն լինելու հաւաստիք տալ:

Բայց մինչ այդ, այդ երկու խնդիրներն էլ կարելի է զեռ չը լուծուած համարել, որոնցից առաջինով՝ Կրէտէով շահագործուած են Թիւրքիան և Յունաստանը, իսկ երկրորդով՝ Մակեդոնիայով— Թիւրքիան, Բուլղարիան, Սիրիան, Չերնոգորիան, Յունաստանը և Աւստրո-Ունգարիան:

Ասացինք, որ Բալկանեան պետութիւնների դաշնակցութիւնը դալիս է հակաշնչուելու գերմանական դաշնակցութեան և համադր է սրա պարտութեան Արևելքում: Եւ քանի որ Աւստրիան բնական կերպով հակառակ պէտք է լինի մի այդպիսի սպառնական դաշնակցութեան իրականացման, դաշնակցութիւնով հետաքրքրուող պետութիւնները կանգ չը պիտի առնեն Աւստրիայի ցանկութիւնների առաջ, որքան կը ներեն քաղաքական հանգամանքները, որով մենք աւելորդ ենք համարում խօսել այն

դերի մասին, որ նա կուզենայ խաղալ մակեդոնական հարցը այսպէս կամ այնպէս լուծուելու ժամանակ:

Պէտք է ասել, որ որքան պատմականօրէն կրէտէն յարմար է Յունաստանին, նոյնքան աշխարհագրական դիրքով յարմար է, ինչպէս որ Մակեդոնիան յարմար է Բուլղարիային:

Բայց որովհետեւ մեծ պետութիւնների քաղաքականութիւնը յարմարութիւն բառը չի բնութենում և հարցերի վրայ նայում է իւր շահերի տեսակէտից, ուստի անհրաժեշտ է նոյն մեծ պետութիւնների յարաբերութիւններն ի նկատի առնել:

Մինչև Ռուս-Ենթադոնական պատերազմը զոյլութիւն ունէր Լրոպական պետութիւններն երեք միմեանց հակադիր ոյժեր, նախ՝ եռապետական դաշնակցութիւնը, յանձին Գերմանիայի, Աւստրո-Ունգարիայի և Իտալիայի, երկրորդ՝ երկպետեան դաշնակցութիւնը, յանձին Ռուսաստանի և Ֆրանսիայի և երրորդ՝ չեզօք Անգլիան առանձին: Այս երեք ահուկի ոյժերը միշտ միմեանց դէմ կանգնած՝ միմեանց հսկելով այնպէս էին ջլատում, ուժաթափ անում իրար, որ համեմատաբար շատ աւելի անգոր և քայքայուելու մօտ գտնուող Թիւրքիան ոչ միայն կարողանում էր իւր գոյութիւնը պահպանել, այլ և երբեմն նրանց ջրին խնդալու աստիճան յանդուգն քայլեր անել:

Իսկ այժմ քաղաքական պայմանները մասամբ փոխուել են: Միշտ չեզօք, միշտ սպառնական դիրք բռնած Անգլիան մի կողմից դաշնակից է Ֆրանսիայի հետ, միւս կողմից՝ Ռուսաստանին: Ինչ վերաբերում է մերձաւոր Արևելքի կռուախնձոր կազմող Թիւրքիային, նա, ինչպէս ասացինք, իւր կաշին սղատելու համար զոնէ չի տատանուի Ռուսաստանի, Ֆրանսիայի և Անգլիայի կողմն անցնել, քանի որ եռապետական դաշնակցութեան բարեկամութիւնը այնքան թանգ է արժեցել նրան:

Եթէ մեր ենթադրութիւնը մասամբ իսկ մօտ լինի՝ ճշմարտութեան, այնժամանակ կարելի է ասել, որ բալկանեան պետութիւնների դաշնակցութեան հարցը, որ սերտ առնչութիւն ունի Գերմանիայի և Աւստրո-Ունգարիայի չեզօքացման խնդրի հետ, մօտ պէտք է լինի նաև Անգլիայի ու Ֆրանսիայի քաղաքական նպատակներին, որով ի սէր նոյն դաշնակցութեան գլուխ

գտլուն, խոչնդոանների վերացումը, այն է՝ կրէտական և մակեդոնական հարցերի լուծումը չիշեալ երկու պետութիւնների կողմից ևս արգելքի չի հանդիպի:

Ահա այս տեսակետից ասացինք, թէ Բալկանեան պետութիւնների դաշնակցութեամբ Արևելեան հարցն էլ լուծանելի լինելու չափ հասունանում է:

Թէ ի՞նչ ձևով կը լուծուին կրէտական և մակեդոնական հարցերը, մեզ այնքան էլ հետաքրքիր չէ և մենք շօշափեցինք նրանց բացառապէս իրերի դրութիւնը պարզելու համար. իսկ թէ ի՞նչ ձևով կը լուծուի Հայկական հարցը պետութիւնների նոր համախմբումների ժամանակ, այն հարցը, որ տեղ է գտել Բերլինի դաշնագրութեան մէջ 61-րդ յօդուած անուան տակ — սա է մեզ հետաքրքրողը, որպէս Թիւրքիայի հայերի կեանքի ու մահու խնդիր:

II

Եթէ հայկական հարցի վրայ նայենք մարդկային խղճի տեսակէտից, կը գանք այն ուղիղ եզրակացութեան, որ մակեդոնական և կրէտական հարցերի շարքից դուրս չը պիտի ձգուի նախ՝ այն պատճառով, որ Թիւրքիան դաշնագրական որոշ պարտաւորութիւններ է յանձն առել նրա վերաբերմամբ և երկրորդ՝ նրա համար, որ հայը աւելի շատ ու երկար է տառապել և աւելի մեծ ու թանկագին զոհեր է առել:

Դժբաղդաբար մարդկային խիղճը ոչ մի ազգի չի փրկել, նրա օրէնքով ոչ մի հարց չի լուծուել և այսուհետեւ էլ չի լուծուի: Անցեալ դարու վերջին քառորդի ընթացքում ևրոպական երկրներում բազմամարդ միտինգներ եղան, խմբագրուեցին ու ստորագրուեցին բուռն բողոքներ Հայաստանի մէջ կատարուող վայրենութիւնների դէմ, Հայ ժողովրդին մահմեդական խուժանի և այդ խուժանին ղեկավարող կառավարութեան հալածանքներից ազատելու համար զիմուքներ եղան... Բայց մարդկային խղճի հզօր աղաղակները մնացին ծայն բարբառոյ յանապատի:

Ուրիշ կերպ էլ լինել չէր կարող: Պետութիւն կազմող ժո-

ղովրդի խիղճը չէ, որ իշխում է քաղաքականութեան վրայ և նրան ղեկավարում, այլ կառավարութեան քաղաքական շահերը, նպատակները:

Եթէ մեզ չը մեղադրեն յոռետեսութեան մէջ, այն էլ կասենք, որ այդ խիղճն ասածիդ վրայ էլ յոյս դնել կարելի չէ, թէկուզ նա լինէր քաղաքականութեան վրայ իշխողը:

Անգլիացի մեծ մարդասէր—Գլադստոնը հայկական հալածանքների ու մարտիրոսութեան դէմ ամենից շատ և ուժեղ բողոքողն եղաւ: Բայց հրաժարւում ենք հաւատալ, թէ նա յանձն կառնէր իւր ազգի քաղաքական շահերը զոհել նոյն տառապող ազգի փրկութեան, առանց փոխարինութեան, տրիտուրի:

Չը պէտք է մոռանալ, որ խիղճն էլ իւր եսը ունի, որը չի զոհի մի ուրիշի եսին:

Ուրեմն ի՞նչ տեսակէտից էլ վերցնելու լինինք, ստիպուած պէտք է լինինք հայկական հարցի լուծումն էլ մեծ պետութիւնների քաղաքական շահերի մէջ որոնելու:

Մեզ համար կենսական նշանակութիւն ունեցող խնդրին այս տեսակէտից նայելով գալիս ենք այն զարհուրելի եզրակացութեան, որ հայկական հարցը պիտի զառնայ քառութեան նոխազ, մի կամուրջ մի քանի պետութիւնների միմեանց մօտեցնելու համար:

Եւ իրօք՝ ո՞վ և ո՞ր պետութիւնը պէտք է պաշտպանի հայկական դատը, երբ Բալկանեան պետութիւնների դաշնակցութեան պատրուակի տակ տեղի կունենայ պետութիւնների այն համախմբումը, որի մասին խօսեցինք վերևը:

Որպէսզի աւելի հստկանալի լինի, նախ պէտք է իմանալ թէ քաղաքական ի՞նչ նպատակներով էր, որ Եւրոպական այս կամ այն պետութիւնը երբեմն պաշտպանում էր հայկական հարցը, որը Բերլինի վեհաժողովի ուշադրութեանն անգամ արժանացաւ:

Վերջին Ռուս-թրքական պատերազմը Եւրոպական մի քանի պետութիւնների բերեց այն եզրակացութեան, որ ոչ Բալկանեան լեռները կարող են Ռուսաստանի աշխարհակալական արշաւանքների սուռչը փակել, ոչ Ղարսի նման ամրոցները և ոչ թրքական զօրքը:

Եւ Լեւոնական պետութիւնների մարդասիրութիւնը չէր, որ Բուլղարիային ազատեց թրքական լծից, այլ Ռուսաստանի արշաւանքների ճանապարհի վրայ ազատ Բուլղարիայից մի իրական պատեհէլ կանգնելու միակ միտքը:

Նոյն քաղաքական նպատակներով էր, որ Անգլիան պաշտպանում էր Հայկական հարցը: Եւ եթէ Անգլիայի նպատակները չը բաղխէին Գերմանիայի նպատակներին, թերեւ Հայկական հարցն էլ որեւէ կերպով կ'ուծուէր:

Բայց 1895 թուին Գերմանիայի բռնած ղիրքը շատ պարզ ցոյց տուեց, որ նա Ռուսաստանի հետ Անգլիայի դէմ կը լինի, եթէ սա առաջ կը քաշի Հայաստանի աւտոնոմիայի հարցը, իսկ քնդհակառակը Անգլիայի հետ Ռուսաստանի դէմ կը լինի, եթէ սա կը ձգտի Հայաստանը գրաւել:

Մենք կարծում ենք, որ Հայկական հարցը այժմ իւր նախկին նշանակութիւնը կորցրած պէսք է լինի, որովհետեւ Ռուսաստանի քաղաքական պայմանները զգալի կերպով փոխուեցին:

Անգլիայի ներկայ քաղաքական տրամադրութիւնը բնորոշելու համար բաւական է ինկատի առնել, որ նա այժմ դաշնակից է Հայկական աւտոնոմիայի հակառակորդ Ռուսաստանի հետ և որ այժմ աւելի ևս կարիք ունի նա Թիւրքիայի բարեկամութեան, ի վնաս իւր զօրեղ հակառակորդ ու մրցակից—Գերմանիայի: Իսկ մի այդպիսի բարեկամութիւն շահելու համար ոչ միայն Հայկական հարցը ղոհելը մի բան չարժէ, այլև չարժէ ամբողջ հայ ազգին ղոհելը:

Զէ՞ որ Հայկական արեան ղնով էր, որ Գերմանիան զիւսնադիտական նուաճումներ էր անում Թիւրքիայում ի վնաս Անգլիայի, իսկ Ռուսաստանը ձգտում էր նոյն Գերմանիայի ձեռքից դաբնիները կորզել:

Մենակ Թիւրքիան չէր, որ Հայաստանը ներկեց հարիւր հազարաւոր հայերի արիւնով, այլ մեծ պետութիւնների քաղաքական կռիւր միմեանց դէմ:

Որ Եւրոպական այս կամ այն պետութիւնը իւր որոշ նպատակներն իկատար ածելու կամ հաշիւները մաքրելու համար Թիւրքիայի հետ, Հայկական հարցով է սպառնացել նրան—այս

մասին շատ օրինակներ կարելի է թուել: Ամենից թարմը այդ օրինակներից Պոլսի քարափի միջադէպն էր, որ կառուցել էր Ֆրանսական միմասնաւոր ընկերութիւն և որի շահերը պաշտպանելու համար ոչ միայն Փրանսիան չը յապաղեց զրահակիրներ ուղարկելով թրքական չրերը, նրա նաւահանգիստներից մէկը գրաւել, այլև սպառնաց չայկական հարցը լարուցանել, որի մասին իւր ժամանակին գրուեցաւ մամուլի էջերում:

Սա ինքնըստինքեան բաւական է ապացուցանելու, որ հասարակապետական Փրանսիայի կառավարութեան համար որևէ մի բուրժուա Լօրանդօի շահերը չայկական հարցից աւելի թանգարժէն:

Բազմաթիւ նման փաստերը բաւական էին, որ մենք համոզուէինք թէ նոյնն են նաև միւս պետութիւնները և որոշ չափով զգուշանայինք արտաքին խաբուսիկ երևոյթներով չափշտակուելու միամտութիւնից:

Բայց հնարաւոր է արդեօք չը խաբուել, չը չափշտակուել: Թիւրքիայի հայը որպէս մի անդէկ նաւ տատանոււմ է քաղաքականութեան փոթորկալից ովկիանոսի մէջ: Նա հազարաւոր խութերի է հանդիպել, հազարաւոր անդամ այդ խութերի վրայ չախչախուելու, խորասուզուելու վտանգ է անցրել. բայց մեղադրելի՞ է արդեօք, հեռու հորիզոնի վրայ հազար ու մէկերորդ խութը նաւահանգիստ կարծելով չը խաբուի...

Ի՞նչն է կեսանք տուել հային, ի՞նչն է կապել նրան հայրենիքի զաղափարի հետ, այն հայրենիքի, ուր նա օր ու արև չի տեսել առանց արիւնի արցունքի:

Թրքաց չայաստանը թէև միշտ ողողուել է իւր թանկագին զաւակների արիւնով, այնուամենայնիւ հարիւր հազարաւոր շիրիմների վրայ ողբալով հանդերձ, հայը շարունակել է ապրել այն քաղցր յուսով թէ՛ մի օր՝ անշուշտ, կը փոխուի կառավարութեան ծէր և բարբարոսական կարգերի հետ միասին կը վերանան տանջանքները, հալածանքները, մարտիրոսութիւնը:

Այո՛, այս յոյսով է ապրել հայը, դիմացել վայրենի բռնութիւններին, զաղանային չարդերին: Այս յուսով է, որ նա կպած է մնացել այդ արիւն ու արցունքով մկրտուած երկրին, ար-

հաւիրքներով մակարդուած մթնոլորդին: Կեանքի քաղցրութիւնը երբեք քշել է նրան իւր հայրենիքից, անխուսափելի մահուան երկիւղը հալածել է նրան դէպի օտար աշխարհներ, այնուամենայնիւ. ամեն անգամ երբ բարեյաջող պայմանների յոյս է եղել — նա հոգով ու սրտով սլացել է դէպի հարիւր հազարաւոր սիրելիների գերեզմանը, դէպի արիւնքներէ վաթմանը:

Ու դարերով նահատակող, բայց միշտ յուսով ապրող հայի յոյսերը իրականացան աւելի լայն չափով, քան նա կարող էր երևակայել:

Բոսֆորի պալատական բարձունքից, որտեղից դարերի ընթացքում միմիայն հալածանքի, տանջանքի, ու չարդերի հրամաններ էին արձակուել — այնտեղից հրատարակուեց սահմանադրութիւն, որ կազմուած էր երկիրը կառավարելու ժողովրդի ներկայացուցիչների ձեռքով, առանց ազգի ու կրօնի խարուխթեան:

Սա հազար ու մէկերորդ խութն է:

Արդէն մօտ երկու տարի է, ինչ Օսմանեան Սահմանադրութիւնը գոյութիւն ունի: Ոչ միայն բռնապետութիւնն է տապալուել, այլ և բռնապետը: Ազատութեան, հաւասարութեան և եղբայրութեան դրօշը ծածանում է այն պառլամենտի զլխին, ուր ժողովուած են ժողովրդի ներկայացուցիչները:

Բայց առերեւոյթս իրականացած յոյսերի մօտ երկու տարուայ գոյութիւնը նոյնքան դառն լիշողութիւններ է բովանդակում իւր մէջ, որքան այն ժամանակ, երբ նա դեռ յոյս էր ու երազ:

Սահմանադրութիւնը, որի վրայ կարող էր հայր դնել իւր յոյսը և վստահել նրան, որ կոչուած պէտք է լինէր խորին հաւատք ներշնչելու դէպի ազգային ու քաղաքացիական կեանքը և արծարծելու աւելի հաստատուն յոյս դէպի լաւագոյն ապագան — նա՛ ընդհակառակը՝ յուսախաբ արեց հային:

Սահմանադրական ցնծութեան օրերում, եղբայրութեան, հաւասարութեան և ազատութեան փողերի հնչիւնների ու համբոյրների տաք շփնդի տակ Ադանան ներկուեց տասնեակ հազար հայերի արիւնով:

Աղանայի կոտորածը, որի մէջ անմասն չէր Թիւրքիայի սահմանադրական կառավարութիւնն ու զօրքը—հայի գլխին սառը ջուր թափեց:

Նա տեսաւ որ հազար ու մէկերորդ տնգամը լինելով հանդիպել է անողորմ խռթին: Նա թօթափեց Սահմանադրութեան պատճառած գինովութիւնը և այս անգամ էլ սարսափով համոզուեց, որ նոյն վայրենիներով է շրջապատուած, որ Սահմանադրական ազատութիւն, հաւասարութիւն, եղբայրութիւն բառերը շիրմաներ են, որոնց ետև շարունակուած է թագնուած ֆաշիստ ու զործել Թիւրքիայի հանրածանօթ բարբարոսութիւնը:

Սխալ կը լինի կարծել թէ Սահմանադրութեան օրօք տեղի ունեցած բարբարոսութիւնները համիդեան փոթորկի ուշացած թափեր են: Զափազանց աչքի զարկող ապացոյցներ կան, որ Սահմանադրութիւնը մի պատրուակ է, որի ետև թագնուած է համիդի քաղաքականութիւնը:

Շարաթ չի անցնում, որ հայաստանի զանազան անկիւններից կոտորածի պատրաստութեան լուրեր չը գան: Մահմեդական ամբօխի սիրած դժոխային հարսանիքի կրկնուելու հաւանականութիւնը նոյնքան մեծ է այսօր, որքան մեծ է եղել Սահմանադրութիւնից առաջ: Աղանայի շարդի գլխաւոր հերոսների անպատիժ ֆաշիստ, տնշուշտ այն համոզումը գոյացրեց մահմեդական ամբօխի մէջ թէ համիդի կառավարութեան և Սահմանադրական կառավարութեան միջև ոչ մի էական տարբերութիւն չը կայ, որ այժմ ևս կարելի է հալածել, թալանել ու ջարդել անպատիժ կերպով, որպէս անպատիժ մնացին Աղանայի շարդարարները:

Սահմանադրական ռէժիմի ծրի փաստաբանները, օտարաղգի, թէ հայ, աշխատում են հաւատացնել մեզ թէ, ներկայ կառավարութիւնը շատ կօրրէկտ է, մինչև անգամ բարեացակամ դէպի հայ հպատակները, թէ Սահմանադրութեան թշնամիներն են, որ աշխատում են խռովութիւններ յարուցանել, որ ամեն մի կարող է միջոց ներկայ կառավարութեան կողմից խռովարարների ու հին կամ նոր շարդարարների դէմ կարող է Սահմանադրութիւնը վտանգի ենթարկել...

Հապա ի՞նչու թալանի, հալածանքի ու ջարդի առարկան միշտ դառնում է հայր և ոչ մահմեդականը. ի՞նչու տասնեակ հազարաւոր հայեր կոտորուեցին Ադանայում, այն ինչ նոյն ջարդարարները ոչ մի մահմեդականի քիթ չարիւնեցին:

Ինքներս մեզ չը խաբենք:

Բռնապետութեան վերահաստատման լուրերը, Սահմանադրութիւնը չը վտանգելու երկիւղը պատրուակներ են. որպէս, ինչպէս վերն ասացինք, պատրուակ է ինքը՝ Սահմանադրութիւնը: Համիդի և նրա հաւասարիմ փաշաների սիրուն աչքերը չեն, որ հրապուրում են մոլեռանդ ամբոխին, այլ այն, որ այդ տարրը դարերի ընթացքում սովորել է թալանել ու կոտորել և այժմ ևս չի կտրող ապրել առանց թալանի ու կոտորածի:

2^է որ Մ. Յ. կուսակցութիւնն անգամ, որ Սահմանադրական կառավարութեան ստեղծողն ու նրա մարմնացումն է հանդիսանում, չը հանգստացաւ, մինչև որ իւր թաթերն էլ հայկական արիւնով չը ներկեց:

Այո՛, ինքներս, մեզ չը խաբենք:

Միամտութիւն կը լինի մտածել, որ Թիւրքիայի հայը (մայրաքաղաքի հայերի մասին չէ խօսքս) կարող է հաւատ ընծայել մեր հաւաստիացումներին: Նա իւր դրութեան լրջութիւնը շատ լաւ գիտէ, որովհետև նա իւր դարաւոր հալածիչների սիրտն ու հոգին լաւ է ճանաչում:

Որպէս զի հայը հաւատայ և անձնատուր լինի իւր խաղաղ տնտեսութեան, կուլտուրական աշխատանքին, ունենալու է որ և է շոշափելի զրաւական, որ իսկապէս կայ Սահմանադրութիւն, որ երկրին թագաւորում է լիակատար հաւասարութիւն, որ ինքն այլևս իրաւագուրկ ռայա չէ, այլ ազատ քաղաքացի:

Թող որ Սահմանադրութիւնը պատրուակ լինի, թող որ ազատութիւն, հաւասարութիւն և եղբայրութիւն բառերը շիրմաներ լինին—այնուամենայնիւ հաւատացած ենք, որ Թիւրքիայի հայը զոհ կը մնար նաև նրանով, եթէ հաւատար, որ անցեալի թալան ու ջարդերը այլևս չեն կրկնուի:

Աւելին կասենք. հային այսուհետև ևս տանելի կարող

էր լինել շարունակ թալանը, եթէ ապագայի վրայ որ և է յոյս ունենար:

Սակայն որքան սպառնական է ներկան, նոյնքան անյոյս ու մթին է ապագան: Սահմանադրութիւնը ոչ միայն յուսախաբարեց, այլև իսպառ խորտակեց ապագայի յոյսն անգամ:

Իրաւ է՝ որ Սահմանադրութիւնը Ռուսաստանին էլ չը տուեց այն, ինչ որ սպասուում է, այնուամենայնիւ չի գտնուի մէկը, որ այդ երկու պետութիւններին մի տախտակի վրայ դնի: Երբ հարցը վերաբերում է հպատակների կեանքի ու գոյքի ապահովութեան, կառավարութեան բռնակալութիւնը այնքան մեծ և վտանգաւոր չարիք չէ, որքան այն, երբ ժողովուրդն է բռնակալ ու բարբարոս:

Մի Պուրիշկէիչ կամ մի Մարկով կարող են պառլամենտի բեմից կոտորածի դասախօսութիւններ անել, բայց ռուս ժողովուրդը նրանց խօսքով իւր ձեռքերը արիւնով չի ներկի, այնինչ եթէ նոյն բացականչութիւնները լսուին թրքական պառլամենտի ամբիոնից, օսմանեան խուժանը չի յապաղի արեան զետեղ հոսեցնել:

III

Մենք ասացինք, որ օսմանեան սահմանադրութիւնը հային յուսախաբարեց, որ նա կեանքի ու գոյքի ապահովութեան ոչ մի գրաւական չը տուեց, ընդհակառակը նրա օրօք և նրա տնտեսան տակ գործող կառավարութեան ձեռքով Ադրանայի սարսափելի շարժը տեղի ունեցաւ:

Բայց այս չէ բոլորը, նոյն սահմանադրական կառավարութիւնը ձգտում է խլել հայից նաև փշրանքներն այն իրաւունքների ու արտօնութիւնների, որոնք ձեռք են բերուած այնքան թանկագին զոհերի արեան զնով:

Ահա այստեղից էլ ծագում է այն հարցը թէ, եթէ այժմեան թոյլ, տնտեսապէս քայքայուած, արտաքին ոյժից ենշուած և դաշնակցական պարտաւորութիւններով շլթայուած Թիւրքիան, չը բաւականանալով շարդի ու թալանի արհաւիրքով,

ծեռք է մեկնում նաև հայի փոքրիկ արտօնութիւնների— ի՞նչպէս կը վերաբերուի նա դէպի անպաշտպան հայր, երբ գլուխ կը գայ լալկանեան պետութիւնների դաշնակցութիւնը:

Զէ՞ որ Բերլինի դաշնադրութեան ոչնչանալով, ոչնչանում է նաև 61-րդ յօդուածը:

Այս տեսակէտից քննելով, մարդս գալիս է այն վերջնական եզրակացութեան, որ նախագծուած դաշնակցութիւնը անուղղակի կերպով վտանգի է ենթարկում ոչ միայն Թիւրքիայի հայի, այլև պարսից հայերի ազգային գոյութիւնը:

Շատերը կը գտնուին կարծողներ, թէ Թիւրքիայի դաշնակցութիւնը Եւրոպական պետութիւնների հետ, բարեբար ազդեցութիւն կանի այս վերջինիս վրայ. թէ Թիւրքիան կը լուսաւորուի, կը քաղաքակրթուի, երբ ինքնին կը վերանայ այն վտանգը, որ դամոկլեան սրի նման կախուած է եղել ու կախուած է հայի գլխին...

Եթէ՛ իրաւ՝ կան այսպիսի սին յոյսերով սփոփուողներ, նրանք յամենայն դէպս պէտքէ գիտենան, որ քաղաքական դաշնակցութիւնները չեն կազմում ժողովուրդների կեանքը, տրնտեսութիւնը բարելաւելու և իրաւունքների սահմանը ընդլայնելու համար: Եռապետական դաշնակցութիւնը, որ ընդհանուր խաղաղութեան պահպանման անունից է խօսում—նա միմիայն չարիք է բերել մարդկութեան: Խօսել ռազմական պարագաների վրայ ծախսուող միլիոնների և այդ միլիոնները հայթայթող ժողովուրդների տնտեսական քայքայման մասին—մեր նիւթից դուրս է: Աւելորդ չենք համարում մատնանիշ անել մի բանի վրայ, այնէ՛ որովհետև ոչ մի ժողովուրդ կամովին թոյլ չէր տայ, որ իւր դառն քրտնքի վաստակը կառավարութիւնը գործ դնէր մահաբեր զէնքերի գերազանցութեան մէջ տեղի ունեցող տենդային մրցութեան վրայ, բնականաբար կառավարութիւնները ժողովրդին պահում են այն վիճակի մէջ, որպէսզի հնարաւորութիւն չունենայ ծայր ու ծպտուն հանելու:

Տասնիններորդ դարու կէսից սկսած Թիւրքիան, թէ՛ որպէս պետութիւն և թէ՛ որպէս ազգ, անընդհատ շփուել է Եւրոպական պետութիւնների և ազգերի հետ. թրքական քաղաք-

ները լիքն են երոպացիներով, իրենց կրթական, կուլտուրական և առևտրական խոշոր հաստատութիւններով: Սակայն այդ շրջիւմը միայն բացասական արդիւնք է տուել— նա աւելի սաստիկ է զրգուել մահմեդական տարրի և նրա կառավարութեան մոլեռանդութիւնը դէպի քրիստոնեաները աւելի է վայրենացրել նրան:

Որպէսզի հասկանալի լինի թէ ինչ ներգործութիւն է ունեցել Թիւրքիայի վրայ Եւրոպացիների հետ ունեցած յարաբերութիւնը, շփումը, նախ պէտք է իմանանք թէ ինչ պահանջներ են արել Եւրոպական պետութիւնները Թիւրքիայից:

Ահա՛ այդ պահանջներից ու վերաբերմունքից մի քանիսի ամփոփումը:

— Բաց արա՛ մեր առաջ Թուրքիայի շուկաները, տուր մեզ այս կամ այն արտօնութիւնը, այս կամ այն իրաւունք, այս ինչ կամ այնինչ կոնցեսիան, այն ժամանակ չարդիր քրիստոնեայ հրապատակներիդ ուղածիդ պէս— թելադրում էր Գերմանիան:

— Տուր մեզ Կիպրոսը, քիթդ եգիպտական գործերին մի խառնիր, թոյլ տուր, որ երկրի հարստութիւնը ծծենք սղորուկի նման և մենք մատների արանքից կը նայենք ձեր բարբարոսութիւններին— ասում էր Անգլիան:

— Թո՛ղ որ Լօրանդօն և նմանները աւելի երկար տարիներով և նպաստաւոր պայմաններով թրքական ոսկիները Փրանսական զրպանները լցնեն և մենք ձեր կատարած չարդերի մասին ծայն չենք հանի— ասում էր Փրանսիան:

Իսկ Ռուսաստանը կամենում էր, որ Թիւրքիան հայերին չարդի, նախ՝ նրա համար, որ առիթ լինի իւր քաղաքական ազդեցութիւնը մեծացնելու և երկրորդ՝ որ հնարաւոր լինի հաստատնը զրաւելու:

Եւ սրանք լոկ են թաղրութիւններ չեն, այլ պատմութեան էջերում արձանագրուած փաստեր, որոնց մենք ինքներս էլ աւանատես ենք եղել:

Ասել է թէ Եւրոպական պետութիւնների յարաբերութիւնը, շփումը,— թէ քաղաքական, թէ կուլտուրական և թէ անտեսական հողի վրայ,— կոչուած չի եղել Թիւրքիային քաղա-

քակրթելու, բարեկարգելու, այլ բացառապէս շահագործելու նրան թէ տնտեսապէս և թէ քաղաքականապէս: Եւ որովհետեւ այդ հողի վրայ միշտ տեղի է ունեցել կատաղի մրցութիւն շահագործուած պետութիւնների մէջ, ուստի Թիւրքիան ինքնապաշտպանութեան մտքով, շարունակ յետ ու յետ է նահանջել, քայլ առ քայլ մօտենալով բարոյական, ֆիզիքական ու տնտեսական քայքայման, երբ նոյնպէս աստիճանաբար զարգացել է նրա մէջ բուռն ատելութիւն դէպի քրիստոնեաները:

Եւ բնականից վայրենին աւելի ևս կատաղի վայրենութեան է հասել:

Այս բոլորից յետոյ ենթադրել թէ բալկանեան ֆեդերացիան քաղաքակրթական նոր հորիզոններ կը բանայ Թիւրքիայի առաջ, վարչական նոր բարեկարգութիւններ, նոր սկզբունքներ կը մտնի այդ արիւնի ու արցունքի վրայ հիմնուած պետութեան մէջ — դա կը լինի երեխայական միամտութիւն և կամ մի հրաշք:

Որովհետեւ հրաշքներին մենք չենք հաւատում, ուստի կարծում ենք, որ Թիւրքիայի հայը գտնուում է մի այնպիսի անորոշ կացութեան մէջ, որպէս չի գտնուել երբեք:

Ի՞նչ դիրք պէտք է բռնի, ինչպիսի քաղաքականութեան պէտք է հետևի նա:

Նա չի կարող յետ դառնալ դէպի Համիդի ուէթիմը, որից դարերով հալածուել տանջուել ու ջարդուել է: Չի հաւատալ Սահմանադրական կառավարութեան, որովհետեւ սա ամբողջ Կիլիկիան ներկեց հայկական արիւնով, ձեռք է մեկնում հայի ազգային ինքնուրոյնութիւնը պահպանող փոքրիկ ֆակտորներին ևս, ի դէմս պատրիարքական իրաւունքների, կրթական հաստատութիւնների անկախութեան, մայրենի լեզուի և այլն: Չի կարող նաև Եւրոպական պետութիւնների վրայ յոյս դնել, քանի որ նրանց մէջ ծրագրուում է քաղաքական այնպիսի կօմբինացիա, որին հեշտութեամբ կարող են զոհուել ոչ միայն հայի նման մի թոյլ, անպաշտպան և լքուած ազգի շահերը, մինչև անդամ գոլութիւնը, այլև կարող է զոհուել Պարսկաստանի նման մի պետութեան քաղաքական գոյութիւնը:

Պէտք է մտածել այս մասին և լուրջ կերպով մտածել:

Mars

ԱՐԱԳԱԾԸ

Դէպի երկինք՝ սէգ, վեհափառ
Իւր զագաթով ամպածրար
Սարն է ցցուել—սարն Արագած,
Մէգ-մեռից զգեստ հագած:
Շնչում է նա իւր նայողին
Արիութիւն—ոյժ երկնային,
Փոքորկի դէմ կանգնել միշտ վէս՝
Լանջիւր ուռած հսկայի պէս...
Օ՛, երանի, երկնահո՛ւպ սար,
Ես էլ փառով քեզ հաւասար
Կեանքի ահեղ փոքորկի դէմ
Անվախ հոգով կռուի ելնեմ...

Յարութիւն Պետրոսեան

Տ. ԳՐԻԳՈՐ Ը. ԽԱՆՁՈՂԱՏ

207. Գրիգոր, նման ուրիշ ժամանակակիցներու, յանկարծ կը ներկայանայ պատմութեան մէջ, իբրեւ աթոռին թեկնածու, սակայն յայտնի է, որ եթէ կանուխէն դիրք և ազդեցութիւն չունենար, չէր կրնար յանկարծ կաթողիկոսական աթոռը զրաւել: Գրիգոր զօրաւորագոյն գտնուեցաւ Յակոբի զաւաճաններուն մէջ, և իւր զօրութիւնը կը պարտէր այլազգի ամիրային և մասամբ ալ հայ ազգային վարչութեան պետին, որ տակաւին կը շարունակէր Սիսի մէջ, մեծ գաղթականութենէն (1404) ալ հտքը: Գրիգոր շուտով ինքն ալ իւր նախորդին բախտին հանդիպած կ'ըլլար, զօրաւոր հակառակորդներու երեսէն, եթէ իւր պաշտպան ամիրային բռնութիւնները ահ ու սարսափ ազդած չըլլային ամէնուն վրայ, որով կրցաւ քանի մը տարի զրաւուած աթոռը պահել: Գրիգորի Խանձողատ մականունը, որով ճանչցուած է պատմութեան մէջ, միին մնացած է. և դժուար է ճշտել թէ ինչ պատճառով կամ ինչ նպատակով դրուած է այդ մակդիրը, որ այլաբանական իմաստ կ'երևի ունենալ, եթէ դիպուածական պարագայէ մը առնուած չէ: Գրիգորի կաթողիկոսութեան սկիզբները (1411), Քարա Եռսուֆ զօրացաւ Ասիոյ մէջ, տիրեց Պաղտատի, յաղթեց Ամիգի Օսման ամիրային, և սկսաւ ամէն կողմ ահուելի կոտորածներ ընել, մինչև որ Օսման սկսաւ նորից զօրանալ (1418), և Շահուեն, Լէնկթիմուրի որդին, Եռսուֆին դէմ ելաւ, որ նոյն միջոցին հիւանդութեամբ մեռաւ (1420): Թէպէտ Քարա Եռսուֆի իշխանութիւնը վտանգուած կ'երևէր, բայց որդին, Իսքէնտէր, յաջողեցաւ զայն նորէն զօրացնել և փայլեցուց Քարաքօյունլու Քիւրդերու իշխանութիւնը (1421): Քուրդերու միւս մասին գլուխն էր Օսման, Աքքօյունլու ցեղին իշխանը: Նրկու ցեղերուն անունները առնուած էին իրենց նշանէն, նշանն ալ իւրաքանչիւր ցեղի հօտերուն գոյնէն:

208. Արևելեան վարդապետներ, որոնք Աղթամարի աթոռը տկարացնելով Սսոյ աթոռը զօրացնելու ձեռնարկած էին Յակոբի ժամանակէն, անտարբեր չէին կրնար մնալ այն ողբալի կացութեան հանդէպ, որուն հասած էր Սսոյ աթոռը, և քանի մը փառա-

մով եկեղեցականներու ձեռքը խաղալիք էր դարձած: Անոնք արծաթով ու թոյնով աթոռը իրարու ձեռքէն կը յափշտակէին, և այլազգի ամիրաներ կը զօրացնէին այդ կացութիւնը, ուստի անուղղակի օգուտներ կը քաղէին: Գրիգորի անձն ալ, գործն ալ, ամենայնոք անկման մէջ կը գտնուէին, զոր աւելի դիւրին է երևակայել, քան թէ մանրամասնօրէն պատմել: Արևելեայց խումբէն Պօղոս վարդապետ Գառնեցի, չեմք գիտեր ինչ տեսակ պարագաներու բերմամբ Երուսաղէմ էր գացած, նոյն աթոռին ծառայութեան մտած, և մինչև պատրիարքութեան աթոռ բարձրացած (1413): Արևելեայց երբ որ ուզեցին Սսոյ գործերուն միջամտել, զօրաւոր ազդեցութիւն գործածել, և կաթողիկոսարանի միաբաններուն անկարգ ընթացքը զսպել, պէտք ունէին կարող և հմուտ և վարժ մէկը գտնել, որ կարենար ղեկարին ձեռնարկը յաջողցնել. և յաղթել այնպիսի հակառակորդներու դէմ, որոնց սովորական միջոցները, կաշառներ և սպանութիւններն էին: Այդ առթիւն էր որ ամէնուն մտադրութիւնը զրաւող և ամէնուն վկայութեամբ յարմար անձը նկատուեցաւ, Երուսաղէմի Պօղոս պատրիարքը, Արևելեայց ալ նախածանօթը: Պօղոս Արևելեան վարդապետներու կողմէն յանձնարարութիւն ստացաւ Երուսաղէմէ Սիս երթալ, կաթողիկոսական աթոռը բարեկարգել, և ինչ որ պէտք է գործադրել:

209. Ստուգապատում և ժամանակակից պատմագիրներու պակասութիւնը, և լոկ ցիրուցան յիշատակներով պատմութիւն կազմելու հարկադրութիւնը, յաճախ կը ստիպէ շատ մը պարագաներ անորոշ թողուլ, և թուականներ ու պարագաներ ճշտելէ ձեռք քաշել: Այդ կարգէն են Պօղոսին Սիս հասնելուն, և ձեռնարկած գործերուն, և Գրիգորի կաթողիկոսութենէ ելնելուն պատմութիւնները: Պօղոս կը յիշատակուի իբր Երուսաղէմի պատրիարք 1413 տարին, և մինչնոյն տարին յետ սուղ ինչ աւուրց, կը յիշատակուի իբր կաթողիկոս ի Սիս (Տ. Յովհ. Ա. 220): Միւս կողմանէ ուրիշ յիշատակաց մէջ, Գրիգոր քսորուած կ'ըսուի 1418 տարին, և նոյն թուին Պօղոս կաթողիկոս եղած (Առաք. 336): Հրատարակուած յիշատակարաններու մէջ կը տեսնենք, որ երբեմն Պօղոս իբր կաթողիկոս կը յիշուի 1416 թուին (Նօտարք 48), և երբեմն ալ Գրիգոր իբր կաթողիկոս կը ճանչցուի 1420 թուին (Նօտարք 62): Եթէ չուզեմք այդ թուականներէն մին կամ միւսը իբր սխալ գրուած կամ սխալ ընթերցուած համարել և զանց ընել. կարող եմք համաձայնեցնել այս կերպ ենթադրութեամբ մը: Պօղոս Երուսաղէմի պատրիարք կ'ընտրուի 1413 թուին. մէկ կամ երկու տարի ետքը Սիս կերթայ (1415), իւր ազդեցութեամբ կը զօրանայ. այնպէս որ ող-

Ջամիտներէն և Գրիգորի հակառակորդներէն կաթողիկոս կ'ընտրուի (1416): Գրիգոր իւր կուսակիցներուն ու պաշտպաններուն շնորհիւ կը շարունակէ կաթողիկոսի ղեկը և անուն գործածել երկու տարի ևս, մինչև որ Պօղոսի կողմը կը գօրանայ, և ամիրայն ալ անոր կողմը կը շահուի, և Գրիգոր կաքսորուի ու կը բանտարկուի, և Պօղոս անհակառակ կը տիրանայ կաթողիկոսական աթոռին (1418): Գրիգոր երկու և երեք տարի ևս կ'ապրի իւր աքսորական բերդարգելութեան մէջ, որով իւր կուսակիցներ կարող կը լինին զայն իբր կաթողիկոս նշանակել (1420): Յիշատակարան մը Գրիգորի համար ըսած է, թէ իւր հակառակորդներ նաեւ հոգւով սպանին զնա (Չամ. Գ. 459): Հոգւոյ մահը հաւատքի կորուստին վրայ մեկնուած է միշտ, և չէինք ուզեր ենթադրել իսկ, թէ Գրիգոր յետին յուսահատութեան մէջ ուզած լինի ուրացութեան դիմել իւր հակառակորդներէն վրէժ լուծելու կամ իւր նեղութիւններէն ազատելու համար: Քանի որ այդպիսի ակնարկ մը չեմք գտներ, ենթադրենք իսկ աւելորդ կը դատեմք: Գրիգորի մահն ալ բռնական եղած պիտի ըսենք, հետեւելով Մեծփնցիին ընդհանուր ակնարկութեան (Կոստան. 55):

Տ. ՊՕՂՈՍ Բ. ԳԱՌՆԵՑԻ

210. Պօղոս իբր ընտիր անձնաւորութիւն մը կը ներկայանայ ընդհանուր անկման ժամանակ. որ կամ շատ մեծ ձիւքերով կարող կ'ըլլայ մօտալուտ կործանման դէմ դնել, և կամ հասարակ ձիւքերով ալ իբր հսկայ կը նկատուի գաճաճներու բաղդատութեան մէջ. եթէ աւելի ընդարձակ տեղեկութիւններ ունենայինք, հնար էր զանազան ենթադրութեանց մէջէն հաւանականագոյնը որոշել: Պօղոս ընդհանուր կերպով Արարատցի էր ճանչցուած, և այնպէս ալ կոչուած սովորաբար, լոկ նահանգին անունով. սակայն Գառնեցի դպիր մը, մտադրութիւն ունեցած է զեկուցանել ճշտիւ Պօղոսի ծննդավայրը (Նօտարք 73), ուսկից առինք և մեք Պօղոսի համար Գառնեցի կոչումը: Ժամանակն ու ծննդավայրը կարծել կուտան թէ Հաւուցթառայ վանքին միաբաններէն է եղած, հետեւաբար Սիւնեաց վարդապետանոցի աշակերտութենէն: Արարատէ Պաղեստին անցնելուն, և Երուսաղէմի միաբանութեան մտնելուն, և այնտեղի պատրիարքական աթոռը բարձրանալուն վրայ, Երուսաղէմի պատմագիրներն ալ տեղեկութիւն չեն գտած: Միայն ստացած դիրքը և Արեւելեայց կողմէ վայելած գնահատումը, և փափուկ յանձնարարութեան մը կոչուիլը, իւր կարողութեան համար խօսուին փաստեր են: Սոյ մէջ Գրիգոր Խանձողատի վրայ յաջո-

դելը և կաթողիկոսական աթոռին տիրանալը, կրնան անխտիր մեկնուիլ, թէ իբր արժանաւորութեան և կարողութեան նշանակ և թէ իբր փառամոլութեան հետեանք: Մեք կը սիրենք նպաստաւոր մեկնութեան հետեւիլ, հիմնելով իւր վրայ նախնիացարար կազմուած գնհատութեան վրայ: Իւր կաթողիկոսութեան սկիզբն ալ 1418 ին դնելով, կ'ուզեմք պահել արդէն ընդունուած կարծիք մը (Առաք. 336), որով վերջնական համարած չենք ըլլար Գրիգորի անկումը, մինչև որ նա կարող էր տակաւին իւր իրաւունքը պաշտպանել:

211. Պօղոսի կաթողիկոսութեան տեղութիւնը ընդհանրապէս տասուներկու տարի կը զրուի, իսկ մենք կարող ենք միայն տասնութէկ տարի նշանակել, որովհետեւ մինչև 1428 միայն կը գտնեմք նորա իբրև կաթողիկոս նշանակուելը (Նօտարք 29), իսկ միւս տարին (1429), արդէն իւր յաջորդին անունը նշանակուած է (Նօտարք 92): Պօղոսին ծագումը և կաթողիկոսանալուն պարագաները, պէտք է զայն իբր բացառութիւն նկատել տան Սիսի մէջ տիրող աղթարմայական հոսանքէն, զի ոչ թէ Սսոյ ծոցէն, այլ Տաթևեան դպրոցէն ելած էր Պօղոս Գառնեցին: Սսոյ աթոռին այն ժամանակի կացութեան վրայ ճիշդ գաղափար մը կազմելու համար, բաւական է կարդալ այն տողերը զորս ժամանակակից մը գրած է, թէ Ոչ զոյր վանք և տեղի հանգստեան կաթողիկոսին. և թէ Ոչ ունէին կաթողիկոսունքն տունս և սեղանս հասարակաց, եւ ոչ սպասուորս, եսկսկոպոսունս եւ արեղայս, եւ ոչ ժամատեղս պայծառս եւ հրաշալիս (Սիսուան 540): Բուն կաթողիկոսարանին քանդուելէն ետքը, որ միջնաբերդին մէջ կը գտնուէր, Պօղոս Ա. էն մինչև Պօղոս Բ. նստող կաթողիկոսներ, բոլորն ալ հետամտութեան և կաշառատուութեան և դաւաճանութեան գործերով զբաղած, և ոչ իսկ ժամանակ ունեցած են կաթողիկոսարան մը կանգնելու, որ անհնար պէտք չէր լիներ, նկատելով որ Սսեցի Հայեր, ամիրաներու իշխանութեան ներքև ալ, ազգային վարչութեան ձեւը կորուսած չէին, և թագաւորազարմ գլուխ մըն ալ ունէին: Պօղոս, իւր առաջին գործն ըրաւ նոր կաթողիկոսարան մը կանգնել, քաղաքէն դուրս, Սուրբ Աննա եկեղեցիին կից, գեղեցիկ և ամուր շինուածով, և հայրապետանոցի կարևոր մասերով, որ երկար ատեն ալ իբր կաթողիկոսարան ծառայեց, մինչև որ նորոգուեցաւ Սուրբ Սոփիա եկեղեցին, և կաթողիկոսարանն ալ անոր մօտ փոխադրուեցաւ: Սուրբ Աննայի հայրապետանոցը տակաւին կը ցուցուի Տէր Պօղոսի վանք անունով:

212. Այդ շինութեանց միջոցին, Պօղոս կաթողիկոսարանի գործերը հաստատուն վիճակի մէջ դնելու դիտմամբ, այցելութեան

գնաց Երուսաղէմ (1422), գուցէ այն աթոռին գործերուն ալ վերջնական կարգադրութիւն մը տալու համար, զի առժամեայ պաշտօնով Սիս եկած, իբր պարզ քննիչ մը, ինչպէս մեք պիտի ըսէինք մեր այժմեան պաշտօնական լեզուով: Երուսաղէմէ դարձին աւարտեց Սուրբ Աննայի կաթողիկոսարանին շինութիւնը (1423), որուն մեծ դրան վրայ դրոշմել տուաւ, թէ կատարեցաւ վանքս ծախիւք Պօղոսի կաթողիկոսի (Սիսուան 541): Պօղոս միայն նիւթական շէնքով չբաւականացաւ, այլ ուզեց օրինաւոր միաբանութիւն և ներքին բարեկարգութիւն ալ հաստատել. ուստի բերել տուաւ յարեւից. այսինքն է Սիւնեաց վարդապետանոցէն, քերթողածաղիկ փիլիսոփայք եւ անձինք ճգնաղգնաց, արեղայս եւ կրօնաւորս, եւ զարդարեաց նօքրք զվանս իւր զոր շինեաց, պայծառ ժամատեղօք եւ գեղեցիկ կարգով եւ սահմանիւք, զորս տեսնալ էր յԱրեւելս ի հայրականի ժողովուրդին իւր (Սիսուան 541): Ահա Պօղոսի Սիւնեաց աշակերտութենէն լինելուն բացայայտ վկայութիւնը: Յատկապէս գրել տրուած ճառընտիր մը (Տ. Յար. Ա. 220), և յայսմաւորք մը և տարեգիրք մը (Սիսուան 541) կը ցուցնեն, թէ Պօղոս սկսաւ մտադրութիւն դարձնել փոքրիշատէ ուսումնական զարգացում ալ հաստատել Սսոյ մէջ, սակայն այդ ջանքեր հաստատուն և տևական պտուղ չունեցան, և Սսոյ աթոռոյն անկման առջևը չառին: Պօղոսի գործունէութեան որ աստիճան արդիւնաւորութիւն ունեցած լինելը ճշդիւ չեմք գիտեր. բայց մեծ եղած չլինելը կը հետևի հաստատութիւն և ընդարձակութիւն չունենալէն:

213. Պօղոսի գործունէութեան մաքառող պարագաներուն կարգին, պէտք է նկատի առնուլ ոչ միայն տեղական հակառակութիւնները, զորս մինչև աստիճան մը յաջողած էր զսպել, այլ մասնաւանդ քաղաքական շփոթ կացութիւնը: Ծիշդ այդ ժամանակին էր որ Քարա Եղուսուֆի որդին Իսքէնտէր, հօրը մահուանէ ետքը անոր իշխանութիւնը ժողովաբար (1420), նախ հալածական հեռացուց Շահուհը (1421), ապա ասպատակաւ աւերից և աւարեց ամէն կողմերը, և այնպիսի սարսափելի աղէտներ տարածեց, որ ականատես Մեծոփեցին լալէն ու ողբալէն զատ կերպով մը չկրնար նկարագրել: Իսքէնտէր ուզեց միառմի նուաճել բոլոր մասնաւոր ամիրաները, որք զանազան կողմեր ֆառացած էին հին տիրապետներու ժամանակէն: Այդ պատճառով արիւնոտ պատերազմներ ալ ունեցաւ Աքքոյունլուներու փատիշահին հետ: Ահհար էր որ Պօղոս ալ չզգայր այդ աղետալի ծանրութիւնը: Ծիշտ այդ միջոցին տեղի կ'ունենայ Սիսէ հեռացող նոր հայ գաղթականութիւն մը (1423), Կարապետ կաթողիկոսի օրով տեղի ունեցած գաղթականութենէն (1404) ոչ նուազ կարևոր: Այս վերջին գաղ-

Թականութեան գլուխ եղած է, Կոստանդին, որ Թագաւոր կը կոչուի, գուցէ Թագաւորազն մը լինելուն համար: Գաղթականութիւնը շիտակ կ'անցնի Կիպրոս, չկրնալով շարունակուած յարձակումներուն տոկալ: Այս կերպով, Լեոնի անկումէն 48 տարի ետքը, (1375—1423) վերջապէս կը դադրի Սիսի մէջ ազգային վարչութեան հետքը, է հարկաւ այս պարագային հիմնուելով Սիմէոն կաթողիկոս նոյն թուին կը դնէ հայոց քաղաքական իշխանութեան վերջանալը (Ջամբու 17):

214. Պօղոսի կաթողիկոսութեան առաջին օրերը բարեգուշակ եղած էին, միջոց ժամանակը քաղաքական յուզմանց մէջ անցաւ, իսկ վերջին մասը բոլորովին մութ և անյիշատակ մնացած է: Կ'երևի թէ վերջին գաղթականութիւնը բոլորովին վերիվայր շրջեց Պօղոսի դիրքը, և մնացեալ Հայոց մէջ նորէն սկսաւ զօրանալ աղթարմայական հակառակութիւնը: Մեծփեցիին ընդհանուր ակնարկութիւնը, դեղակուր սպանուած կաթողիկոսներուն թիւէն դուրս չթողուր Պօղոսն ալ, և Պօղոսի յաջորդ Կոստանդինի ուղղութիւնն ալ, որ լատինամոլ գաղափարներով կազմուած է, գոնէ ընդադօտ, կռահել կուտայ մեզի, թէ Պօղոս իւր վերջին տարիներու մէջ պարտաւորուեցաւ մաքառել ապաշնորհ հակառակութեանց դէմ, և թէ հակառակորդները յառաջելով դաւաճանութեան յանգեցան: Աթոռին թեկնածու Սսոյ հին միաբաններ, Պօղոսով և Պօղոսի բերած արևելեան վարդապետներով ինքզինքնին զրկուած կը կարծէին, և նորէն իրենց իրաւունքին մտնելու համար հին զէնքերնուն դիմեցին, և դաւաճան դեղատուութեամբ Պօղոսը մեռցնելով, նորէն իրենց անցուցին կաթողիկոսական աթոռը (1429): Այսպէս անպտուղ վերջացաւ Սսոյ աթոռը վերակենդանացնելու համար Արևելեայց թափած ճիգը, և ազգային հայրապետութիւնը պայծառացնելու փորձը: Մինչև այն ատեն, աթոռը իւր պանդխտութենէն դարձնելու գաղափարը դեռ մտածուած չէր. բայց երբ այդ վերջին փորձն ալ պարապի ելաւ, փոխադրութիւնը սկսաւ անհրաժեշտ պահանջ դառնալ:

215. Գուցէ անմիջապէս, Պօղոսի կենդանութեան ժամանակ, մտաբերէին այդ փոխադրութեան, գուցէ ինքն Պօղոս ալ ձեռնտու ըլլար այդ խորհուրդին, սակայն ժամանակին պարագաները այնչափ ծանր էին, որ այդպիսի խորհուրդի մը բնաւ պատեհութիւն չէին ընծայեր: Իսթանդուլի արշաւանքները և աւերածները ահուդող ազդած էին ամէն կողմ: Այդ միջոցին էր որ Գրիգոր Խլաթեցին կը նահատակուէր ի Յիպնա (1425), Յակոբ Ովսաննացին և Ղազար Բաբերդցին կը նահատակուէին ի Ռշտունիս (1428), և ասոնցմէ առաջ նոյն վախճանը ունեցած էր Թովմաս

Պուտլիցին (1424): Յակոբ Ղլիմեցին ալ ցաւալով կը վախճանէր ի Յիպնա (1426), ամէնքն ալ գործունեայ վարդապետներ: Արարատ և Սիւնիք նահանգներն ալ աւառութեան և կոտորածի մատնուեցան, և անոնք միայն ազատուեցան որոնք լեռներու և ձորերու անմատոյց տեղերը կրցան ապաւինել: Ժամանակին նշանաւոր անձերու կարգին պէտք է յիշատակել Յովհաննէս Հերմոնեցին, Զաքարիա Հաւուցթառացին, Թովմաս Մեծոփեցին, Շմաւոն Տաթեւացին, Տաթեւացի մեծ վարդապետին աշակերտ վարդապետներ: Ասոնք կարող էին խօսել եկեղեցւոյն կացութեան և կարօտութեանց վրայ, սակայն ի՞նչ հնար էր գործել, երբ ամէն ոք իւր կեանքին վրայ սնվստահ, վախով կապրէր ամէն վայրկեան, և աշխարհ առհասարակ երկիւղի և կասկածանաց մատնուած էր (Մեծոփ. 91): Իբր թէ կոտորածին արհաւիրքը բաւական չըլլար, ահռելի սով մըն ալ եկաւ (1431), և կաթողիկոսական խնդրոյն լուծումը մնաց յաջողագոյն պարագաներու:

Մաղափառ ակ. Օրմսնեան

Մի վառ, եռանդոտ ու կայտառ հոգի ունէր Լուսիկ Պատրիկեանը: Տեսնում էր կեանքը և նրա ցաւերը: Պատրաստում էր օգտակար լինելու այդ կեանքին, հասարակական խոցերի վրայ սպեղանի դնելու, դեղ ու դարման տանելու: Օրիորդը հայ կանանց նոր դասին էր պատկանում: Նա նոր սերնդի պայծառ ներկայացուցիչներից մէկն էր և իւր մէջ մարմնացնում էր հայ կնոջ լաւագոյն յատկանիշները: Նա սիրում էր մայրենի խօսքը, սիրում էր հայ լեզուն և հայ ժողովուրդը, որի մանուկ սերնդի դաստիարակութեան, կրթութեան գործին կամենում էր իւր օժանդակութիւնը մատուցանել: Պատրիկեանի սիրտը գթառատ էր. դէպի խեղճերը, անկարողները և հալածուածները տածում էր մի անհուն սէր: Նման չէր հայ կանանց այն խմբին, որ ոչնչով հայ կոչուելու արժանի չէ. ոչ լեզուով, ոչ սովորութիւններով, ոչ վարք ու բարքով: Լուսիկի մաքուր սիրտը ստեղծել էր գերազանց մարդու մի տիպար իւր հոգու խորքում, որին երկրպագում էր և որին փնտրում էր իրական կեանքում: Այդ տիպարը գերբնական մի էակ չէր, այլ մի մարդ, որ օժտուած է լաւագոյն յատկութիւններով—հոգեպէս՝ ազնիւ, անկեղծ, եռանդոտ, արտաքինով՝ համակրելի: Նա տեսել է շատերին, շատերն էին սիրել նրան և քարշ եկել նրա ետևից. բայց դրանից ոմանք կամ նրա արհամարհանքն էին վայելել, կամ անտարբերութիւնը, կամ ատելութիւնը: Նա չէր ուզում իրան խաբել. ոչ մէկը սրտովը չէր: Կային հարուստ երիտասարդներ, որոնք ուզում էին շլացնել օրիորդին իրանց արտաքուստ վայելուչ, փայլուն և շոայլ կեանքով: Սակայն Լուսիկը՝ շուտ խաբուողներից չէր. նրա համար այդպիսի ճոխութիւններն ու աւելորդ մխուժները զգուեցնող էին և ատելի: Նա պարզ, պատշաճաւոր և համեստ կեանքի սիրահար էր: Չէր սիրում գծուծ հարստութիւնը. նրա մէջ մի տեսակ բնական հակակրութիւն կար դէպի հարուստների վարած կենցաղը և այդ բոլորի աղբիւրը և սկզբնապատճառը կազմող հարստութիւնը: Օրիորդ Պատրիկեանի հոգու ստեղ-

¹⁾ Լումայ № 3.

ծած բարձր իդէալը հարստութիւն չունէր. նա աւելի մտքի ու սրտի պայծառութեամբ էր օժտուած: Աղջիկն այդ իդէալն էր որոնում: Վերջինիս պատկերը նրա երևակայութեան միջից չէր անհետանում, այլ միշտ և ամեն ժամանակ պայծառ ու զուարթ լուսաւորում էր նրա հոգեկան կեանքի գաղտնիքները: Լուսիկն անդադար որոնում էր, տենչում էր հասնել, փարուել և գրկել նրան: Օրիորդի հոգին ծարաւ էր իդէալական մաքուր ու վսեմ սիրոյ: Վերջապէս նա ծանօթացաւ ինձ հետ: Դա նշանակելի ժամանակ էր: Ես արդէն զոգւած իմ վարած կեանքից, բոլորովին երես էի ուզում թեքել անցեալից և նոր ընթացք բռնելու մասին ծրագիր էի կազմում: Ուզում էի մաքրուել, վերամկրտուել, իմ հոգեկան լաւագոյն յատկութիւններս հանդէս բերել: Աշխատում էի լաւանալ, նախկին շեղումներից խոյս էի տալիս և որքան կարելի է ջանք էի գործ դնում երևալ ուրիշներին լաւ կողմերով: Ես գարշում էի իմ վատ արարքներից և ամեն անգամ մտաբերելով հինը՝ նոգեկանքի զգացմունք էի տածում դէպի այն: Հէնց այս ժամանակ, իմ վերակենդանութեան այս իսկ օրերին, ծանօթացայ Լուսիկի հետ: Մի քանի անգամ հետը խօսք ու զրոյց ունեցայ և օրիորդի տրամադրութիւնը և համակրանքը գրաւեցի: Խօսքի հերոս էի և լաւ վարպետ էի զրոյցի մէջ: Ես երբէք խօսակցիս չէի ձանձրացնում, ընդհակառակն այնպէս հետաքրքրական էի դարձնում խօսակցութիւնը, որ խօսակիցս շատ անգամ ամսոսանքով էր բաժանուում ինձանից: Լուսիկը իմ մէջ հետզհետէ սկսեց նշմարել իւր գերագոյն իդէալի գծերից: Քիչ էր մնացել ասէր իւր հոգու խորքում՝ «Եհնա նա, որին փնտրում էի»: Եւ իսկապէս դուր էի եկել նրան: Իմ վառվռուն խօսակցութիւնը, գրաւիչ պատկերները, կենդանի և աշխոյժ նմանութիւնները գրաւեցին աղջկայ բոբբոք ուշադրութիւնը: Մանաւանդ իմ առերևոյթ ծարաւը դէպի վսեմ ճշմարտութիւնը, սէրս դէպի իդէալը, տենչս դէպի վառ ու սրբազան գործը, փափագս դէպի կռիւ և պայքար, — այս բոլորը, բոլորը բաւական էին մի կեանքի չարն ու բարին տակաւին նոր ճանաչող օրիորդի գրաւելու և նրա մէջ համակրանքի տրամադրութիւն զարթեցնելու համար: Ես, խօսքի հերոսս, յաղթանակեցի և Լուսիկի մաքրաբարբառ բերանից հնչուեց այնքան խորհրդաւոր, այնքան գմայլեցուցիչ «սիրում եմ» բառերը: Իսկ ես մեծ հաճութեամբ և անհուն երջանկութեամբ, չ'գիտեմ ինչո՞ւ և ինչի՞ց հարկադրուած, սիրոյ և ամուսնութեան խոստում տուեցի նրան, երդուեցի մինչև կեանքիս վերջը հաւատարիմ մնալ տուածս խոստումին: Հէնց այդ շինծու բերկրանքի օրերին ընտանեկան քանիցս յիշուած փոթորիկը ստիպեց ինձ թողնել իմ հայրենի քաղաքը և հոգիս մաք-

րելու և օրիորդին արժանի լինելու համար, — այս խօսքերով էի Լուսիկին հրաժեշտ տալիս, — դիմեցի օտարութիւն ուսումնաշարունակելու:

Անշուշտ Պատրիկեանը ազդել էր ինձ ապահովապէս:

Լաւ շրջանում էր մեծացել Լուսիկը: Հայրը և մայրը ոչինչ չէին խնայել նրան լաւ կրթելու համար: Առողջ դաստիարակութիւն էր ստացել: Հարուստ ընտանիքի զաւակ չէր: Հասուն տարիքի էր նա, երբ հայրն ու մայրը ժանտախտին զոհ գնացին: Օրիորդին իւր հովանաւորութեան տակ առաւ նրա ունեւոր ազգականներէ մէկը: Աղջկան միջոցներ և դիւրութիւն տուեցին ուսումնաշարունակելու և սիրած մասնաճիւղին ամբողջովին նուիրուելու համար: Սակայն նա կին էր ծնուած: Սրտացաւ ազգականների հոգսը նրա նկատմամբ ամուսնութեան նպաստաւոր ելքն էր: Շատ էին վախենում «պառաւելու» վտանգից: «Աղջկան թարմթարմ կ'ծախեն» — ահա նրանց նշանաբանը ամուսնութեան խնդիրներում: Ի հարկը, չէ մոռանալու և փեսացուի դիրքը, աստիճանը, հարստութիւնը: Ո՞վ կուզէ լինի և ինչ վարք ու բարք էլ ունենայ, — փոյթ չէ, միայն թէ փողաւոր լինի: Հասակը, տարիքն էլ կարելի է անտեսել, որովհետեւ աղջկայ համար խաղաղ և նիւթապէս ապահով կեանք է հարկաւոր: Իսկ տարիքաւոր, առաջին նուագ առելի ամուսնուն սիրելու հարցը՝ ժամանակի խնդիր է, կապրեն միասին և ուղեն-չուղեն միմեանց կ'սիրեն:

Այս պարզ տրամաբանութեամբ զինուած՝ Լուսիկի ազգականները հոգ էին տանում մի «չաղ տեղ» ճարել: Իրապէս դժուար չէր այդ: Աղջիկը բաւական գեղեցիկ էր: Քնքոյշ, համակրելի, նուրբ դիմագծեր, փարթամ, առողջ հասակ, ճկուն, գեղանկարչական կազմուածք, խոշոր, սևորակ աչքեր, ճոխ, երկայն մազեր — հւմ ասես որ չ'գրաւէին: Նա շատ յաճախորդներ ունէր: Բայց Պատրիկեանը ազգականների պէս դատողներից չէր: Հաստատ համոզումների, զօրեղ կամքի և բաւական լայնհորիզոն աշխարհայեացքի տէր մի աղջիկ էր նա: Փող, արտաքին փայլ, շռայլ և շքեղ կենցաղ, յարմարաւոր, շլացնող կեանք — սրանք և սրանց նման բաները նրան շատ քիչ էին հետաքրքրում և գրաւում: Նա հոգեկան սէր էր փնտրում: Եւ այդ սէրը օրիորդին թուաց, թէ գտաւ իմ մէջ: Նա, ինչպէս երևում էր աղջկայ սիրազեղուն նամակներից, իւր հոգու, մտքի և երևակայութեան բոլոր զօրութեամբ պաշտում էի ինձ, իւր նորագիւտ իդէալին: Ոչինչ չէր կարող նրա անդրդուելի կամքը սասանել: Նա մինչև վերջը հաւատարիմ և տէր մընաց իւր ոգեւորութեան ժամին արտասանած խոստմանն ու երդումին:

Լուսիկը գործելու տենչով վառուած մի օրիորդ էր: Սիրում էր գաղափարի նուիրուած կեանքը: Նա մտքի մէջ արդէն որոշել էր այն ուղին, որով պիտի գնար իւր սիրեցեալի հետ: Ուզում էր հաւատացնել իրան, որ ծրագիրներն օգային ամբողջներ չեն մնայ: Ինձ ուղղած նամակների մէջ իւր նպատակներն էր ընդգծում, պարզում էր իւր հայեացքները, ծրագիրները: Ոգևորում էր ինձ և խորհուրդ էր տալիս որոշ ուղղութեամբ պատրաստուելու, շատ մտաւոր պաշար և բաղմակողմանի զարգացում ձեռք բերելու:

Մինչդեռ իւր ապագայ գործունէութեան հեռապատկերն էր գուրգուրում, մինչդեռ կրակոտ նամակներով մի թոյլ երիտասարդի հոգին էր բորբոքում կեանքի, իդէալի նուիրուած կացութեան հրապոյրներով,—առաջարկում են օրիորդի ազգականները կցորդուել, ամուսնանալ մի հարուստ, «անուանի» երիտասարդի հետ, որին ինքը ոչ անունն էր լսել և չ'գիտէր ինչո՞ւ են ազգականները նրան «անուանի» կոչում:

Մի գեղեցիկ օր՝ նրա սենեակն է մտնում ազգական խնամակալը, հաղորդում Լուսիկին իւր և կնոջ վճռի մասին—պէտք է անպատճառ ամուսնանալ, ժամանակ է արդէն: Մի խստասիրտ մարդ էր այդ վաղեմի համալսարանական տարիքոտ ազգականը: Նա մինչև անգամ ապշեց ու զարմացաւ, որ իւր ուրախալի լուրը, ցանկալի աւետիքը չ'ընդունուեց ուրախութեամբ: Նրա «ժամանակ այդպէս չէր»: Աղջկայ սանձը խօ չի կարելի կտրել և բաց թողնել ասելով՝ «ուր ուզում ես գնա, և արածի՛ր»: Դրանք վտանգաւոր և սանձակոտոր վիճակ սիրող արարածներ են: Պէտք է նրանց որքան կարելի է ճնշած և զսպած պահել: Եւ, վերջապէս, երիտասարդ աղջիկը, կեանքի սեն ու սպիտակը դեռ չ'ճանաչողը՝ լի՛նչ իրաւունքով պիտի հակառակի եփուած մարդկանց որոշումներին, խրատներին: Նա իւր ազգականուհու վատը չէ ցանկանում: Նրա երջանկութեան մասին է գիշեր ու ցերեկ հոգ տանում: Զէ՛ որ Լուսիկի ծնողները սրբազան պարտք էին բարձել ազգական խնամակալի ուսերին: Զէ՛ որ ինքը կաշկանդուած է իւր տուած խոստումին—աղջկայ վիճակը բարեբաստիկ կերպով տընօրինել:

«Ես նրա հետ չեմ ուզում ամուսնանալ», խնամակալի երկար ու բարակ անհամոզիչ ճառին պատասխանեց Լուսիկը դրականօրէն:

—Զէ՛ ուզում ամուսնանալ: Ա՛յ քեզ տրաքոց: Դու իմացիր, որ աղջիկ ես: Առաջդ անդունդ կայ: Տղայ լինէիր, ուրիշ բան էր: Եւրոպական հովերը, Բեքել-մեքելները գլխիցդ հանիր, մի կողմ չպրտիր կանանց ազատագրութեան ցնորքները: Լա՛ւ իմացիր, որ

դրանք մեր իրականութեան մէջ չեն կարող հիմք գտնել, պատուաստուել մինչև Գրիստոսի երկրորդ գալուստը: Գիտե՞ս, հրտեղ ես ապրում: Վերջապէս, թթու չ'պէտք է դնենք քեզ, պառաւելոց միթէ չես վախենում: Տանը նստելու ախորժակ ունիս: Չէ՞ս ուզում ինձ լսել:

«Ես արդէն պատասխանեցի»:

— Ուրեմն այն անուանի և հարուստ...

«Իզուր են ձեր համոզելու և խրատելու ջանքերը: Նրանք մազաչափ անգամ չեն փոխիլ իմ որոշումս: Ես առայժմ տրամադիր չեմ ամուսնանալու»:

— Ի՞նչ է, մինչև վերջը կամենում ես մի երեսայի ետեից ընկնել: Ես զարմանում եմ, որ քեզ պէս բարոյականութեան պաշտպանները սիրում են մի այնպիսի արարածի, որ ոտքից մինչև գլուխ խրուած է լրբութեան տղմի մէջ...

«Դուք լաւ կանէք, եթէ ձեր չափը ճանաչէք: Շատ հեռու էք գնում: Հարցն առաջարկեցիք և պատասխան ստացաք, այլևս ես գլուխ չունիմ զրպարտութիւններ լսելու»:

— Զրպարտութիւններ: Եթէ դու սոսկ նրա անձն ես ճանաչում, ես մինչև անգամ նրա ծնողներին և տոհմին էլ եմ ծանօթ: Գիտեմ, թէ ինչ տեսակ ծառի պտուղ է նա: Եւ, վերջապէս, նրա հայրն առանց օժտի աղջիկ չի առնիլ: Պէտք է օգտուել այս նըպաստաւոր հանգամանքից: Ծնողներդ ոչինչ չեն թողել, Լուսիկ, դու այս բանը շատ լաւ պիտի հասկանաս՝ մեծ աղջիկ ես:

«Ես գիտեմ, թէ վերջնական նպատակը ինչ է: Եւ դրա համար էլ ես բեռ չեմ լինիլ ձեզ համար: Ես չեմ ուզում՝ հչ մէկին հպատակուել: Ես ճնշում չեմ կարող տանել, մանաւանդ այնպիսի հարցերում, ինչպիսին է սէրը և ամուսնութիւնը: Շատ խօսել չեմ սիրում: Կհեռանամ ձեր ընտանիքից, որպէսզի անձնական ազատութիւնս կարողանամ զերծ պահել բռնութիւններից: Ես կապրեմ իմ սեփական աշխատանքով: Իմ գլխում միխուել է այն գաղափարը, որ ես կարող եմ և պարտաւոր եմ օգտակար լինել իմ ոյժերը ներածին չափով: Ես ուզում եմ գործ գտնել, այնպիսի մի գործ, որի համար պատրաստուել եմ, աշխատել և քրտնել: Ես կըփորձեմ գործադրել իմ ստացած, ձեռք բերած պաշարս և տեսնել, թէ որքան այն պէտքական է, օգտակար է կեանքի և մարդկանց համար: Ես զգում եմ, թոյլ տուէք փոքր ինչ անհամեստ լինել, որ կարող եմ շահաւէտ լինել ինձ պէս մարդ արարածներին, կարող եմ նրանց կրթել, դաստիարակել, ցանել նրանց մէջ խելացին, բարին, ճշմարիտը»:

Աղաչանք, պաղատանք: Ոչինչ չօգնեց: Պատրիկեանը մնաց ան-

դրդուելի իւր վճռի մէջ։ Եւ միւս օրը հեռացաւ ազգականի տանից և նրա հովանաւորութեան լծից։ Լուսիկն աշխատանքի մասին բոլորովին տարբեր հայեացք ունէր։ Ստոր, բարձր, միջին աշխատանք չկար նրա համար։ Նա սուրբ էր համարում աշխատանքի գաղափարը։ Եւ աւելի ևս սրբագործում, երբ նրա հետ կապում էր մի վսեմ նպատակ։ Որքան էլ չնչին լինի աշխատանքը, ասում էր օրիորդը, եթէ նրան դիմում են մի վեհ նպատակ իրագործելու համար, ըստինքեան սրբանում է։ Այսպէս էր դատում օրիորդը։ Դրա համար նա յանձն առաւ դայեակի պաշտօն մի ընտանիքում։ Պէտք է կրթէր երեք փոքրիկների։ Վեհ էր այդ պաշտօնը Լուսիկի համար, որովհետեւ այդ միջոցով նա ազատուում էր բռնակալական լծից, խնամակալի աւելորդ հոգածութիւններից, իւր ձեռքն էր առնում մատաղ հոգիների դաստիարակութիւնը, որ նրա սիրած ամենացանկալի պարապմունքն էր և, վերջապէս, պիտի ապրէր սեփական աշխատանքով, ազատ, ինքնանկախ, առանց անձնական արժանապատուութեան վարկը ցելը գցելու։

Այս բոլորի մասին նա հաղորդեց ինձ։ Ես, ի՞նչ ասել կուզէ. գովեցի նրա եռանդը, ոգևորութիւնը և ազատ ապրելու տենչը։ Պաշտպանեցի նրա յանդուգն քայլը։ Ես կանանց ազատագրութեան ամենաջիւղ երկրպագուներից մէկն էի խօսք ու զրոյցի, նամակագրութեան մէջ։

X

Ինչպէս կարելի է տեսնել՝ զուր չէի կատարելագործութեան ետեւից ընկել։ Ունէի մի շարք զրդիչ պատճառներ—մեր ընտանիքը, գիւղատնտես ընկերս և բարեկամուհիս։ Պատրաստուում էի մէկի դէմ մարտ մղելու, իսկ միւսներին հաւասարուելու համար։ Իմ հոգու խորքում նախանձով էի լցուած դէպի այն երկու անձերը, դէպ Արմայիսը և Լուսիկը։ Նրանց կամքի ոյժը, անսայթաք հետևողականութիւնը ինձ ապշութիւն էին պատճառում։ Սառնօրէն ինձ համեմատելով դոցա հետ, զգում էի այնքան չնչին, տափակ։ Իմ առաջ կանգնած էին երկու խոշոր հերոսներ, որոնք խօսքից գործի անցնել գիտէին։ Իսկ ես։ Բնաւորութիւնս շատ լաւ ճանաչում էի։ Թէև գործի ասպարէզ չէի դուրս եկել, թէև իրականութեան մասին շատ ազօտ գաղափար ունէի, բայց և այնպէս գիտէի, որ այդ իրականութեան մէջ, դժուարութիւնների առաջ շատ անգամ պէտք է ձեռքերս ծալած, գլխիկոր կանգնէի և քարացած ապշութեամբ դիտէի երևոյթները։

Եւ ես փաստեր ունէի ձեռքիս՝ ապագաս գուշակելու համար։ Կարողալով իմ մօտիկ ընկերի և բարեկամուհուս նամակները՝ սըրտումս սառսուռ և սոսկում էի գգում։ Խնչպէս։ Այդքան խիզախութիւն, այդքան համարձակ և յանդուգն քայլեր։ Այդ մարդիկ քարէ սիրտ ունէին, ինչ է։ Եւ իմ աչքում, պարտքի գիտակցութեան այդ երկու հերոսները, աներևակայելի կամքի տէր, գերբնական արարածներ էին թւում։ Փոքր մարդկանց աչքում ամենաշնչին խոշորութիւնները չափի չեն ենթարկւում, նրանք շատ մեծ են թւում, գերազանցօրէն խոշոր։

Շատ լաւ յիշում եմ գիւղատնտես ընկերիս։ Նրա հետ վարած դպրոցական տարիները երբէք չեմ մոռանալու։ Մի բարձրահասակ, թխահեր և զլխապինդ երիտասարդ էր։ Բայլուածքը՝ հաստատուն, շարժումները՝ վճռական, ձայնը՝ հրամայող և ոգևորիչ։ Միշտ նրա դէմքին կարելի էր տեսնել մի թախծոտ ժպիտ։ Լայն փուռած ճակատ ունէր, որ վերին կողմից խուճուճ մագերով էր շրջապատուած։ Գանգուրները կիսով չափ ծածկում էին նրա սակաւ կնճիռները, որ մշտապէս գտնւում էին ճակատին։ Հարթ, հաւասար, սրտաբաց և ընկերական բնաւորութիւն ունէր, բայց ընդհանրապէս լռակեաց էր, մանաւանդ խնջոյքների ժամանակ։ չէր սիրում շատ խօսել, խոյս էր տալիս ճառախօսութիւնից։ Ուսանողական խրախճաններում «սեղանի կառավարիչը» ոյժով էր նրան խօսեցնում։ Վերջապէս երկար թախանձանքներից յետոյ վեր էր կենում, խրոխտ ձայնով միայն մի քանի խօսք ասում ու նստում։ «Տղայք, պատրաստուե՛նք գիւղի համար։ Գնանք գիւղ։ Այնտեղ են գտնւում գործն ու երգը»։ Եւ ուրիշ ոչինչ։ Դպրոցական դասընթացը վերջացնելուց յետոյ՝ նա հաւատարիմ իւր դաւանած սկզբունքներին, գնաց գիւղատնտեսական դասեր լսելու և մի քանի տարուց յետոյ վերադառնալով հայրենիք՝ գործունէութիւն սկսեց։ Հայրենի քաղաքի մօտակայ գիւղերից մէկում կապալով վերցրեց մի կալուածք։ Մի քանի տարի կալուածատիրոջ հետ ընկերովի մշակեց կալուածքը և յետոյ մի փոքր գումար ձեռք բերելով, մի ագարակ գնեց։ Սեփական, ուրոյն գործի կալաւ այնտեղ։

Այս բոլորը գիտէի։ Բայց գիւղական այդ փոքրիկ գործունէութիւնը ինձ այնքան խայթոց չէր պատճառում։ Իմ կաշուից մօտիկ գործերով աւելի շատ էի հետաքրքրւում։ Հոգսերիս ու վշտերիս միակ առարկան աւելի իմ բարեկամուհու հետ ունեցած հաշիւն էր։

Լուսիկն ինձ մի առեղծուած էր թւում։ Ձէի կարողանում նրան հասկանալ։ Մերթ իմ աչքում նա հանդիսանում էր իբրև մի վեհ, գերազանց, անմատչելի էակ։ Մերթ իբրև մի կարճ-խելք,

անհեռատես ու մարդ ճանաչելու հոտառութիւնից գուրկ մէկը: Հոգուս խորքում ծիծաղում էի այդ աղջկայ վրայ՝ ճիշտ այն ժամանակ, հրբ նրա յանդուգն քայլը սքանչանք էր պատճառում ինձ: Իմ հոգեկան կազմը հակասութիւնների մի ժխոր էր ներկայացնում: Ձէի կարողանում իմ համակրանքները և հակակրանքները հետևողաբար արտայայտել: Այսօր մէկն ինձ համար աստուած է, միւս օրը՝ դե: Այսօր կ'աշտեմ երեկուայ անարգածիս: Հէնց այդ պատճառով՝ չէի կարողանում կարծիքներս այդ աղջկայ մասին շտկել, մի յայտարարի բերել: Շատ էի ցանկանում մի կարծիքի լինել, բայց չէի կարողանում, դա իմ ոյժերից վեր էր:

«Ընդունում եմ,— ասում էի ես,— որ այդ աղջիկը մի զարմանալի և մեր ճահճացած իրականութեան մէջ անպատճառ աչքի ընկնող մի էակ է: Տոկուն և կամքի տէր: Անվեհեր հոգով և անսայթաք հետևողական: Նիւթապէս անապահով և մենակ՝ նա չ'վախեց մարտ հրատարակել իւր բռնակալ խնամակալի դէմ և յադիւրանակը տարաւ: Նա այժմ ապրում է ինքնազուխ, անկախ և հարկադրանքներից ազատ: Բայց...»:

Այդ «բայց»-ը ինձ շատ էր տանջում: Ես զարհուրում էի իմ մտորումներից: Ինձ համար շատ ծանր էր այն գիտակցութիւնը, որ սիրուել եմ անգիտակցօրէն: Ես այն կարծիքի էի, որ այդ աղջիկը, եթէ ինձ լաւ ճանաչէր՝ չէր կամենայ վրաս թքել անգամ:

«Բայց,— շարունակեցի մենախօսութիւնս,— լինելով քացատրիկ այն ծանրակշիռ հանգամանքը: Ի՞նչպէս կարողացաւ այդ աղջիկը ինձպէս մի դատարկ անձի սիրել: Ես ինչո՞վ աչքի ընկայ: Իմ անբարոյական հոգին, իմ կեղտոտ ներքին աշխարհը Լուսիկը չուզեց արդեօք թափանցել, թէ՞ չ'կարողացաւ ինձ ճանաչել, և խաբուեց: Այո, ես խաբեցի նրան: Ես վարժ եմ խաբելու մէջ: Իմ ստոր հոգին այդ արատի էութիւնը շատ լաւ է հասկացել և կարողանում է առիթը ներկայացած ժամանակ ապահովապէս գործադրել: Ես, ճահճի մէջ ընկած գիւղունս, խաբեցի մի անմեղ, մաքուր, անարատ աղջկայ՝ նրա առջև ինձ ուրիշ դիմակի տակ ներկայացնելով: Բայց...»:

Այդ «բայցը» միշտ ինձ խեղդում էր և ես չէի կարողանում հաշտուել եմ բանականութեան, կշռադատութեան ցուցմունքներու և վճիռներին հետ:

«Բայց,— շարունակում էի,— ես կասկածում եմ: Նրա բնաւորութեան, նրա հոգու, սրտի էութիւնը մի անհասկանալի աւելո՞ւած է թւում ինձ: Եթէ Լուսիկը իսկապէս հոգով ինձանից անհամեմատ բարձր մի անձն է, եթէ նա իրօք ինձ հետ մի աստիճանի վրայ չի կարող կանգնել և իւր վեհութեան, վսեմութեան

բարձրերից միայն արհամարհանքի և ատելութեան հայեացքներ կարող է վրաս նետել և գարշել ինձանից, — հապա ի՞նչպէս եղաւ, որ ես, ճճիս, կարողացայ նրա ուշքը գրաւել և նրա բերանից կորզել՝ «սիրում եմ» բառերը: Միթէ նրա բարձր, գերադանց և վեհ հոգին կարողացաւ հաշտուել իմ ներքին դատարկութեան, անբովանդակութեան հետ: Նա ինձ առանց ճանաչելու, անգիտակ իմ հոգեբանութեան և անծանօթ իմ կիանքի էութեան՝ թոցրել է պատահաբար այդ խօսքերը իւր բերանից: Իսկ եթէ Լուսիկը իրապէս ինձ ճանաչել է, գիտէ իմ հոգին և ծանօթ է իմ դոնժուանական արկածներին, հապա ի՞նչպէս համակրեց ինձ: «Նմանը նմանին է սիրում», ինձ սարսափեցնում են այս կասկածները: Գուցէ՞ նա ինձ նման մէկն է: Ես նրան լաւ չեմ ճանաչում և երբէք չեմ էլ կամեցել նրա հոգին թափանցել, որովհետեւ ես նրան երբէք չեմ սիրել. սիրելու համար ապիկար եմ, անկարող:

Պէտք է նկատիմ, որ ես բաւական ուշադրութիւն էի դարձնում իմ հոգեկան և բարոյական այլ և այլ յատկութիւններին վրայ և աշխատում էի նրանց պատճառներն ու շարժառիթները գտնել: Վեր լուծում էի սեփական հոգուս իւրաքանչիւր յոյզը, շարժումները և տրոհում էի պարզել իմ ողորմելի հոգեկան վիճակի հիմնական դրդիչները: Այդպիսի վերլուծումների ժամանակ իմ բընաւորութեան վերաբերմամբ մի նոր յայտնագործութիւն էի արել: Այդ այն է, որ ես համոզուել էի իմ սիրելու անընդունակութեան մէջ: Դրանից առաջ գտել էի, որ իմ բնաւորութիւնը գոյ ջրի է նման, ոչ կարող է այրել, ոչ էլ սառցնել: Աւելի առաջ յայտնագործել էի, որ ես համոզումներ չունիմ և եթէ ունիմ էլ, նրանք հաստատ և կայուն չեն և միշտ վաճառում են դէպքը ներկայացած ժամանակ, ենթարկուելով ամենատեսակ ստորացուցիչ և անպատւաբեր զիջողութիւնների: Ամենանոր գիւտս առաջ բերելու համար՝ ես քրքրել էի իմ ամբողջ հոգու պատմութիւնը սկսած այն օրից, երբ ինքզինքս ճանաչել սկսեցի, և այնտեղ չէի գտել սիրոյ նման մի բան: Խորունկ, հոգեպէս զգալ և պայծառ մտածել սիրոյ մասին՝ չ'գիտէի: Ես գրեթէ միշտ կապուելով մէկի հետ և յագուրդ ստանալով նրանից՝ խորտակում, փշրում էի այն տաճարը, որ կառուցանում էի սիրոյ անունով: Շատ կանանց եմ պատահել: Կարող եմ թուել մի շարք էակներ, որոնք իմ ցանցի մէջ էին ընկել: Դրանցից և ոչ մէկն ինձ առանձնապէս չէր հետաքրքրել: Կրքերիս յագուրդ տալուց յետոյ մոռացել եմ նրանց, այլևս միւս անգամ չ'յիշելու համար: Լինում էին բոպէներ՝ ուզում էի ինձ տրամադրել, որ սիրոյ մէջ հոգեկան տարր որոնեմ, չէի կարողանում. իմ ապականուած հոգիս սիրոյ մէջ տեսնում էր միայն

զուտ ֆիզիոլոգիական զգացմունք: Բայց թէ տեսնէիք ինձ ընկերական շրջաններում կամ կանանց հետ խօսելիս սիրոյ մասին, որքան վսեմ, որքան բանաստեղծական և բարձր էի ներկայացնում այդ աստուածային կայծը, ասածներս համեմելով սէր-հրգակ բանաստեղծների տողիկներով: Միայն մութ ու աղօտ կերպով, իմ յիշողութեան մէջ մնացել է մի փոքրիկ թրքուհու պատկեր, որին մանուկ օրերում տեսել էի, մաքուր զգացումներ էի տածել դէպի նա: Դու դեռ այն ժամանակ էր, երբ նոր էի թոթովում, երբ դեռ աչքերս չէի բացել, երբ գիտակցութիւնս տակաւին տնմեղութեան մէջ էր գտնուում: Մանկութեան օրերս երազի պէս անցան թողնելով սրտիս մէջ հազիւ նկատելի այդ պայծառ յիշատակը: Մի բան միայն լաւապէս յիշում եմ. դա իմ կրքի պատմութեան տխուր սկզբնաւորութիւնն է: Ես շատ լաւ գիտեմ, թէ կիրքս ինչպիսի շրջաններով է անցել, ինչպէս է զարգացել, և տիրիւ ամբողջ մարմնիս և հոգուս: Ես միայն և եթէ կիրք եմ ունեցել և վերջինս յագուրդ տալու պահանջ: Այդ սոսկալի, անազորոյն կրքի էությունը հասկանալուց յետոյ՝ ինձ զգացել եմ նրա հոժվու ազդեցութեան տակ և միշտ գնացել եմ այն հոսանքով, որ քշել է ինձ ամենազօր կիրքս: Սատկած ձուկ եմ եղել ես: Մի ձուկ, որ լողում է հոսանքի հետ: Կամազուրկ մարդիկ սատկած ձկներ են: Կեանքի հոսանքը նրանց այնպէս է մզում, ինչպէս գետի հոսանքը սատկած ձկներին: Տարբերութիւնը շատ չնչին է:

Իրողութիւն էր—սիրել չ'գիտէի:

Նոր ծանօթութիւնս օր. Լուսիկի հետ ինձ համար փրկութեան նոր դուռ բացեց: Ոկսեցի կիրքս սանձելու հոռից ընկնել: Զսպում էի ինձ: Ժուժկալութեան վրայ հոգ տանելու մասին մտածելը պահանջ դարձրի: Սակայն այն սոսկալի իրողութիւնը մնաց իրողութիւն: Սիրային բացատրութեան ժամին իմ շրթունքներն էին խօսում և ոչ սիրտս: Ես «սիրում եմ ձեզ, օրիորդ» բառերը կրկնեցի մի այնպիսի ձևով, ինչպէս որ մաթեմատիքական սերտած ֆորմուլը կրկնում է աշակերտը անգիտակցաբար, առանց հասկանալու: Սիրտս արձագանք չէր տալիս իմ արտասանած սիրային սերտած խօսքերին, երգումին, ուխտին և խոստումին: Ես արդէն քամել ու վայելիլ էի կեանքի ցանկալի նեկտարը, կոտորել էի սրտիս երիտասարդական ծարաւը, որ միշտ ծառայում էր իբրեւ մի դրդիչ դէպի վիր ձգտելու: Վերը, իգէալի բարձունքներում այլևս չէի տեսնում վայելչութիւն և բերկրանք, ասես թէ անժամանակ յագեցրել էի բոլոր բաղձանքներս, սիրային որոնումներս:

Հայրենի քաղաքից հեռանալուց յետոյ՝ յիշում եմ խիղիւր լուրջ մտախոհութեան նիւթ դարձրի: Արդեօք ընդունակ եմ սիրելու

թէ ոչ: Իմ հոգեբանական զիտողութիւնները բացասական պատասխան տուեցին: Ես եկայ այն ողբերգական հետեւութեան, որ ոչ միայն սիրելու ընդունակ չեմ, այլ և սէր ասուած հասկացողութիւնը մի անմատչելի գաղափար է ինձ համար: Միթէ իմ կիրքս սէր է: Սէրը սէր չի լինիլ երբէք, եթէ չարտայայտուի, եթէ չարտափայլի, նա պէտք է մարդու ամբողջ հոգին վառէ, կրակէ: Անդորժադրուող, անպէտք ու մեռած տարր չ'պիտի լինի, այլ գործող և կենդանի զգացմունք: Այն-ինչ ես հոգեկան ոյժերս վաղաժամ փչացրել էի, սրտիս մէջ մաքուր, սուր տեղ քիչ էր մնացել, սրբազան սէրը չէր կարող այլևս այնտեղ կայան գտնել: Սիրտս մի անգամ միայն ճշմարիտ կերպով կարողացել է սիրել անմեղութեան, անգիտութեան օրերում: Թրքուհու պայծառ յիշատակն էլ հոգուս պատմութեան մէջ անաղարտ մնացել: Այնուհետև ես ոչ մի կնոջ երեսի չեմ նայել մաքուր հայեացքով:

Չէի սիրել և՛ օր. Լուսիկին: Վերջապէս համոզուեցի, որ զբաղուել էի նրանով, յարգում էի նրա կամքի ոյժը, որից ինքս զուրկ էի, և հետևողականութիւնը. բայց նրան չէի սիրում, չէի սիրում այնպէս, ինչպէս առհասարակ սիրում են ճշմարիտ սիրողները: Հայրենիքից հեռանալով հաստատուեցի նոր քաղաքում, նոր միջավայրում: Մէկ ամիս շարունակ յիշողութեանս մէջ չ'վերակենդանացաւ օրիորդի պատկերը: Նրբ նրանից նամակ ստացայ՝ նոր միայն ուշքի եկայ: Իմ սրտում մի նոր տանջող հարց առաջ եկաւ: Արդե՞ծք նրան սիրում եմ: Եւ եթէ այո՛ սիրում եմ, հապա ինչպէս եղաւ, որ նրան այդպէս շուտով մոռացայ: Աղջկայ նամակը ստացայ: Ի՞նչ յուզումներ առաջացրեց այդ նամակը: Գրեթէ ոչինչ: Կարգացի անտարբերութեամբ: Մի քանի տողեր ժպիտ յարուցին, այդպէս քմծիծաղ է երևում պապի խորշումած դէմքին՝ թոռնիկի չարածճիւղութիւնը դիտելիս:

Բայց միթէ սիրողները ճիշտ այդ կերպ անտարբերութեամբ են զինուած լինում դէպի այն ամենը, ինչ որ սիրային է: Մի քանի «յիշատակներ» ունէի ինձ մօտ օրիորդից: Շատ անգամ առիթ էի ունենում նրանց տեսնելու, բայց ամեն անգամ անտարբերութիւնը յաղթանակում էր: Ասում են, սիրող մարդիկ իրանց սիրոյ առարկայի անունն անգամ լսելիս յոյզերով լցում են: Ասում են նրանք ամեն անգամ ակնածութեամբ և սրբութեամբ են արտասանում սիրուհու անունը: Շփոթում են, շիկնում են այդ մասին որևէ ակնարկ անողի առաջ: Այդ յատկութիւններից և ոչ մէկը իմ մէջ չկայ:

Այսպիսով մի խայտառակ, ողորմելի վիճակ էր ստեղծուել ինձ համար: Խօսք էի տուել, երդուել էի սիրոյ անունով: Սիրա-

յին նամակագրութիւնս շարունակում էի, թէև իմ գիտակցութեան մէջ մեխուած էր այն համոզմունքը, թէ ես սիրել չեմ կարող երբէք: Խարում էի, կեղծում էի:

Սիրոյ անընդունակութեանս գիտակցութիւնը ծնեց իմ գանգում մի նոր միտք, մի նոր համոզմունք: Ես գիտակցել սկսեցի, որ իրաւունք չունիմ ամուսնանալու: Որքան էլ ցանկանայի երջանկութեան հասնել, ուրախ ու զուարթ ապրել, այնուամենայնիւ ամուսնական առաջաստը իմ դիմաց պէտք է մի անգամ ընդ միշտ փակ մնայ: Ամուսնանալ — ինչո՞ւ և ի՞նչ իրաւունքով: Ի՞նչ պէտք է տամ իմ ապագայ ամուսնուն: Ուրախութիւն, բախտ, թէ՛ քերկրանք: Բնաւ և երբէք: Ես ամբողջովին նեխման եմ դատապարտուած ֆիզիքապէս և հոգեպէս: Չեն մնացել իմ մէջ կենսունակութեան, երիտասարդական աշխուժութեան և թարմութեան հետքեր: Ուրեմն ամուսնութիւնը պէտք է թշուառութիւն և զրգախտութիւն բերէր, թէ իմ գլխին և թէ այն խեղճի գլխին, որ անգիտակցաբար իւր բախտը փտութեան պէտք է դատապարտէր: անբարոյականութիւն կ'լինի իմ կողմից, ամբողջ կեանքումս անբարոյական եղայ, գոնէ միանգամ, մի հատիկ անգամ բարոյական լինիմ: Եւ ա՛հ այս ժամին դրականօրէն խոստանում եմ չամուսնանալ: Բայց ո՞յժ կունենամ խոստումս կատարելու, թէ չէ, — ահա հարցը:

Հոգիս ամեն օր այսպիսի մտորումներից աղատուել չէր կարողանում: Սակայն այս բոլորը մնում էր իմ ներքին աշխարհի սեփականութիւն և ես կամքի ոյժ չունէի սիրոյ մէջ իմ անընդունակութիւնը բացարձակապէս խոստովանելու, հոգեկան աշխարհս քողազուրկ անելու օրիորդի առջև:

Շարունակում էի ապրել կեղծիքի մէջ: Թէ ի՞նչ պէտք է լինէր այս կեղծիքի հետեանքը՝ ես շատ լաւ նախատեսում էի: Գիտէի, որ օրիորդ Լուսիկը բնաւորութեամբ Աշոտ չէր և չէր էլ կարող լինել: Եւ բնականաբար չէր էլ կարող տանել այդպիսի մի հարուած: Պատրիկեանի ամբողջ ապագան պիտի փչանար, երբ նա հաստատուէր այն համոզմունքի մէջ, թէ ինքը սիրել է իւր անէրին և յարգանքին անարժան մի փալասի, որի անմաքրութիւնը չարժէ անգամ ուշադրութեան առնել: Ինձ երևակայում էի օրիորդի արդար զայրոյթով լցուած հայեացքի դիմաց կանգնած՝ և ասկում էի: Քանի՛ քանի՛ անգամ նամակներ գրեցի և պատառոտեցի: Քանի՛ քանի՛ անգամ փոստատուն վազող ծառայիս յետ կանչեցի և ձեռքից առայ օրիորդի հասցէով գնացող գրութիւնները:

Ի՞նչ էին ասում այդ գրութիւնները:

Այդտեղ հոգիս մարմնիս էի հագցնում, ներքինս շինում էի արտաքին: Խոստովանում էի օրիորդին իմ անցեալը: Յոյց էի տալիս, որ ես ամենևին մեղաւոր չեմ: Ծնուել եմ մի այնպիսի միջավայրում, որ ինձ հոգեպէս մանկուց ապականել է: Սովորեցրել է կեղծել, անբարոյ կեանքի և անազնութեան ընտելացրել: Պարզապէս շեշտում էի, որ ստել եմ և միշտ էլ ստում եմ ապագայ գործունէութեան մեծամեծ խոստումներ անելով թէ իրան և թէ գիւղատնտեսին: Ասում էի, որ այժմ շատ լաւ հասկացել եմ և համոզուել եմ, որ չունիմ այն բարոյական ոյժը, հոգեկան զօրութիւնը, որ ընդունակ լինէի համակրելի ընկերի, կեանքի սիրելի ուղեկցունհու հետ ընթանալ զաղափարական ճանապարհով, որովհետև թոյլ եմ, փոքրոգի և խեղճ: Ես ցանկանում եմ անձնագոհ հերոս լինել, ճշմարտութեան պաշտպան կանգնել և կեանքս նուիրել սրբազան գործի, բայց տարաբախտաբար չեմ կարողանում: Այո ցանկութիւն կայ, բայց կարողութիւն՝ ոչ: Կրկին և կրկին արդարանում էի՝ բոլոր մեղքը միջավայրիս և շրջապատողներիս շնքին փաթաթելով և անկեղծօրէն խոստովանում էի, որ վերջիններս են մեղաւոր, որ ես մի բան չ'ղարձայ: Յայտնում էի, որ անկարող եմ սիրել, զրա համար ինձ պակասում է յայտնի ընդունակութիւն և կենսական ոյժեր. իմ հոգին միայն կիրք է ճանաչում, իսկ հոգեկան, իդէալական սէր տաճելու համար ապիկար եմ, հնարաւորութիւնից զուրկ: Խնդրում էի օրիորդին մոռանալ փոքրիկ անցեալը և երբէք չ'յիշել ինձ, նրան, որ իւր անզգամ պատկերով Լուսիկի պէս մի աղջկայ հոգու կուսական ներդաշնակութիւնը խանգարել է: Իմ զարմանքն էի յայտնում օրիորդին այն մասին, որ նա կարողացել է ինձպէս մի բարոյապէս անդամալոյծի սիրել, մի անարժան մարդու, որ հէնց սկզբի քայլերից ճանապարհից մոլորուել է և ամեն մի քայլ զննելով զգում է իւր 'մոլորութեան սաստկացումը: Խոստովանում էի, որ այն մարդկանցից մէկն եմ, որոնք ըստ երևոյթին ամենահանգիստ, անխռովարար և անվնաս են, բայց խորը քննելով զրանց կեանքի հանգամանքները, կարելի է համոզուել, որ շատ քիչ այդպիսի յանցաւոր և ոճրագործ մարդ կ'գտնուի կրթուածների մէջ:

Այս նամակներից և ոչ մէկը տեղ չ'հասաւ:

Ա. ԲԱՆԻՔ

(Կը շարունակուի)

ԾՈՊԵՆ ԵՒ ՊՈ

Համաշխարհային քաղաքակրթ. պատմութեան մէջ պատահում են դէմքեր, որոնք լուսատու աստղերի պէս անցնում են իրենց ժամանակակիցների վրայով, որոնց անուան հետ դարեջրջաններ են ստեղծւում, որոնք իրենց կարող ուղիղներում կրելով ժամանակիցների իդէալները, իրենց բազմաբովանդակ ու համապարփակ հոգով արտայայտել են այն զգացումային ոյժերը, որ որոճում ու նախազգում է հանճարին շրջապատող և նրան սնող ամբոխը. հանճարը նոյն իսկ երբեմն իր մէջ ամփոփելով և ժամանակը համապարփակող ոյժը, հանդիսանում է ամենագէտ արարած, որը արտայայտելով ժամանակակիցների ձգտումները, միաժամանակ մարգարէանում է և ապագայ սերունդների ձգտումները և ըղձերը. ահա թէ ինչու երբեմն դարեր յետոյ են գնահատւում այդպիսի դէմքերը, կամ իր ժամանակին գնահատողները անմոռաց են մնում և ապագայ սերունդների սրտում. Սոկրատ, Դանտէ, Շէքսպիր, Ռաֆայէլ չեն մոռացուելու երբէք—թէկուզ տասնեակ դարեր անցնեն—չին մոռացուիլ, որովհետև նրանց ամենակարող խօսքը կամ վրձինը յաւերժացրիլ է մարդու մէջ Աստուածայինը և տուել է մարդու միջի էականը, յաւիտենականը, անփոխելին: Մենք ինչքան էլ որ ուզենք, չենք կարող անջատել մեզ մեր այդ փառապանծ նախորդներից, ճիշտ այնպէս, ինչպէս որ անգոր ենք բռնարգել դէպի մեր ժառանգներն անցնող մեր հոգեկան յատկութիւնները. և ահա կարծես մենք առիթներ ենք փնտրում վերականգնելու մեր այդ օրգանական կապը նախորդների հետ. այդպիսի առիթներ հանդիսանում են յօբելեանները:

Եւ այդ յօբելեանների շարքում, 1909 թ. աչքի ընկնող տեղ է գրաւելու: Համարեա բոլոր քաղաք. երկիրները այդ տարին առիթ ունեցան իրենց որդիներին յիշելու՝ Ամերիկան իր Պօլին, Անգլիան՝ Դարւինին, Գերմանիան՝ Հեկկելին, Շվեյցրին, Լեհաստանը՝ Շօպէնին, Ռուսաստ. Գօգօլին: Շատ էին և երկրորդական գործիչները, որոնց յօբելեանը այսպէս թէ այնպէս կատարուեց, օրինակ՝ Լինկոլն, Շպիլհագէն, Կօլցով, Գրիբօեդով, Մենդելսոն (երաժիշտ) և այլն. իրօք սխալ չի լինիլ անցեալ 1909 թ. անուանիլ

յօքելիանների տարի: Մենք որ բախտ չունենք պարծանքով տօնել սեփական համաշխարհային հանճարները, չենք էլ շտապում մեր յարգանքը ցոյց տալ մարդկութեան այդ լուսասփիւռ ջահերին, որոնցով պարծենալու է իւրաքանչիւր և՛ հոգեկան կեանքով ապրող անհատ:—Նոյն իսկ կոպէկանոց բրօշուրներ չենք կարողանում տպել և ցրուել մեր հասարակութեան մէջ՝ հասկացնելու նրան թէ ինչի ենք սակաւանդամ խմբակներս հրճում օրինակ Պօի կամ Գօգուլի յիշատակով: Պատահական դիտողութիւններ են միայն լոյս տեսնում մեր թերթերում դրանց մասին. դիտողութիւններ, որոնք լուրջ մշակուած չեն կամ հոգատար աշխատանքի արդիւնք, այլ հապճեպ կերպով կազմուած մի բան: Սօսք չը կայ սակայն, որ հենց այդ մի գրաւական է մեր մտաւոր կեանքի ձգտմանը. աւելի լաւ կը լինի համեստութեամբ յարգել, քան դատապարտելի լռութեան մատնել այդ խոշոր երևոյթները, ահա այդ տեսակէտը ընդունելով մենք՝ թէպէտ և ուշ, ընթերցողներին կը տանք դիտողութիւններ այդ դէմքերից առ այժմս երկուսի մասին:

Երկուսն էլ ծնուել են քաղաքակիրթ երկրներում, 1809 թ. և երկուսն էլ ապրելով միայն 40 տարի մեռել են 1849 թ. սակայն այս երկու հիւանդագին հանճարները ոչ թէ ապրած տարիների թուով, այլ շատ կողմերով հոգեկան երկուութեան են հանդիսանում միմեանց: Հէյնէն ասում է, որ Շօպէնը իր մէջ միացնում էր ասպետական ոգին, Ֆրանսիակ. գրացիայի և գերմանական խորամտութեան հետ, Պօի հոգեկան կոմպոզիցիան իր մէջ պարունակելով այդ բոլոր կողմերը իր բազմակողմանիութեամբ սակայն ընդգրկում էր Շօպէնին: Պօն և Շօպէնը ծնունդ են 19-րդ և մասամբ 18-րդ դարերի այն հոգեկան զօրեղ ցնցումների, որից յետոյ թուլացած նեարդերի հիպերեստեզիան կարող էր այդքան զգայուն, այդքան տպաւորուող արարածներ տալ: Նայեցէք այս երկուսի էլ եղերգական, թախծոտ շեշտներին, որոնք երբեմն տրագիքական պաֆօսի են հասնում, թափանցեցէք այդ կորովի թախծի, այդ թունալի-մաղձոտ բողոքների մէջ և կը համոզուէք, ինչպիսի համանմանութիւն կայ այս երկուսի մէջ: Շօպէնը յայտնի տաղանդ էր. ահա ինչ է ասում ժամանակակից Լիստը. «Մեծ արտիստը իր կախարդիչ խաղով հաղորդում էր մի սրտատրոփ գրգիռ, մի զաղտուկ, շնչասպառ թնդիւն. որպիսին զգում է սիրտը, երբ երևակայում է գերբնական արարածների գոյութիւնը, այնպիսի արարածների, որոնց ըմբռնելը անկարելի է»: Նոյն սրտատրոփ գրգիռը տիրում է ընթերցողի սրտին, երբ կարդում է Պօի քերթուածները և համոզում

է. որ Պօն պակաս տաղանդ չէ, որ կարողանում է խաղալ ըն-
 Թիրցողի նեարդերի հետ և ծնեցնել նրա մէջ թախիծ, սարսափ,
 յուսահատութիւն և բողոք: Նրանք երկուսն էլ վաղ ասպարէզ
 իջան. Պօն 18 տարեկան «Al Aaraaf» և «Tamerjan» ժողովածունե-
 րով և Շօպէնը 22 տարեկան իր կօնցերտով (Պարիզում). բայց ով
 էր կարծում, որ այս անյաջող փորձերի հեղինակները ապագայում
 լինելու են աշխարհահռչակ «B-Moll» սօնատի կամ «Ազուա» պօէմի
 ստեղծագործողները: Պօի և Շօպէնի այդ գլուխգործոցները միայ-
 նակութեան ու անփարատ թախծի ու վշտի ծնունդներ են: Եւ չնա-
 յած որ երկուսն էլ դրանցով ողբում են իրենց սիրելիներին, մէ-
 կը Լենօրային, միւսը Ժ. Զ.-ին, այնուամենայնիւ այնպիսի զօ-
 րեղ թափով են շնչում նրանք, այնքան զգացմունք ու անկեղծութիւն
 կայ դրանց մէջ, որ ներկայումս համաշխարհային սեփականու-
 թիւն են դարձել դրանք և երկուսի էլ գլուխ գործոցներն են հա-
 մարում: Եթէ յիշենք և այն, որ երկուսն էլ կենդանութեան ժա-
 մանակ գործել են նեղ շրջանում, որ նրանք ժամանակակից լայն
 մասսայի վրայ չհն ներգործել, համանմանութիւնները վերջացրած
 կը լինենք:

Ֆրիդրիխ Շօպէնը Պարիզ հեկաւ 20 տարեկան հասակում, արդէն
 բոլորովին որոշ և կազմակերպուած բնաւորութեամբ. այնուամենայ-
 նիւ Պարիզի կեանքը շատ բարերար ազդեցութիւններ թողեց
 պատանի Շօպէնի վրայ. ուրիշ կերպ չէր էլ կարող լինել, քանի
 որ այդ զգայուն պատանին շրջապատուած էր այն ժամանակի
 գրական, գիտական, երաժշտական հանճարեղ ներկայացու-
 ցիչներով. Լիստ, Մեյերբեր, Բալզակ, Հայնէ-ահա ինչ շրջանում
 էր ընդունուել Ֆրեդերիկը: Չնայելով Պարիզի հասարակական
 շրջանների հետ ունեցած յարաբերութեան, Շօպէնը մինչև վերջն
 էլ իր ձգտումներով աւելի հակուած էր ոչ թէ Ֆրան-
 սիային (հայրը Ֆրանսիացի էր), այլ Լեհաստանին և լեհերին
 (մայրը լեհ էր): Գուցէ այդ բանում վճռական դեր էր խաղում այն
 հանգամանքը, որ Ֆրիդրիխը ծնուելով Վարշաւում, իր մանկու-
 թեան և մասամբ պատանեկութեան տարիները լեհ ժողովրդի մէջ
 էր անցկացրել, սրանով մասամբ կարելի է բացատրել այն հան-
 գամանքը, որ հակառակ ընդհանուր երևոյթի—երաժշտագէտների
 կօսմօպօլիտիզմի—Շօպէնը ներկայացնում է մի փայլուն ինքնա-
 բուղի ազգայնականութիւն. նրա մէջ երբէք չը թուլացաւ դէպի
 Լեհաստանը տածած սէրը, լեհական ուժեղ նօտան չը հանգաւ
 երբէք: Յայտնի «յուդարկանգը» մեր երևակայութեան
 մէջ պատկերացնում է մի ամբողջ նահատակ ազգի թաղումը,
 որ կատարւում է զանգերի մահաշունչ ղողանջիւնի ներքոյ: Թաղ-

ւում էր լեհ ժողովուրդը, որի հերոսական ջանքերը քանիցս ան-
յաջող վախճան ունեցան: Այդ ապարդիւն փորձերից ընկճուած և
բազմաթիւ զոհեր տուած լեհ ժողովրդի մոայլ տրամադրութիւնն
էր, որ արտայայտուում էր վայրագին, հիւանդոտ հառաչներով:

Սակայն ինչքան էլ Շօպէնին օրհկտիւ ստեղծագործող հա-
մարենք, այնուամենայնիւ նա զլիաւորապէս ինդիվիդուալիստ
է, քնարերգու է: Նրա փոքրիկ արտադրութիւնները ներկայացնում
են հիասքանչ բանաստեղծութեամբ լի գեղեցկութիւններ և ունին
խոր, վսեմ բովանդակութիւն:

Ինչքան էլ սեղմենք Շօպէնի ստեղծագործութեան սահման-
ները, կօմպօզիտորների շարքում նա, այնուամենայնիւ մի աչքի
ընկնող երևոյթ է. ամենից հետաքրքիրը Շօպէնի մէջ՝ այդ նրա
մուզիկայի առանձնայատկութիւնն է. քնքշութիւն, ըղձալի-երա-
զանքներ, գերագոյն նրբութիւն լի պատանեկական աւելնով.—
իզուր չեն Շօպէնին երաժշտութեան Հայնէ անուանում: Գլխաւորը
այն է, որ Շօպէնի ստեղծագործութիւններում արտայայտուում է
նրա ամբողջ ներքին աշխարհը, այն զգացմունքները և խոհերը,
որոնք անմատչելի են կողմնակի մարդկանց համար: Այդ ներքին
աշխարհը արտայայտել այնպիսի ձևերով, արտայայտել սեպհական
անձին վերաբերեալ մտքերը, թախիժ ստրկացաւ հայրենիքի վե-
րաբերմամբ, արտայայտել իր ըղձերն ու հրճուանքը, բաղդաւո-
րութեան վայրկեանները և անյոյս վշտերի պոռթկումը,—արտա-
յայտել այդ բոլորը և այդ բոլորի համար գտնել յարմար՝ այն էր
գերող—հրապուրող՝ ձայնիւր ու ձևեր,—սա արդէն այնպիսի հա-
րուստ ու խոր հոգի է ցոյց տալիս, այնպիսի եռուն կեանքի ա-
պացոյցներ են, որոնք ջախջախում են ակադեմիկոսների՝ Շօպէնի
«ծրագրային մուզիկային» վերաբերեալ յարձակումներն և խզը-
ղանքները:

Թող «ծրագրային» անուանուին այն բազմակողմանի պիես-
ները, որոնք զանազան անուններով արտայայտում են պատե-
րազմի սարսափները, ձիերի դոփիւնը և զէնքերի շաչիւնը, կամ
իսպանական վանական թափօրը, կամ լիհական ռամիկ ժողովրդի
կեանքի տեսարանները. չէ որ Լիստի, Շումանի պէս հեղինակա-
ւոր անձնաւորութիւններն են Շօպէնի երկրպագուները. թէպէտ
Շօպէնին հռչակող Շումանը մինչև վերջն էլ չըմբռնեց B-moll
սօնատը և մինչև վերջն էլ խեղագարի զառանցանքներ էր համա-
րում այդ, սակայն դա կարելի է համարել մեծ մարդկանց յատուկ
տարօրինակութիւններից մէկը: Այդպիսի տարօրինակութիւն էր
հէնց Շօպէնի տինչը մասնաւոր գասերի վերաբերմամբ. ամբողջ
կեանքում նա արիստօկրատ կանանց էր սովորեցնում: Լիստը են-

թաղրում է, որ այդպիսով նա կամենում էր կիրառութեան մէջ մտցնել իրեն առանձնայատուկ երաժշտ. մաները, որը ինքը Շօպէնը անուանում էր *tempo rubato*—մի քնքոյշ, խորհրդաւոր, ընդհատ երերում, որ նման էր ծառերի նուրբ տատանման թեթև զեփուրից:

Շօպէնը յայտնի տաղանդ էր *) ֆորտեպիանոյի համար և հըրում էր համարեա միմիայն ֆորտեպիանոյի համար, օրինակ 3 սօնատները, 4 բալլադաները, 4 ֆանտազիաները, 12 պօլօնէզները, 52 մազուրկաները, 95 պրելիւդիաները, 12 նօկտիւրները, 13 վալսերը, 25 էտիւդները և այլն: Նրա այս բազմակողմանի ստեղծագործութիւնների շարունակութիւնն արգելք էր հանդիսանում թոքերի հիւանդութիւնը, որ զեռ 37 թուին սպառնում էր նրան. քիչ չէին և այն հոգեկան յուզումները, որ կրեց նա ժորժ Զանդի հետ ունեցած երկարատև ընկերակցութեան ժամանակ՝ մօտ 9—10 տարի: Այդ արկածալի և խանդավառ սիրոյ արդիւնքն է հռչակաւոր B-moll սօնատը՝ Marche funebre յուղարկերգով. ասում են, որ այդ գործը Շօպէնը գրել է Մայօրկա կղզում՝ իր միայնութեան բուպէներին, մի ահալի ու փոթորկոտ գիշեր, երբ նա սրտատրոփ սպասում էր կենակցին. բնական է որ պէտք է արտայայտուէր այդտեղ ահալի թախիծ, հեծեծանք և սրտակտուր հառաչներ. բնական է և այն, որ հոգու խորքերից բղխած այդ գործը Մայօրկա կղզուց ամբողջ աշխարհ էր տարածուելու:

Այսպէս է իսկական հանճարը. ոգևորութեան վսեմ վայրկեաններին նա ստեղծագործում է այնպիսի աստուածակերպ գոհարներ, որոնք միմիայն բաւական կը լինէին անմահացնելու հեղինակներին անունները:

Մարգո

*) Թէպէտ Շօպէնին գիտեցողներից ոմանք ներկայումս բոլորովին հակառակ կարծիք են արտայայտում:

ԱՆՏՈՒՆԻ ԵՐԳԵՐԻՑ

(Անտունի չափով)

Գարուն, դու բարով եկար,
Աղբափ սրժին մխիթար.
Մեր սիրս, մեր հոգին ցաւոս
Տանջուեցին՝ տեւիդ միտս կաւոս:

Տնիկ՝ քարոյանդ, վերան,
Մեզ խաւեց ամբան բուք, բորան.
Չազեր քառամած, նուազ՝
Գերեզման մեան անմուրազ:

Արի՛, գարուն ջան, արի՛,
Ապաւէն խեղճի, թշուառի.
Մեր սիրս, մեր հոգին ցաւոս
Տանջուեցին՝ տեւիդ միտս կաւոս...

Յարութիւն Պետրոսեան

ՆՈՐԱԳՈՅՆ ՊԱՏՄԱԳԻՏՈՒԹԻՒՆ¹⁾

ՀԻՆԳ ԴԱՍԱԽՕՍՈՒԹԻՒՆ

ԿԱՐԼ ԼԱՄՊՌԵԽՏԻ

Հակառակ այս բոլոր լարուած ձգտումների ստեղծում է մի նոր հոգեկան կեանք լինելըին հաւասարացումներով. գոյութեան կարեւոր խնդիրներում հիպնոսացում և փոխադարձ ազդեցութիւն: Յետագէ՛մ բնաւորութիւնների համար առաջ է գալի ժառանգութիւն, հնի արժէքը անդիմադրելի գորութիւնով և սրան հակաշնորհ մի ուժեղ բնաւորութիւն չկար: Եկեղեցական և քաղաքական աւատականութիւնը շուայտութիւններ են կոտարում. նահապետական անհամբերատարութեան կից երևան է գալի թթու ազգասիրութեան անհամբերատարութիւնը: Սակայն այն անհատները, որոնց բնաւորութիւնը դէպի առաջ, դէպի նոր տպաւորութիւնների արժէքն է ձգտում, նայելով իրենց ստեղծագործող ոյժի թուլութեանը կամ ուժեղութեանը, ցոյց են տալի ժամանակի յատկանիշ, բնորոշ գծերը: Մի քանիսը զգում են իրանց մէջ չափից դուրս մղումն ամեն ինչ ժրխտելու, քայքայելու, վերազնադատելու. ժամանակաշրջանը սկսւում է յուստեսութեամբ, որի խիստ ներգործութիւնը յատկապէս երերուն, ստեղծագործող բնաւորութիւնների գործունէութեան մէջ երեւալով, նրանց գոյութեանը վերջ դրեց, ինչպէս օրինակ Նիցշէն և որոշ մտքով նրան լրացնող նրա տիպիկ բախտը: Այս հեշտութեամբ համեստութեան սահմանը անցնող և գերմարդ երեւակայող ստեղծագործութիւնների շրջանում ժխտման կարիքը հէնց իբրեւ առաջին նշան հանդէս է բերում մեծ դառնալու ցնորքը և ձգտումն դէպի զրականը: Հեշտութեամբ զարգանում է օրհասական նորաբանութիւնը, նորի հրա-

¹⁾ Լումայ № 3

շալի պաշտամունքը իբրև ըստ ինքեան նպատակի՝ Յասկապէս դիւրադրգուման սկզբնական շրջանում «սենսացիօն» խօսքը մօ-
դայի արտայայտութիւն է դառնում. սրտ առաջինթացութեան
դէպքում երևում են հոգեհարցութիւնը, հրաշագործութիւնը, միս-
տիկական պաշտամունքը և սատանայի երկրպագութիւնը: Ուր
որ նորարանութիւնը և բացասումը միանում են, այն-
տեղ տեսնում ենք զգուելի, փթածի, անբնականի պաշտամունքը
և հակումն դէպի հոգեկան անբարոյականութիւնը*), մի բան,
որը ժամանակից առաջ եղող տպաւորիչ գրականութեան խո-
շոր մասի համար, մանաւանդ կին գրողների համար, բնորոշ
գիծ է:

Ստեղծագործութեան ինքնահիպնոսութեան հետ կայ պարզ
հիպնոսացում տպաւորիչ են կոյր պատրաստակամ հետեւողու-
թիւն ամբօխի: Այստեղ առաջ է դալի մի ճշմարիտ զգացմունքի
ու կամքի ինքնաշարժ դրութիւն. կուսակցական լինելը և հե-
րոսի պաշտամունքը, այլ և սրանցից առաջ եկած տենչը և ինք-
նուրոյն անձնաւորութիւններին հալածելը սովորական դարձաւ:

Շնորհիւ այս երեւոյթների անհատի սօցիալ-հոգեկան կապը
սուղւում է. սրանց ընդհանուր գործունէութեան համար վա-
ղուց եղած հրամայական պահանջները միանգամայն մերժւում
են իբրև այլևս անգործադրելիներ: Նախկին կրօնական և բա-
րոյական իղէալները տուժում են այս ընդհարումից. պատրաստի
եսականութեան խիստ սանձահարումն է տեղի ունենում տրն-
տեսական ազատ մրցութեան նշանաբանի անուան տակ մինչև
սուրսափելի աստիճանը և յոժի քաղաքագիտութեան դիմակի
տակ քաղաքականապէս իշխում է ոչ միայն ժողովուրդների յո-
ժերի լարման միաուլների, այլև գիտութեան, խելքի ու խղճի
վրայ:

Արդեօք աններդաշնակութեան այս բոլոր ձևերը նախկին
սօցիալ-հոգեբանական դրութեան տեղը ամբողջովին գրաւեցին:
Արդեօք առանց դիմադարձ յոժերի մնացին, որոնք նրանց ազ-
դեցութեան մի մասը իսկոյն հեռացրին, գուցէ և թոյլ չտուին,

*) Համեմատել ռուսական ժամանակակից գրողներին. որ աս-
տիճան բնորոշ երևոյթ է: Թարգմ.

որ հանդէս դան: Արդեօք այն դրութիւնը, որ մինչև այժմ նրկարագրեցի, այսպէս մութ, խառնիխուռն ծեերով վերջնակա-նապէս գոյութիւն է ունեցել:

Այս հարցերին պէտք է վճռական բացասական պատասխան տալ: Աններգաշնակութեան ժամանակ հէնց իսկոյն սկսուեց մի նոր կազմակերպութեան գործունէութիւն, հէնց այս ան-ներգաշնակի տարրերը, մի այլ կողմից նայած խնդրին, դրու-կան են դասաւորուում և ընդունում են ստեղծագործութեան ընթացքը: Երևակայութեան գործունէութեան աններգաշնա-կութիւնից 19-րդ դարու վերջին ասանամեակներում չէ՞ արդեօք ծագել մի նոր, բարձր, տպաւորիչ նատուրալիզմ. նախկին կամքի կապակցութիւնների աններգաշնակութիւնից չէ եղել նոր արն-տեսական կեանքը և առաջներումը անշայտ ազգային և համաշ-խարհային քաղաքագիտութեան համակարգութիւնը:

Այդտեղից էլ դուրս է գալի ժողովող, պարզաբանող և կա-ռուցանող մի աշխատանք: Սօցիալական հողին մտածում է իւր կեանքի միջուկի մասին. նա փնտրում է չլսուած քանակութեամբ առաջ եկող երևոյթների հոսանքում մի յենակէտ. նրա ծրգա-մանը ընդդիմանում է հազարաւորների և տասնեակ հազարա-ւորների կամքը, գուցէ և այս հէնց իրենից էլ ծագում է: Շար-ժումը տանում է դէպի մի նոր գերիշխող, մի նոր կենացադա-կարգ: Տեսնում ենք ինչպէս այս շարժումը, որը 1890-ին պարզ հանդէս է գալի, քայլ առ քայլ հող է ձեռք բերում:

Երևակայութեան գործունէութիւնը այս դէպքում էլ ա-ռաջապահ գունդն է, ուստի այստեղ նրա երևոյթները կրկին յստկապէս պարզ և բնորոշ են: Զևակերպող արուեստում և բանաստեղծութեան մէջ արտաքին աշխարհը արտայայտելու խնդ-րում հստան չլսուած շնորհալիութեան, յետոյ սկսեցին նոր ներքին աշխարհի, մեծ մասամբ նեարգային կողմը արտայայտել: Երբ այսպիսի գործնական հոգեբանութեան, կարելի է ասել նեար-դսբանութեան են հեռւում, որոշ հայեցակէտը յետ է մղ-ւում: Հոգին, որ մինչև այդ ինքնագիտողութեան նիւթ էր, սկստում է իրրև առարկայական դիտողութեան մի առարկայ. հետզհետէ դարձաւ մի դիտող իր սեփական հայեացքների և իւր

բնոյթը կնքեց առարկայական դիտողութեան վրայ: Երբ այս գէպքում առաջին անգամ պէտք է ինքն իրեն կիսէր, նրա ներքինը արտայայտուեց յանձին իսկական անձնաւորութեան ուժեղ շեշտման: Կրկին առաջ եկաւ այն ուժեղ արժէքը, որին Վոլնյըր իւր հոգեբանութեան մէջ ապաւերցեպցիա է (պարզ գիտակցութիւն) ասում. այստեղ առաջ եկան նոր գերիշխող յոյժերի սկզբնաւորութիւններ: Սրանք սկզբում բնականաբար կասկածուող հանդարտ էին. բնական նկարագրութիւններին կեանք տուողը անհատական արամադրութիւնն էր. քնարերգութիւնը իւր ընթացքում հանդարտ էր. երաժշտական մի փոքր մաս էլ աղմկեց նրա շուրջը և ներսը: Երեւացին պլաբանական նկարչութեան և քնարերգութեան, հեքիաթների ու երազների դրամաների, ցլնորաբեր, կախարդող թատերական ներկայացումների ժամանակները:

Այս դեռ բաւական չէ: Արդէն շատ փողուց մեծ, եզակի արուեստաւորները, մեծ մասամբ նրանք, որոնք յատկապէս անցման ժամանակ, եթէ ոչ նոյն իսկ առաջ նոր շրջանի հոգեկան դրութիւնը նախադուշակել էին, ուրանալով այս նորը՝ զարգացրին անհատական ոճը. սրանցից կարելի է թուել՝ Բիցիուսին և Լուդվիգին, Հեբելին և Անցենդրուբերին, Ֆեօերբախին և Բէօկլինին, Թօմաին և Կլինգէրին: Սրանց ժամանակը հարուստ էր. արդէն 80-ական թուականներին ճանաչուեցին, իսկ 90-ականներում յաղթանակ էին տօնում: Յանձին այս արուեստաւորներին լրացում էին տեսնում բոլորի տենչերը, տենչ գէպի նոր, ամբողջական, նոր կուլտուրայի տարրերը վարպետող անձնաւորութիւնը, տենչ գէպի անհատական գերիշխումների, նոր ժամանակի փրփրացող քաօսը:

Հազարաւոր սրտերի համար այս տենչը դարձաւ սօցիալ-հոգեկան փոփոխութիւն: Ոչ թէ յատուկ և ինքն իւր մէջ արմատացած անձաւորութիւնը, այլ մի նոր բարոյականութեան, նոր աշխարհայեացքի, նոր կրօնի ամբողջութիւնը դարձաւ ժամանակի տենչը. այս բոլորը երևան եկան բանաստեղծութեան երբեք չգործադրուած ձևերում: Սա մի կատարեալ դարձ է գէպի նոր գերիշխող յոյժ փնտրելը. այս բանը բնորոշ է վերջին

հնգամեակի վերաբերմամբ, ձևակերպող արուեստի ու նոր բանաստեղծական իղիալիզմի նոր ոճի սկզբնաւորութիւնն է:

Գիտութիւնը իւր համար բաց է արել մի հանապարհ, որը հետևում է երևակայութեան ընթացքին և պատրաստ է միշտ նրանով զնալ աւելի ևս վստահօրէն: Նէնց բնական գիտութիւններում, որոնք երկու դարի ընթացքում բնութեան բոլոր երեւոյթների վերաբերմամբ գործադրելի փայլուն օրէնքը գտան, էներգիան պահպանւում է և այսպիսով հմայած են պահւում նրա հիմունքները, ամեն տեսակ աններդաշնակութիւնից զերծ: Նոր շրջանում սակայն խորագնին հետազոտող միտքը գտաւ դէպքեր, որոնք բնութեան երևոյթին այս օրէնքին չէին համապատասխանում. ի նկատի ունենալով այս հանգամանքը, էներգիայի նորագոյն ուսման մէջ մի նոր, այլևս ոչ զուտ մեքենայական համապարօթիւն էին ուզում փնտրել:

Այս ժամանակում հասկանալիօրէն մեծ հոգեկան փոփոխութիւնների մէջ առաջին տեղը բռնում են հոգեկան գիտութիւնները: Այստեղ վնասականօրէն մի լետադարձ շարժում սկսեց ընդդէմ վերջին տասնամեակների անծրագիր, անհատական հետազոտութեան. մի հետազոտութիւն, որը միայն հետազոտութեան համար էր: Պահանջ կար, երևոյթները վերլուծել բարձր հայեցակէտով. այսպիսով հասան մեթոդի այն ամենաէական պահանջին, որ հոգեկան կեանքի երևոյթներում, ներքին, հոգեբանական երևոյթները այնպէս պարզաբանուին, որ սրանց համադրելը և մի ընդհանուր օրէնքի տակ դնելը հնարաւոր լինի. արդեօք այդ օրէնքը հոգեկան մեխանիկայի, թէ հոգեկան զարգացման ուսման, թէ կենսաբանութեան օրէնք կլինի, այդ միւսնոյն է: Այս պահանջը հոգեկան գիտութիւնների մղմանը օրէնքօր աւելի որոշութիւն է տալի. այս նպատակի իրագործման դէպքում նշան կայ, որ հակառակ վերջին ժամանակի կտոր կրտոր աշխատանքի մի նոր հպմադրութիւն է սկսուելու:

Երբ այսպիսով երևակայութեան ու բանականութեան գործունէութիւնը նոր զրգիւնների ծովում սեփական ցուցմունքների շնորհիւ շատ արդարացի դէպի նոր գերիշխող ոյժերի սկզբնաւորութիւնը դիմեց, այսպիսով ուժեղացրին անմիջապէս

զգացմունքի ու կամքի գործունէութիւնը ևս: Այստեղ էլ մարդինքն իրեն հաւաքեց, անհատական նպատակները աւելի պարզ ու համեստ դարձան. գերմարդկային բարոյական պահանջները ի կատար ածելու համար եղած բռնկումներից յետոյ աւելի պարզ ու բոլորովին ժամանակակից պահանջներ զրուեցին անհատի, պետութեան ու հասարակութեան առաջ: Նորից երևան եկան բարոյական հոսանքներ, մեծ, ալտրուիստական նպատակներով, որոնց զէնքն է համամարդկային խաղաղութեան հոսանքը. այսպէս ասած սօցիալ-ազնուապետական միտքը կրթութեամբ շրջաններում դարձաւ կեանքի պահանջ. առաքինութիւնը այլևս չէր նկատուում իբր փարթամութիւն: Նախկին ժամանակի էստէտիկական ու կրօնական զգացումներին խիստ անձնատուր լինելը և միմեանց հետ շփոթելը այնպէս անյայտացաւ, որ ոչ ոք այդ կորուստը չափսոսաց, մինչև իսկ չնկատեց: Առաջին տեղը բռնեց այլևս ոչ թէ՛ մի մեծ անձնաւորութեան շնորհիւ, որպիսին է իշխան Բիսմարկը, որը այս ուղղութեան ընթացքում առաջ էր անցել, այլ աւելի շուտ եզակիների սեփական կեանք ունենալու ուղղութեան շնորհիւ սօցիալական, կապող մեծ տարրերի՝ պետութեան և հասարակութեան առաջ գնալը: Սրանք դէմ էին գնում տնտեսական պայքարի աւերածութիւններին. նրանք կազմեցին մի օրէնսդրութիւն, նորերս զարգացած սօցիալ-բարոյական իդէալների համապատասխան: Սրանք իրենք իրենց գործունէութեան ընթացքում սահմանափակ զգացին այն աստիճան, որքան այդ գործունէութիւնը աններդաշնակութեան շրջանի ոյժի բաղադրադիտութեան նպատակին էր հետևում. սահմանափակողներն էին բարոյական և եկեղեցական աշխարհաբաղադրութեան շարժումը:

Սրանք նորազոյն շարժումներն են. սրանց նկարագրութիւնը անելով հասել ենք ներկային:

Այժմ պէտք է երկրորդ խնդրին՝ անցման ժամանակին անցնել, որի լուծումը պէտք է այս ժամում տալ: Պէտք է սօցիալ—հոգեբանական անցումների մանրամասն նկարագրութիւնից, անցումներ, որոնք տեղի են ունեցել վերջին կուլտուրական շրջանից մինչև ներկան, ինչպէս նաև մի կուլտուրական ժամա-

նակաշրջանից միւսին անցնելու անցումների նկարագրներին անցնել, որոնց մասին առաջին դասախօսութեան մէջ խօսք է եղել. այս բոլորից պէտք է անցման ժամանակի երևոյթների ընդհանուր, տիպիկ պատկերը պարզել: Պէտք է պարզել այնպէս, որ եզակի անցքերի խայտաբղէտ աշխարհից սրանց հոգեբանական կորիզը դուրս հանուի կեդևի տակից. այլ և այն հոգեբանական տարրերը, որոնք այս դէպքում երևան կգան, պէտք է նկարագրել նրանց լինելութիւնը ու ոչնչացումը այնպիսի կապակցութեամբ, ինչով որ նրանք ամեն մի եզակի դէպքի հիմք են կազմում:

Եթէ մեթոդի պահանջի այս ծրագրով դիտենք նաև սօցիալ-հոգեկան անցման ժամանակի երևոյթների սկզբնաւորութիւնները, կտեսնենք ամեն մի եզակի դէպքում շնորհիւ նոր պատճառների բազմութեան՝ հոգեկան շարժումների, զրդիւնների, դէպքի, երևոյթի, մի խառնիճաղանճ պատկեր: Այս բոլորը ամեն ժամանակ ազդում են մարդու հոգուն աւել, կամ պակաս չափով, արդեօք նա կցանկանայ այդ թէ ոչ՝ այդ միւսնոյն է: Սրանց ազդեցութիւնը այնքան աւելի ուժեղ է, որքան սրանք առաջին յաղթութիւնից յետոյ օգտւում են նաև այն ամրապնդումից, որ ստանում են ամեն մի հոգեկան յաղթութեան դէպքում շնորհիւ անցեալ կամ նախանցեալ հոգեկան ազդեցութիւնների հակադրութիւններին:

Զուտ հոգեբանական տեսակէտից նայած, ի՞նչ կերպ են ազդում այս պատճառները:

Սրանք ստեղծում են գիտակցութեան նոր դէպքեր, սրանց համապատասխան կազմւում են զգացումների ու մտաւոր պատկերացումների նոր բովանդակութիւններ, այլ և կազմւում է վերջիններիս միութիւնը. այնուհետև ես-ի նոր շարաբերութիւններ ու վերացումներ, վերջապէս երևակայութեան նոր բովանդակութիւններ, որոնք համապատասխանում են գիտակցութեան բովանդակութիւններին: Սրանց հետ միասին, այս երևոյթների մէջ թթմորի դեր կատարող զգացումները նմանապէս գործի հրաւիրուեցան, որոնց թուում նաև ձգտումը և կամքը. սրանք էլ ուրեմն որոշ փոփոխութիւններ կրեցին: Թէ գիտակցութեան

բովանդակութեան, թէ սրան ուղեկից զգացումի երևոյթներէ ամբողջ փոփոխութիւնը զոյութիւն ունի մինչև այժմ սրանց ունեցած բովանդակութեան շերտաւորումների, զուեւորումների և ստուերաւորումների մէջ:

Արդեօք այս հետեանքը, նոր գիտակցութեան և զգացմունքի բովանդակութեան այս գումարը յիշաւի՞ մի նոր պատմական կեանք է առաջ բերում: Իսկապէս այդ կեանքի հիմնաւոր, առաջին հետեանքը չա՞յ այստեղ: Անհրաժեշտ է մինչև այժմ դիտած հետեանքներից ու ազգանշաններից աւելի շուտ անցնել դէպքերին: Երբ այս տեղի ունենայ, կերևայ, որ հոգեբանական ծանօթ օրէնքների հիման վրայ այս դէպքերի գործօն մասեր կերևան՝ զգացումները, երևակայութիւնը, զուգորդութիւնը և հակումները:

Երևում է, որ նոյնիսկ հոգեկան գործողութիւններում, որոնք այստեղ քննութեան պիտի առնուեն, կամքի խնդիրը սկզբում մի փոքր յետ է մղւում. նա այլև ծգտումը շատ քիչ են ազդում և կատարւում են իրենց օրէնքների հիման վրայ: Այստեղից հէնց հասկանալի է դառնում, թէ ինչու կուտուրայի պատմութիւնը իւր ներքին խնդիրներում հոգեկան շատ պակաս խճճուած արտայայտութիւնների հետ գործ ունի, քան նոյնիսկ կամքից առաջացած ամենապարզ գործողութիւններն են, աւելի շուտ պարզ գործողութիւններ են զգացմունքի, երևակայութեան զուգորդութեան: Դեռ աւելին. վերջին թուած գործողութիւնները խնկապէս պատմական ամենատարրական և այդ պատճառով հոգեկան հեշտ նանաչելի ու տարբերուող երևոյթներն են: Կուտուրայի պատմութիւնը պատմական գերակարգի հիմք կդառնայ այն ժամանակ, երբ նա ընդհանրապէս սրանց ելակէտ ընդունէ և միայն իբրև կողմնակի բան՝ նաև մասնաւոր հակումները ի նկատի ունենայ: Այլապէս ի՞նչ ծեով կարող է մի հիմք դարձող պատմական գիտակարգ զարգանալ, եթէ նա հոգեկան կեանքի ամենատարրական գործողութիւնները ի նկատի չունենայ: Բնական գիտութիւնների զաղտնիքները բոլոր երևոյթների համար մի ընդհանուր բալանիով, իմաստութեան քարով կամ բնափիլիսոփայական սիստեմով չի

պարզուել, այլ միայն այնպիսի ամենատարրական խնդիրները պարզաբանելով, ինչպիսի են թեք հարթութեան կամ ընկնելու օրէնքները:

Մինչ այսպիսով մի կուտուրական շրջանից միւսին անցնելու անցման ժամանակ այս տարրական անցքերի դրդիչներին անսովոր քանակութեամբ և միաժամանակ անսովոր ձևերով, նոր որակներով թափում են հոգու վրայ, խանգարում են միաժամանակ հոգու մինչև այժմ ունեցած հաւասարակշռութիւնը: Եթէ հնարաւոր է հոգեկան կեանքում պատմական տեսակէտից միշտ գործունեայ, նոր ծնող տպաւորութիւնների, զգացումների ձգառումների և միաժամանակ սրանց իշխող և սրանց ընթացքը ըստ երեւոյթին ղեկավարող մի միջոց, մի գերիշխող ոյժ գտնել, ապա պէտք է ասել, որ մինչև այդ հոգեկան գործողութեան անցքերը, սրանցից առաջ եկող գրգիռները և լուզումները մի որոշ գերիշխող տարրով էին կանոնաւորուում: Այժմ երևաց, որ այս բանը այլևս գոյութիւն չունի: Բազմապիսի գրգիռների նոր աշխարհը ստեղծեց հոգեկան կեանքի ձևերի նոր գունաւորումներ, որոնք այլևս մինչև այդ եղող գերիշխող տարրին չէին ենթարկւում: Այսպիսով այս գերիշխող տարրը, այսպէս ասած անձնաւորութեան միջուկը, չեւ մղուեց, առնուազն կորցրեց իւր իշխանութեան մի մասը. այս էր ահա տնմիջական հետեւանքը:

Յաջորդ հետեւանքը դարձեալ այստեղից այն եղաւ, որ հայեցողութեան շրջանում մտապատկերները միմեանցից խիստ չեն բաժանուում, ինչպէս մինչև այդ էր. սկսւում են եղակի գրգիռներից առաջացած հետեւանքների մէկից միւսին փոխադրուելու անցման ձևերը: Ոչ պակաս զատողութեան շրջանում հիմքերը, պատկերացումները և հակապատկերացումները խառնուում են միմեանց այնպէս, որ չի կարելի այլևս իրարից անջատել. փոխանակ զատողութեան երևան է զալի միայն կարծիքը, ընդհանուր դատողութեան հիմքի մասին մի հայեացք ունենալը, որը դեռ ստորաբաժանումների չի ենթարկուել: Մինչ այդ գոյութիւն ունեցող ուժեղ հոգեկան միութեան խանգարումն է այդ եղած փորձառական զուգորդութիւնների միութեան ձգտման խախտումն, որի պատճառով դուռնու դարբասը օտար ազդե-

ցութիւնների և ինքնախաբէութիւնների առաջ բաց է լինում: Այս դրութեան երկար տեւելուց առաջ է գալի զգացումների ինքնաներշնչումն, որոնք նկատուում են յատկապէս իբրեւ նորագոյններ, այլ և որոշ դատողութիւններ են առաջ գալի, որոնց համաձայն անձնաւորութիւնը կամայական և ինքնիշխան ծեով առաջ է մղուում. կամ թէ նման զգացումներ ու դատողութիւններ ներշնչուում են դրսից:

Մի տեսակ նման բան էլ տեղի է ունենում կամքի շրջանում: Այստեղ, յատկապէս կամքի նախադռնում, ծգտումների շրջանում, մարդու ներսում կան միշտ երկու իրար դէմ ելող տարրեր. ներգործական, անձնաւորութեան յատուկ ծրգտումները ղեկավարող տարրը, ես-ի միացումը մի կողմից և իրերից բղխող, սրանց մէջ իշխող կրաւորական անհրաժեշտութիւնը միւս կողմից: Եթէ գերակշռողը իրերից բղխող գրգիշներն են, կամ թէ սրանք համեմատաբար աւելի ուժեղներն են, հետեւանքը այն է լինում, որ որոշ վերջնական վճիռ տալը փոխաբինւում է աւելի շուտ մի տանջող, երերուն դրութեամբ, աւելի վատ դէպքում համաշխարհային թախծով կամ յռետեսութեամբ. ընդհակառակը ես-ի ծգտումների արտայայտութիւնը միշտ իւր ետեւից ուրախ զգացումներ է բերում: Կարող է բանը այն աստիճանի հասնել, որ արտաքին իրերը, նրանք ի հարկէ, որոնք նոր ու յաղթող տպաւորութիւններ տալ կարող են, անձնաւորութեան ծգտման ու կամքի աղբիւրը այնպէս պղտորեն, որ անձնաւորութեան տեսակէտից նայած խնդրին, կամքի աւտոմատ դրութիւն առաջ կգայ և կծագեն այնպիսի ստիպողական ծգտումներ, որոնց մերժելը անկարելի կլինի և այնտեղ, ուր առաջ նմանողութեան ծգտման համատարած ներշնչումը ամբոխին շարժում էր, այժմ միայն անմիտ մօղաները և հոգեկան հիւանդութիւնները գէպի ընդհանուր լիմարաբանութիւնն են մղում: Եթէ չի կարելի ասել, որ այս արտաքին ծեերը անցման ժամանակաշրջաններում միշտ ու ամեն տեղ էլ երևան են եկել, զոնէ պարզ պէտք է համարել այն, որ նրանք նախկին անցման ժամանակաշրջաններում շատ են եղել և վերջին անցումներում էլ չեն պակասել և որ ընդհանրապէս ծգտումների

մէջ նկատելի է լինում աններդաշնակութիւնը իբրեւ բնորոշ գիծ:

Միաժամանակ անծնաւորութեան եռանդի գործադրութիւնը ընդհանրապէս շատ հեշտութեամբ հիւանդադին կողմեր էլ է ստանում. րստինքեան թոյլ և անվստահ, նա միշտ էլ զրգուման դրութեան մէջ է գտնւում և այսպիսի դրութեան մէջ երեակայութեան ու օգտակարութեան զուգորդութիւններ է անում, որ ուրիշ ժամանակ չէր լինի, որովհետեւ սրանց հետ կապուած են նաեւ անհաճոյութիւններ: Սրանց շարքին են պատկանում բացասող ուղղութիւնը, ինքն իրեն տանջանքի ենթարկելը, տարօրինակ երեայլ: Եթէ այս կապակցութեամբ խորք քննենք՝ կտեսնենք, որ խնդիրը այստեղ մեծ մասամբ եռանդի համար նպատակ որոնելուն է վերաբերում: Եթէ կայուն կուտուրայում այս բանը միակերպ պահուած է և առողջ կերպով որոշուած, ապա վեռականութեան համար բարձր աստիճանի աղատութիւն կայ և տարօրինակ նպատակները պակասում են: Իսկ ընդհակառակը, եթէ այս բացակայում է, այն ժամանակ ծգաումը ուղղում է կամ զգայական անմտութիւնների կամ թեթեամիտ հաւատարմութիւնից զրգուած այնպիսի նպատակների, որոնք առողջ դէպքում շատ դժուար հասանելի կերեային, եթէ ոչ անկարելի: Միաժամանակ ուղեկից զգացումների մէջ իշխում է մի տատանող դրութիւն, որի մէջ երեան են զալի թեթեամտութեան և կրքերի ամենատարբեր, յաճախ նուրբ գունաւորուած խառնուրդներ: Նախկին պատմութիւնից հեշտութեամբ կարելի է եզրակացնել, որ այս բոլոր երեայլները նոր կուտուրայի անցման, այլ և նախկին անցման ժամանակների համար բնորոշ են: Այս դեռ բաւական չէ: Նպատակ որոշելու այդպիսի յարաբերութիւններում այլ կողմից եկած հակառակ պատկերացումների աղդեցութեան տակ այնպէս կարող է անհատը ինքն իւր մէջ ամփոփուել, որ կշառնայ կամքից ու բովանդակութիւնից զուրկ մի ծգաում, հետեանքը կարող է լինել մի ընդհանուր վիատութիւն: Որ այս բանը մասնաւոր դէպքերում, նոր տնտեսական ճգնաժամի դէպքերում, այլ և նախկին ժամանակի սրանց նման երեայլներում տեղի են ունեցել,

երբ կրաւորականի ճնշումը, դրսից եկող հակադրեցութիւնները ամենաբարձր աստիճանի են հասել, աւելի քան յայտնի է:

Բացի այս, շատ բնորոշ է, որ այս ժամանակներում, երբ հոգին մի գերիշխող տարրից, այսպէս ասած իւր միջուկից, զրուկուել է ընդհանուր հոգեկան կեանքի զգացումը, ձգտումը եղած հոգեկան կեանքի գործօններում լրիւ արտայայտուելու, հէնց իրերին իրենց անբնական ձևով անձնատուր լինելու, կարելի է ասել անձնաւորութիւնը կրաւորապէս կորցնելու մէջ է արտայայտում: Այս մի այնպիսի հայեցակէտ է, որ ամէն անգամ, երբ գեղարուեստում երևան է գալի բնականի ուղղութիւնը այսպիսի ժամանակներում հիմք է դառնում: Եթէ այս ձգտումը աւելի միակողմանի է հանդէս գալի, անբնական հետաքրքրութեան աւելի սարօրինակ ձևեր են երևում. օր. դէպի զգուշիւ մղուելը, ցանկութիւն իսկական ես-ի մէջ խորասուզուել. իբրև մի առարկայական բանի, հակումն ինքն իրեն տանջելու, ինքնախնդարութիւնման. եզակի դէպքերում նաև ինքնասպանութեան. առաջ է դալի նաև ոչ պակաս հաճոյք՝ ձգտելու դէպի անհաճոյն, անհամ հաճոյքը, կծու բաւականութիւնները, վշտաբեր վայելքը, ուրախանալ աններդաշնակ գոյներից և ծայրերից, անշափից յագորդ ստանալ, երաժշտութեան մէջ լսել ուժգինը, ճարտարապետութեան մէջ աղմկալին տեսնել և այլն:

Այսպիսի աններդաշնակութիւնների սկզբնաւորութեան, այլ և նրանց վերջանալու ժամանակներում, այսպէս ասած խառն զգացումները մի յատուկ դեր են խաղում: Սրանք հաճելիի և անհաճոյի մէջ եղած անցման զգացումներ են, որովհետև լինում է մի հաճոյք, որ խառն է անհաճոյի հետ կամ լինում է քաղցր-դառի զգացում, կանաչ-դեղինի զգացում և այլն: Այսպիսի ժամանակներում զարգանում են զգայուն զգացումները, այսպէս օրինակ զգայականութիւն, թախիժ և ամենից առաջ ծաղրը, աւելի չէտոյ ողբերգական զգացումը, որը օրինակ դրամատիկական զեղարուեստի մէջ 90. ական թուականներին մի կարճ ժամանակեայ, բայց բնորոշ զարգացում առաջ բերեց:

Եթէ գերմանական զարգացման ընդհանուր ընթացքում իշխող հոգեկան անցքերի զլխաւոր անցքերը մի անգամ էլ վեր

ջուշենք, կստանանք հետեւեալը. անձնաւորութիւնը ինքն իրեն յանձնուած է իրեն կրթող աւելի ուժեղ արտաքին աշխարհին այնուհետեւ նա ամեն մի արտաքին դրդիւ արտայայտուած է շատ ուժեղ, առանց ընտրութիւն անելու հակառակորդների մէջ, որոնք ուրիշ գէպքում զրգիւռի աստիճանը սահմանափակուած էին: Նրա զգացմունքի կեանքը աւելի դիւրագրգիռ է դառնում, քան առաջ էր, նա թոյլ է տալի, որ իւր մէջ ծագեն այնպիսի մըտապատկերներ, որոնք չենթարկուելով մինչեւ այժմ եղող վերահսկողութեանը, շատ շտապողական և նոր բովանդակութիւն ունեցող վճիռների են հասցնում: Նա դրսից ստանում է զորքիւններ, որոնք հանդիպում են հակառակ պատճառների պակաս ազդեցութեան, արագ ու մինչ այդ չեղած անսովոր ձևի գործունէութեան են առաջնորդում: Այս երևոյթների շնորհիւ նա ինքը մի այլ բնաւորութիւն է ստանում: Մի կողմից նրա ներքը լցնող բովանդակութիւնը հարստանում և շերտաւորուած է, միւս կողմից նա կորցնում է այն համաչափութիւնը, որը իշխում էր մինչև. այդ եղող պակաս թուով երևոյթների մէջ: Նոր զորքիւններին անձնատուր լինելը, աւելի ճիշտն ասած նուիրուելը, պատճառ է դառնում զեղարուեստի մէջ բնական ուղղութեան առաջ գալուն, որը արտաքին աշխարհի, այլ և հոգեկան կեանքի դադունիքները երբ մի երրորդ կողմից դիտող պարզաբանում է միաժամանակ: Օրինակ Զօլեայի պէս գրած զեղարուեստական երկերում իբրև coin de natur vu à travers un tempérament (համաժայն բնաւորութիւն տեսնել բնութեան մի անկիւնը) բնաւորութիւն ունեցողը կարելոյն չափ մի կողմն է թողնում: Մտապատկերներին անձնատուր լինելը թուլացնում է ի մի ամփոփող շտապողութիւնների կազմութիւնը և միաժամանակ այն զգացումն է առաջ գալի, թէ պէտք է մի աշխարհայեցողութիւն կազմել: Գործելը ենթակայ է լինում յանկարծական դրդիչների և այլասեւում է սրանց ազդեցութեան տակ փոխարկուելով ծայրահեղ զրգուման կամ թուլացման:

Եթէ աւելի կարճ ասենք և մի խօսքով ամփոփենք, կլինի այսպէս. անձնաւորութիւնը արտաքին աշխարհից չափապէս ապաւորուող է դառնում. արտաքին աշխարհը դառնում է նրա

համար մշտական պատնէշ. անձնաւորութիւնը ինքն իրեն հիպոսացնող է դառնում, հեշտութեամբ ինքնաներշնչման խարէութիւնների ազդեցութեան տակ է ընկնում. հոգեկան կեանքի ընդարձակ անդիտակ հիմքի ազդեցութեանը աւելի է անձնատուր լինում, քան մինչև այժմ էր: Այստեղից առաջ են զալի հայեցողութեան, դատողութեան և գործելու նոր ծեւեր: Այսպիսով հոգեկան կեանքի այն շրջանները, որոնք ղիտակցականի մէջ էին գտնւում, այժմ սրանից աւելի են բարձրանում. այստեղից բացւում է մի անցք դէպի նոր տեսակի զգացումները, երևակայութիւնը, ձգտումն ու գործունէութիւնը:

Առանց այլևայլութեան պարզ է, որ այսպիսի հոգեկան դրութիւնը ըստ ինքեան վտանգաւոր է և ժամանակակիցները շատ շուտ զգում են: Ի՞նչպէս կարելի և սրան յաղթել: Նոր, ուժեղ երևոյթների աշխարհը, նոր գրգիռների անբաւ քանակութիւնը գոյութիւն ունին. սրանց չի կարելի հեռացնել. աւելի շուտ հոգեկան կեանքի խնդիրն է լինելու սրանց յարմարութիւն:

Այս դէպքում, իրերի դրութեանը նայած, անհրաժեշտ է երկու բան. նախ պէտք է հոգին մեծ ընդարձակութիւն ձեռք բերէ. այսինքն հոգեկան ոյժը այնպէս պէտք է զօրեղանայ, որ նոր բաղմապիսի հոգեկան գործողութիւնները միաժամանակ կատարելու մշտական հնարաւորութիւն լինի: Բացի այս հոգին ոչ միայն այս նոր աշխարհին պէտք է միայն իւր ներսը ընդունէ, այլ և պէտք է կարողանայ, այդ մի որոշ կեդրոնից կառավարել: Այս դէպքում էլ այս բանը ապահով կատարելու համար հարկաւոր է հոգեկան երկու գործողութիւն: Հոգին պէտք է նոր գրգիռները և վրդովումները իրարից աարբերէ, բաժանէ և տարրալուծէ. այս բաժանի՛ր-ին սակայն պէտք է հետևէ և իշխի՛ր-ը: Այս անդամահատած ամբողջութիւնը հոգին պէտք է միացնէ, շողկապէ, համադրէ, դուրս հանելով ամեն տեսակ հակասութիւն և միջուկը, գերակշռող ոյժը անձնաւորութեան համար օգտակար դարձնէ:

Կարող է ըստինքեան պատահել, որ այս ճանապարհը խփոյն չգտնուի. փորձառութեանը համապատասխան երևացող և

առանց բացառութիւն ունեցող օրէնքի համաձայն այս դէպքում նախ երևում է անցման ժամանակ. յատկապէս ներկայի կուտուրային անցնելու ժամանակի դէպքում, որը շատ արագ կատարուեց, անցման ժամանակը այնուամենայնիւ մի մարդկային տարիքի չափ տւեց:

Այստեղ երևում է, թէ ինչպէս հոգեկան անհրաժեշտ ընդարձակութիւնը կամ որ նոյնն է, նոր ուժեղ ընդարձակման յոժը դանդաղօրէն է ծեռք բերւում: Յիշողութիւնը չի կարողանում նոր երևոյթները գիտակցօրէն կոնոնսլտրել: Ոչ պակաս նորի վերլուծութիւնը երկար ժամանակ գոհացուցիչ չէ լինում. վերջապէս խելամտութեան զգացումն էլ բաւարար դարձացած չի լինում. նոյն իսկ գործերը գործնականապէս կարգադրելու տեսակէտից բազմանում է այնպիսիների թիւը, որոնք չեն կարողանում իրենց տեղը դնել: Աւելի ևս պակասած նոր տարրին գերիշխելը: Գիտութիւնը մնում է նկարագրական, նուիրւում է միայն իւր նիւթին. գեղարուեստը հպտատակում է անպտղաբեր բնական ուղղութեանը. ինչպէս այս դէպքում իդէալիզմը, այնպէս և այն դէպքում եղակիից այն կողմը անցնող և սրանցից աւելի բարձր երևոյթները ամփոփող յոժը և իմացութիւնը տեղ չեն գտնում:

Միտժամանակ առաջ են դալի զուգորդութեամբ պայմանաւորող շահեր, ալտրուիզմը և այն ամենը, ինչ որ սրա հետ կապուած է. ընկերական գիտակցութիւնը, անձնագոհութեան զգացում և բարոյական իդէալիզմը ետ են մղւում. ետական մղւումները դերակշռող են դառնում:

Եթէ զարգացման այս ուղղութիւնը առանց ընդհատուելու առաջ գնայ, պարզ է, որ հոգեկան քայքայում առաջ կրբերի: Ամեն տեսակ նպատակների պատկերացումները պարզելուց յետոյ մնում են մղումներից միայն անմիջապէս գիտակցականները, զգացումներից միայն այս մղումներին բաւականութիւն տուողները, զուգորդութիւններից նախկին յիշողութեան պաշարում տեղ գտնողները, մինչև որ բարբերի յետոյ եկող ապականացման շրջանում սրանք էլ կորչում են և հասնում են հոգեկան այնպիսի դրութեան, որը, ինչպէս յետոյ կտեսնենք, ո-

րոշ մտքով համապատասխանում է աւելի ցածր կուլտուրական աստիճանի:

Այստեղ արդէն պէտք է հարց դնել, թէ մի՞թէ այս հիւանդոտ ընթացքն է եղել այն, որի պատճառով անցեալի խիստ օժտուած ժողովուրդները խորտակուել են:

Նորագոյն կուլտուրայում և յատկապէս այն դէպքում, որը ամենից վերջը մեր ուշադրութեան առարկան եղաւ, տեսանք դրական զարգացման յաղթանակը. նոյնպէս եզակի, հոգեկան այն անցքերը պարզապէս չեն երևան գալի, որոնց մէջ այդ զարգացումը կատարուել է և կատարւում է:

Անձնաւորութիւնը, իւր միշուկը կազմող կեդրոնում մի առ ժամանակ յանկարծակի էր եկել, բայց յետոյ կամաց յետ է մղում, թօթափում է. նորից բարձրանում և զարգանում է մի նոր գերիշխող ոյժ:

Հայեցողութեան հարուստ շրջանում է այսպէս լինում. այստեղ զեղարուեստի ու բանաստեղծութեան բնական ուղղութեանը հետևում է մի թարմ իդիալիզմ, որը իշխում է նոր, ուժեղ տպաւորութիւնների վրայ և կարողանում է վարպետօրէն մշակել. սակայն ոչ միշտ վերարտադրելու նպատակով, այլ օգտակար դարձնելու համար երևակայութեան զործունէութիւնը. արուեստաւորների ոգին զեղարուեստական երկի մէջ արդէն այսպիսով երևում է:

Այս կէտը, երբ յետագայում երևակայութեան զործունէութեան զարգացման խնդրով հետաքրքրուենք, աւելի ևս մանրամասն կ'հետազօտենք: Հին զեղարուեստական օբէյնքների համաձայն բնական հոգին, որպէսզի մի իրի զեղեցկութիւնը կարողանայ արտայայտել, պէտք է երկու բան ունենար. նախ այս իրի ամբողջական տպաւորութիւնը և ապա սրա չափական բաժանումը: Ընդ սմին եզակի զեղարուեստական երկերին նայած չափական բաժանումը նախ անհատական մի բան էր. սա համապատասխանում էր եզակի անհատների հոգեկան զործունէութեան չափին, որը ամեն մի անձնաւորութեան համար տարբեր կարող է լինել. օրինակ մէկը կարող է բանաստեղծութեան, նկարչութեան, ծեփերպող զեղարուեստի մէջ աւելի տախտիլը

սիրել, միւսը անապետութեան Աշխուհեմու այս բաժանումը իւր մէջ ունի նաեւ սօցիալ-հոգեկան բան, որքան իհարկէ այդ մի որոշ ժամանակի ընդհանուր զգացման արտայայտութիւնն է. այս տեսակէտից նա ոճի հոգին է: Ամեն մի արուեստաւոր չափական տեսակէտից ոճի մէջ է երևան գալի. մի ժամանակ երևակայութեան արդիւնը գեղարուեստական երկում սօցիալ անհատական հոգեկան պատճառները. այնպէս են միանում, որ պատմական զարգացման տեսակէտից նախ ձեռք բերուած պատճառը սօցիալ-հոգեկանն է լինում: Պարզ է, որ մեծ գեղարուեստագէտը, որը երևոյթների աշխարհին տիրապետում է իշխալիստական տեսակէտից, իւր բնածին չափի համաձայն լրիւ կարող է երևան գալ և ապրել միայն իւր ոճի մէջ: Այս ոճը հնարաւոր է դառնում նրանով, որ իրերին կարողանում է տիրապետել իւր գերիշխող ոյժի և սրա մէջ ապրող չափի և ոչ թէ բնական ուղղութեան տեսակէտից:

Ինչպէս երևակայութեան գործունէութեան շրջանում, այնպէս և մտածողութեանը, բանականութիւնը համապատասխանող գործունէութեան շրջանում առաջ է գալի մի կեդրոնածիզ, միացնող շարժում: Կարծիքի և հայեացքի համապատասխան, ըստ ինքեան չկարգաւորած մտապատկերների գումարը, նախկին ժամանակի ամբողջական տպաւորութիւնները, այժմ մասերի են բաժանւում: Հիմքերը և հակառակ հիմքերը աւելի ևս տարբերւում են և կարիք է լինում ամբողջի բովանդակութեան համար մի խիստ որոշում գտնել: Նոր աշխարհը ենթարկւում է լրացած գաղափարների աշխարհին և սա էլ համադրական գործունէութեամբ գեղարուեստական երկի միջոցով պատկերւում է բարձրագոյն գաղափարով. այս բարձրութիւնից բացւում են բանական աշխարհայեցողութեան և գերզգայական մտածողութեան վճիռների համար նոր տեսարաններ:

Վերջապէս հանդէս են գալի շահերի խմբակցութիւններ, երերուն, երբեմն թեթեւամիտ, երբեմն կրքոտ գործունէութեան դրութիւնից, որոնց մինչև այժմ ենթարկւում են: Գործողի առաջ դրւում է այսպէս կամ այնպէսի կտրուկ հարցը և հեշտութեամբ էլ վճռւում է:

Այսպիսով ամբողջ հոգին նորից ազատուում է և ամբողջական անձնաւորութիւնը իւր ուղղութեամբ հանդէս գալովը իր գլխի տէրն է դառնում: Այժմ էլ փնտրում է այդ զոյութեան ամենաբարձր հանդիմանը և աշխատում է զգուշաւոր հաշուով, այդ գործօնների հնարաւոր և կարելի գործունէութիւնը առաջ բերելով մի ընդհանուր ոյժի ղեկավարութեամբ: Այստեղ, իբրեւ որոշ կեանք ունեցող հիմնական պայման, մնում է հոգեկան գործօնների մէջ ձեռք բերած միութիւնը, ուստի նախ երևում է իդիալիզմի մի շրջան, այսինքն մարդկային հոգու զերիշխանութիւնը իրերի վրայ: Այստեղ եզակին զգում է շատ մեծ չափով ներգործական և երջանիկ և հպարտանում է իւր ստեղծագործութեան ուժով. ուժեղ է լինում և բացասող կողմը. նա չէտադարձ շարժման ընդունակ է դէպի անհաճելին, մարդկային բնութեան հակառակը և այլասեռած:

Հոգեկան այս նոր կեանքի կատարեալ տիրանալուն հետ միասին գալիս է մի դրութիւն, որը ոչ մի կերպ արդէն տեղի ունեցած աններդաշնակ ժամանակին չի համապատասխանում: Այժմ վերջնականապէս, գրգիռների ու զուգորդութիւնների, զգացումների ու ձգտումների այս նոր աշխարհի տատանող յաղթութիւնից յետոյ, բացւում է մի անցք դէպի նոր, փոփոխուած զոյութեան ամբողջական կենցաղի ժամանակաշրջանը:

Ի՞նչ ձևով է լինում այս: Այս հարցը, մեր այն մեկուսացած դրութիւնից, որը մեզ այս այս ժամում զբաղեցնում էր, դուրս է հանում և մղում է հետազօտելու հետեւեալ ժամում աւելի ընդհանուր սօցիալ-հոգեկան դէպքերը:

Pessimist

ԼԵԳԵՆԴՆԵՐ ՔՐԻՍՏՈՍԻ ՄԱՍԻՆ

Գ.

ԻՄԱՍՏՈՒՆՆԵՐԻ ԶՐՀՈՐԸ

Հին հրէական երկրում երեացել էր Երաշտը: Անգուլթ ու անողոք՝ անցնում էր նա չորացած խոտերի ու թառամած տատասկների միջով:

Ամառն էր: Արեգակն այրում էր լեռների մերկացած լանջերը, թոյլ քամին բարձրացնում էր կրէ փոշին բացմոխրագույն ճանապարհի վրայ, իսկ տօթից ուժասպառ եղած հօտերը ժողովուել էին տափաստանների վրայ գլուխուղ ցամաքած առուակների շուրջը:

Երաշտը թափառում էր այս ու այն կողմ և որոնում էր ջրոտ տեղեր: Նա դիմեց Սողոմոնի լճակը և տհաճութեամբ նկատեց, որ լճի մէջ բաւական ջուր կայ պահուած: Յետոյ նա գնաց դէպի վար, Դաւթի նշանաւոր ջրհորը, որ գտնւում է Բեթղեհէմի մօտ և այնտեղ էլ ջուր տեսաւ: Եւ, օրօրուելով, շարունակեց նա իւր ճանապարհը Բեթղեհէմից դէպի Երուսաղէմ:

Հասնելով ճանապարհի կիսին, նա տեսաւ իմաստունների ջրհորը, որ գտնւում էր ճանապարհի եզրին և իսկոյն նկատեց, որ ջրհորը ցամաքելու վրայ է: Երաշտը նստեց ջրհորի բերանի սալի վրայ և ցած նայեց: Զրի փայլուն մակերևոյթը, որ առաջ մինչև հորի բերանն էր հասնում, այժմ խիստ խորն էր իջել, իսկ ջրհորի յատակում գտնուող տիղմն ու ցեխը ջուրը դարձրել էին կեղտոտ ու պղտոր:

Երբ Երաշտի այրուած ու փոշեհար դէմքն երևեցաւ

ջրի աղօտ հայելու մէջ, ջրհորի խորքից լսուեցաւ մի ցաւազին ճղփիւն:

— Կուգէի իմանալ, — ասաց Երաշտը, — թէ երբ պէտք է հասնի քո վերջը: Հազիւ թէ գտնուեն աղբիւրներ, որոնք կարողանային կեանք տալ, վերակենդանացնել քեզ: Իսկ անձրևի մասին, փառք Աստուծոյ, դեռ մի երկու երեք ամիս մտածելն իսկ աւելորդ է:

— Հանգստացիր, — հռաչեց ջրհորը, — ոչ մի բան այլ ևս ինձ օգնել չէ կարող: Փրկել ինձ կարող է միայն դրախտի աղբիւրը:

— Ես չեմ հեռանալ քո մօտից, մինչև որ դու բոլորովին կը ցամաքես, — ասաց Երաշտը:

Նա տեսնում էր, որ հին ջրհորը շատ քիչ պիտի ապրի, ուստի ուզում էր զուարճանալ նրա մահուան տեսարանով, այլ և ուզում էր ուրախանալ այն բանով, թէ ինչպէս կեանքը կաթիլ-կաթիլ պիտի ձգէ նրան: Նա պընդացրեց իւր տեղը ջրհորի բերանի մօտ և սկսեց ուրախութեամբ աւանջ դնել նրա վերջին հառաչանքներին: Նահրճուում էր, երբ տեսնում էր, թէ ինչպէս ծարաւից տանջուած ճամբորդները մօտենում էին ջրհորին, գցում էին իրենց դոյլերը նրա մէջ և դուրս էին քաշում մի քանի կաթիլ պղտոր ու տղմոտ ջուր:

Այսպէս անցաւ մի ամբողջ օր և երբ մութը վրայ հասաւ, Երաշտը նորից նայեց ջրհորի մէջը: Խորքում դեռ ևս մի քիչ ջուր էր երևում: «Ես կը նստեմ այստեղ ամբողջ գիշերը, — բացականչեց նա: — Մի շտապիր, արևածագին ես նորից կը նայեմ և այն ժամանակ, կասկած չը կայ, որ ոչ մի կաթիլ ջուր մնացած չի լինիլ քո մէջ»: Եւ Երաշտը ծալապատիկ նստեց ջրհորի ծածկոցին: Վրայ հասաւ հրէական աշխարհին ցերեկից աւելի սոսկալի, տանջալից ու հեղձուցիչ գիշերը: Իւրաքանչիւր բոպէ լսում էր չաղաների ու շների ոռնոցը, որին իրենց հեղձուկախոռնկից ցաւազին պատասխանում էին ծարաւից ու ժամապառեղած էշերն ու կովերը: Երբեմնակի փշող քամին այրող

էր ու խեղդող, որպէս քնած հրէշի տաք ու ծանր շնչառութիւնը և ամենեին զովութիւն չէր տալիս բնութեանը:

Աստղերը փայլում էին իրենց ամբողջ գեղեցկութեամբ, իսկ նորածին լուսինը պատել էր մոխրագոյն բլուրները կանաչագոյն առկայծող լուսով: Եւ տեսաւ երաշտը, թէ ինչպէս մի մեծ քարաւան բարձրանում է այն բլուրի վրայ, որտեղ գտնւում էր իմաստունների ջրհորը:

Երաշտը ուշադրութեամբ նայեց ճամբորդներին և ուրախութիւնը տիրեց նրան, երբ մտածեց, որ ծառաւրյագեցնելու համար ջրհորի մօտ վազող այդ մարդիկ ոչ մի կաթիլ ջուր չեն գտնելու: Քարաւանի մէջ այնչափ շատ մարդիկ ու կենդանիներ կային, որ նրանք կարող էին դատարկել ջրհորը, եթէ նոյն իսկ լիքը լինէր նա: Յանկարծ նրան թուաց, որ մի ինչ-որ խորհրդաւոր և արտասովոր բան կար գիշերով ճանապարհորդող այդ քարաւանի մէջ: Բոլոր ուղտերը ասես յանկարծակի երևեցան բլրի վրայ, որ բարձր էր հորիզոնից: Կարծես նրանք իջել էին բլրի վրայ ուղղակի երկնքից: Լուսնի լուսով նրանք սովորականից աւելի խոշոր էին երևում և, թուի թէ, խիստ հեշտութեամբ էին տանում ծանր բեռը:

Բայց միևնոյն ժամանակ ոչ մի կասկած չէր կարող լինել, որ զրանք իսկական ուղտեր ու մարդիկ էին: Երաշտը կարողանում էր նոյն իսկ որոշել, որ առջևում գտնուող երեք կենդանիները ագնուացեղ միասապատ ուղտեր էին և ունէին մոխրագոյն փայլուն բուրդ: Նրանք խիստ հարուստ սարք ու շքեղ ծածկոյթներ ունէին, իսկ նրանց թամբերի վրայ նստած օրօրւում էին երեք գեղեցկատեսիլ ու ագնուազարմ հեծուորներ:

Քարաւանը կանգ առաւ ջրհորի մօտ, ուղտերը երեքն էլ ծունկ իջան ու վար իջեցրին հեծուորներին: Բեռնաւորուած ուղտերը կանգնած մնացին, նրանց մօտեցան ուրիշ ուղտեր և շուտով գոյացաւ մի հսկայական զանգուած, որտեղ երկար պարանոցները, սապատներն ու վարպետօրէն կապկպած բեռները խառնուել էին իրար:

Երեք հոգին մօտեցան Երաշտին և գլուխ տուին նրան, ըստ արևելեան սովորութեան՝ դնելով իրենց աջ ձեռքը ճակատին և կրծքին։ Նա տեսաւ, որ նրանք հագած էին ձիւնի նման ճերմակ շորեր և նոյն գոյնի գլխի ահագին փաթթոցներ ունէին, որոնց վրայ փայլում էին՝ կարծես ուղղակի երկնքից իջեցրած՝ ճաճանչաւոր աստղեր։

—Մենք հեռու երկրիցն ենք եկել,—ասաց օտարազաններից մէկը,—և խնդրում ենք, ասա մեզ, յիշաւի՞ մեր առաջ իմաստունների ջրհորն է։

—Այսօր նա դեռ այդպէս է կոչւում,—պատասխանեց Երաշտը,—բայց վաղն արդէն այստեղ ջրհոր չի լինիլ։ Նա այս գիշեր կը ցամաքի։

—Այդ հասկանալի է, որովհետեւ դու այստեղ ես,—ասաց ճանապարհորդը։—Բայց միթէ դա այն սրբազան ջրհորներից չէ, որոնք երբէք չեն ցամաքում։ Այլապէս ինչո՞ւ է կրում նա այդ անունը։

—Ես գիտեմ, որ դա սրբազան ջրհոր է, ասաց Երաշտը,—բայց ի՞նչ նշանակութիւն ունի այդ։ Այն երեք իմաստունները, որոնցից այս ջրհորը ստացել է իւր անունը, չէ՞ որ վաղուց արդէն դրախտումն են։

Ճամբորդները լռելեայն իրար նայեցան։

—Բայց դու գիտե՞ս այս հին ջրհորի պատմութիւնը,—հարցրեց նրանցից մէկը։

—Ես գիտեմ բոլոր ջրհորների, գետերի, առուների և աղբիւրների պատմութիւնը,—հպարտութեամբ պատասխանեց Երաշտը։

—Բարեհաճեցէք պատմել մեզ համար իմաստունների այս սրբազան ջրհորի պատմութիւնը,—խնդրեցին օտարազանները։

Եւ, նստելով Երաշտի՝ ամեն մի կենդանի շնչի այդ հին թշնամու շուրջը, նրանք պատրաստուեցան լսելու։

Երաշտը հագաց, շտկուեց, որպէս հեքիաթաբան, իւր բարձր նստարանի վրայ և սկսեց իւր պատմութիւնը։

«Միդիայում մի քաղաք կայ, Հաբէշ անունով, որ

գտնուում է ուղիղ անապատի մէջ և որտեղ ես սիրում եմ ապրել: Այդտեղ, սրանից երկար տարիներ առաջ, ապրում էին երեք հոգի, որոնք յայտնի էին որպէս իմաստուն մարդիկ: Նրանք շատ աղքատ էին, մի բան, որ կարող էր անհաւատալի երեւալ Հաբէշի համար, որտեղ գիտութիւնը խիստ յարգի է և լաւ վարձատրւում է: Բայց այդ մարդիկ ուրիշ կերպ լինել չէին կարող. նրանցից մէկը չափազանց ծեր էր, միւսը հիւանդ էր բորոտութեամբ, իսկ երրորդը սև խափշիկ էր, հաստ շրթունքներով: Շըրջապատողները առաջինին համարում էին խիստ ծերացած, այնպէս որ կորած ու անօգուտ էին կարծում նրա իմաստութիւնը, երկրորդից խուսափում էին, սոսկալով վարակուելուց, իսկ երրորդին լսել անգամ չէին ցանկանում, որովհետև մարդիկ Հաբէշում համոզուած էին, որ Նթովպիայից ոչ մի իմաստուն միտք չի կարող դուրս գալ:

Կարիքը բարեկամացրել էր երեք իմաստուններին: Ցերեկով նրանք ողորմութիւն էին հաւաքում տաճարի միւսնոյն դռների մօտ, իսկ գիշերները քնում էին միւսնոյն տանիքի վրայ: Չը բաժանուելով իրարից, նրանք գոնէ, կարողանում էին մի կերպ անցկացնել ժամանակը, հաղորդելով իրար կեանքի ու մարդկանց մասին իրենց արած դիտողութիւնները:

Մի անգամ գիշերը, երբ նրանք կողք-կողքի պառկած էին տանիքի վրայ, որ խօսուէն ծածկուած էր խաշխաշի կարմիր ծաղիկներով, նրանցից Աւազը զարթնեց և հազիւ բացել էր աչքերը, որ սկսեց վերկացնել միւսներին:

—Օրհնեալ լինի մեր աղքատութիւնը, որ ստիպում է մեզ բաց օդի մէջ քնել,—բացականչեց նա:—Չարթեցէք և նայեցէք երկնքին:

Այդ այնպիսի մի գիշեր էր,—ասաց Երաշտը մի քիչ մեղմելով իւր ձայնը,—որ ոչ ոք չի կարող մոռանալ: Այնպէս լոյս էր, որ սովորաբար մութ երկնակամարը թւում էր խորը և թափանցիկ և ալեկոծւում էր ծովի նման: Լոյսն երերւում էր, իսկ աստղերը, կարծես, լողում էին

երկնքի խորութեան մէջ՝ ոմանք նրա փայլուն ալիքներում, իսկ ոմանք այդ ալիքների մակերևոյթի վրայ:

Եւ երեք իմաստունները նայելով երկնքին, նկատեցին այնտեղ մի փոքրիկ բիծ, որ ցած էր թռչում երկնքի բարձունքից աղեղից արձակուած նետի նման: Քանի մօտենում էր նա, լուսաւորւում էր բացուող վարդինման, — թառամէն բոլորը վարդերը... Բիծը շարունակ մեծանում էր, նրա մութ մասերը չքանում էին և ահա, առաջին շորս թերթիկները վառ կերպով լուսաւորուեցան:

Վերջապէս մերձենալով ամենամօտիկ աստղին, բիծը կանգ առաւ: Այն ժամանակ նրա մութ ծայրերը բոլորովին թեքուեցան մի կողմ և թերթիկ-թերթիկի յետևից բացուեց մի հիանալի աստղ, որի վարդագոյն փայլի առաջ նսեմացան երկնակամարի մնացած բոլոր աստղերը: Երբ խեղճերը տեսան այդ, նրանք իրենց իմաստութեան զօրութեամբ հասկացան, որ այդ ժամին երկրիս վրայ ծնուել է մի թագաւոր, որը իւր փառքով նսեմացնելու է Կիւրոսի կամ Ալէքսանդր մեծի փառքը: Եւ նրանք ասացին իրար. «Գնանք նորածնի ծնողների մօտ և պատմենք մեր տեսածը: Շատ կարելի է նրանք դրա փոխարէն կը վարձատրեն մեզ մի քսակ ոսկով, կամ կը նուիրեն մեզ ոսկեայ ապարանջան»:

Նրանք վերցրին իրենց երկայն ցուպերն ու ճանապարհ ընկան: Դուրս գալով քաղաքից, նրանց կանգ առան անվճռականութեան մէջ քաղաքային դռների մօտ. նրանց առաջ ընկած էր մեծ անապատը, որ սարսափ էր ազդում մարդկանց: Բայց նայելով նրան, նրանք նկատեցին, որ նոր աստղից մի նեղ շերտ ընկել է անապատի վրայ և կարծես հրաւիրում է նրանց հետևելու իրեն: Եւ նրանք վստահութեամբ շարունակեցին իրենց ճանապարհը, հետևելով իրենց առջևից վազող այդ լոյսի շերտին: Ամբողջ գիշերը, խօսելով նորածին մանուկ թագաւորի մասին, նրանք գնում էին անծայր ու աւագոտ տափարակով: Նրանք, անկասկած, կը գտնեն նրան ոսկեայ օրօրոցի մէջ

Թանգագին ակնեղէնների հետ խաղալիս... Եւ գիշերն անցնում էր աննկատելի խօսք ու զրոյցի մէջ, թէ ինչպէս Թագաւորն ու Թագուհին, նորածնի ծնողները, դուրս կը գան նրանց առաջ, իսկ իրենք կասեն նրանց, թէ երկինքը գուշակում է նրանց որդուն կարողութիւն և հօգորութիւն, գեղեցկութիւն և երջանկութիւն, որի հետ նոյնիսկ Սողոմոնի երջանկութիւնը համեմատութեան դնել չի կարելի:

Նրանք պարծենում էին, որ Աստուած իրենց է ընտրել ու ցոյց տուել հրաշայի աստղը: Իհարկէ, ասում էին նրանք, մանկան ծնողները կը տան մեզ առնուազն քսան քսակ ոսկի, իսկ շատ կարելի է, կը նուիրեն այնպիսի մի ընծայ, որով ընդ միշտ մենք ազատուած կը լինենք ազատութիւնից ու զրկանքներից:

Ես պառկած էի անսպասում այնպէս, ինչպէս առիւծն է իւր զոհին դարանամուտ լինում,— շարունակեց Նրաշտը,— այնպէս ցանկանում էի տանջել ծարաւով և ընդհատել նրանց ճանապարհորդութիւնը: Բայց նրանք իմ ձեռքից պրծան: Ամբողջ գիշերը առաջնորդում էր նրանց աստղը, իսկ առաւօտեան, երբ լոյսը բացուել էր և միւս աստղերը մարել էին, նա շարունակում էր փայլել և լուսաւորել անապատը, մինչև որ հասցրեց նրանց մի օազիսի, որտեղ նրանք գտան աղբիւր և արմաւենիներ: Նրանք հանգստացան այնտեղ ամբողջ օրը, իսկ մութը վրայ հասնելուն պէս, նորից վարդագոյն լուսով փայլեց աստղը և, լուսաւորելով իմաստունների ճանապարհը, տարաւ նրանց դէպի առաջ: Մարդկային կարծիքով,— շարունակեց Նրաշտը,— դա մի հիանալի ճանապարհորդութիւն էր: Աստղը այնպէս առաջնորդում էր նրանց, որ նրանք չէին նեղւում ոչ քաղցից և ոչ ծարաւից: Նա տանում էր նրանց ծակծկող թփերի կաղքով, հեռու էր պահում նրանց վտանգաւոր աւազուտներից, պահանում էր այրող արևից և անապատի խեղդող մրկից: Իմաստունները շարունակ կրկնում էին. «Աստուած պահպանում է մեզ... Նա օրհնում է մեր ուղին, մենք նրա

դեսպաններն ենք».. Բայց ես, իրենց համար իսկ աննկատելի կերպով՝ արդէն իշխել էի նրանց վրայ և մի քանի օրից յետոյ այդ ճամբորդների սիրտը դարձաւ անապատ, նոյնչափ անկենդան, որչափ այն անապատն էր, որով անցնում էին նրանք: Նրանց հոգին լցուել էր անպտուղ հրպարտութեամբ և շահասիրութեան թոյնով:

«Մենք Աստուծոյ դեսպաններն ենք,—կրկնում էին նրանք:—Նորածին թագաւորի հայրը պարտաւոր է նուիրել մեզ առնուազն ոսկով բռնաւորուած մի քարաւան»...

Վերջապէս աստղը հասցրեց նրանց հռչակաւոր Յորդանան Գետը և ապա, դէպի վեր՝ հրէական երկրի բլուրների մօտ: Եւ մի անգամ, գիշերով, նա կանգառաւ Բեթղեհէմ անունով մի փոքրիկ քաղաքի վրայ, ուր ճրագներ լոյսն երևում էր կանաչագարդ Ձիթենիների միջից, որոնցով ծածկուած էր ժայռոտ բլուրը:

Ճանապարհորդների հայեացքը փնտրում էր շքեղ պալատներ, հոյակապ աշտարակներ, անմատչելի պարիսպներ... Բայց ոչ մի բանից չէր երևում, որ դա թագաւորանիստ քաղաք է: Ամենից վատն այն էր, որ աստղը նրանց նոյն իսկ քաղաքի ներսը չէր առաջնորդում, այլ կանգ էր առել ուղղակի ճանապարհի մօտ գտնուող մի ինչ-որ խղճուկ այրի վրայ: Նրա քնքոյշ ճառագայթները հասնում էին այրի մուտքին, և երեք իմաստունները, նայելով այրի խորքը, տեսան մի մանկան, որ հանգիստ քնած էր մօր ծնկներին:

Եւ, թէև իմաստունները տեսան, որ լուսոյ մի փայլուն պսակ կապել էր մանկան գլուխը, սակայն նրանք տարակուսանքի մէջ կանգնած էին մնացել մուտքի առջև: Նրանք չը մտան այրը, որպէզի նախազուշակեն մանկանը փառք և թագաւորութիւն: Նրանք շուռ եկան և, աշխատելով աչքի չընկնել, ցած իջան բլրի վրայից:

«Միթէ մենք ուղարկուած էինք մեզ նման աղքատ ու չնչին մարդկանց մօտ,—ասում էին նրանք:—Միթէ Աստուած բերաւ մեզ այստեղ, որ մենք, ուրիշներին մեզ

վրայ ծիծաղեցնելու համար գուշակենք մի որ և է հովուի երեխային պատիւ ու փառք: Այդ երեխան իւր ամբողջ կեանքում ոչխարներ պիտի արածացնէ դաշտումս:—Ներաշտը լուեց և շարժեց գլուխը, կարծես թէ դրանով հաստատելով իւր խօսքերը: Միթէ ես ճիշտ չէի ասում,— կարծես հարցնելիս լինէր նա:— Անապատի աւազից աւելի անկենդան բաներ կան, բայց մարդկային սրտից աւելի անպտուղ ոչինչ չը կայ աշխարհիս երեսին:

—Նրեք իմաստունները երբ մտածեցին, որ թերևս իրենք սխալուել են և կորցրել աստղի ցոյց տուած ճանապարհը,— շարունակեց Նրաշտը,— մի քիչ հեռացան և աչքերը վերև բարձրացրին, որպէսզի աստղին նայելով, գտնեն ուղիղ ճանապարհը: Բայց աստղը, որ բերել էր նրանց արևելքից, արդէն անյայտացել էր երկնքի վրայից:

Նրեք օտարականները, որ ուշադրութեամբ լսում էին Նրաշտի պատմութիւնը, այս խօսքերի վրայ ցնցուեցան, իսկ նրանց դէմքին արտայտուեց խորին տանջանք:

—Այդ ժամանակ, շարունակեց Նրաշտը,— պատահեց մի վերին աստիճանի ուրախալի բան, եթէ դատենք այնպէս, ինչպէս առհասարակ մարդիկ են դատում: Չը տեսնելով մեծ աստղը, իմաստուններն, իհարկէ, իսկոյն հասկացան, որ մեղք են գործել Աստծոյ առաջ: Նւրանց էլ պատահեց այն,— շարունակեց զգուանքից ցնցուելով Նրաշտը,— ինչ որ պատահում է աշնանը երկրի հետ, երբ հասնում է անձրևների ժամանակը: Նրանք դողում էին սարսափից, որպէս երկիրն է դողում կայծակի հարուածներից և ամպերի որոտումից: Նրանք բոլորովին ընկճուեցան և նրանց սրտին տիրեց հեզութիւնը, ինչպէս գարնանը բսնում է առաջին կանաչը...

Նրեք օր ու գիշեր նրանք թափառում էին այդ երկրի մէջ և որոնում մանկանը, որին երկրպագելու համար բերել էր նրանց հրաշալի աստղը: Բայց նա չէր երևում գիշերուայ խաւար երկնքում: Նրանք հետզհետէ աւելի և աւելի կորցնում էին ճանապարհը և աւելի սաստիկ տի-

րում էր նրանց թախիծը: Երրորդ գիշերը նրանք մօտեցան այս ջրհորին, որ յագեցնեն իրենց ծարաւը: Այդ ժամանակ Աստուած խղճաց նրանց և ներեց նրանց մեղքը: Կռանալով ջուր խմելու, նրանք տեսան ջրհորի խորքում իրենց առաջնորդող աստղի դողդոջիւն ցոլքը: Նրանք ուրախացած բարձրացրին գլուխները դէպի վեր—աստղը առաջուայ նման փայլում էր, իսկ նրա վարդագոյն ճառագայթը նորից առաջնորդեց նրանց դէպի Բեթղեհէմում գտնուող այրը: Այնտեղ նրանք մանկան առաջ ընկան երեսի վրայ և ասացին. «Մատուցանում ենք քեզ խնկով ու հալուէով լի ոսկեայ գաւաթներ: Դու պէտք է լինես ամենամեծ թագաւորը, որ երբ և է եղել է աշխարհիս ստեղծագործութիւնից ի վեր: Ողջունում ենք քեզ, Արքայդ աշխարհի, մեր խոնարհագոյն պարգևներով»:

Մանուկը դրեց իւր ձեռքը նրանց խոնարհեցրած զրուխների վրայ և երբ նրանք բարձրացրին իրենց զրուխները, յայտնի եղաւ, որ նա վարձատրել է նրանց աւելի մեծ պարգևներով, քան որ կարող էր տալ ամենահզօր թագաւորն անգամ: Ծերունի իմաստունը դարձել էր մի առոյգ երիտասարդ, բոլորտն առողջացել էր, իսկ խափշիկը փոխուել սպիտակամորթ ու գեղեցիկ տղամարդու: Եւ ասում են, որ հայրենիք վերադառնալուց յետոյ, նրանցից իւրաքանչիւրը իւր երկրում թագաւոր դարձաւ:

Երաշտը վերջացնելով իւր պատմութիւնը, լռեց, իսկ օտարականները գովեցին նրա պատմածը: «Դու լաւ պատմեցիր,—ասաց նրանցից մէկը,—բայց ինձ զարմացնում է, որ երեք իմաստունները ոչինչ չեն անում այն ջրհորի համար, որի շնորհիւ նրանք գտել են իրենց առաջնորդող աստղը: Մի՞ է նրանք մոռացել են այդ լաւութիւնը»:

«Մի՞թէ այս ջրհորը մշտապէս չի մնալու այստեղ,—ասաց միւս օտարականը,—որպէսզի յիշեցնի մարդկանց, թէ ինչպէս երջանկութիւնը, որ կորչում է հպարտութեան բարձունքներում, նորից ձեռք է բերւում հեզութեան մէջ»:

«Միթէ մեռածները վատ են կենդանի մնացածներից,
—ասաց երրորդը:—Միթէ շնորհակալութիւնը մեռնում է
նրանց մէջ, որոնք կենում են դրախտում»:

Հսելով նրանց խօսքերը, Երաշտը վայնասուն բարձրա-
ցնելով մի կողմ փախաւ եկուորների մօտից: Նա հասկա-
ցաւ, թէ ովքեր էին այդ ճանապարհորդները: Եւ, խելա-
գարի նման նա սկսեց փախչել, որպէսզի չը տեսնի, թէ
ինչպէս երեք իմաստունները պիտի կանչեն իրենց ծա-
ռաներին, բարձրացնեն բլրի վրայ ջրի տկերով բեռնաւո-
րուած ուղտերին և ինչպէս պիտի լցուի խղճուկ ու ցամա-
քած ջրհորը դրախտից բերուած ջրով...

Թարգմ. ԱՐՄԷՆ ՍԱՐԿ. ԵՒ ՆԻԿ. ՏԷՐ-ՄԱՆՈՒԷԼԵԱՆ

ԱՄՍՈՒԱՅ ՏԵՍՈՒԹԻՒՆ

ԱԼԲԱՆԱԿԱՆ ԽՆԴԻՐԸ

Տաճկաստանի անկիւններից մէկում-լեռնային Ալբանիայում տաճիկ կառավարութեան ընթացքից անբաւական Ալբանացիք ապստամբել են զէնքով պահպանելու իրենց աւանդական սովորութիւնների անկախութիւնը: Թէ ինչպէս կվերաբերուի տաճիկ նոր կառավարութիւնը մասսայական ապստամբութեան, բնականաբար ունի իւր նշանակութիւնը: Պարզ է նոյնպէս, թէ ինչու ալբանական հարցով և առհասարակ Տաճկաստանի ներկայ վիճակով հետաքրքրուող քաղաքագէտներն ու մասնագէտները առանձին ուշադրութեամբ են հետևում ալբանացիների վերջին ապստամբութեան: Տաճիկ ներկայ կառավարութեան և ալբանացիների ձգտումների մէջ եղած սկզբունքների տարբերութիւնը բաւական շոշափելի է, և այդ պատճառների վերացման գործը աւելի դժուար է, քան կարող է իրագործել մի ռազմական արշաւանք:

Русск. Вѣд. լրագիրը առաջ է բերում յայտնի արևելագէտ Ռէնէ Պինոնի Revue des Deux Mondes-ում տպագրած յօդուածից ալբանացիների հետևեալ բնորոշումը:

«Ալբանացիք Թերես Եւրոպայի մի հատիկ ցեղն են ներկայացնում, որը անցնելով պատմութեան շրջանը, չի ենթարկուել փոփոխութեան: Նրանք հին պէլասգների սերունդ են, և ապրում էին իրենց լեռներում դեռևս այն ժամանակ, երբ դեռ պատմութիւն չկար: Նրանց նկարագրութիւնը, որ մենք գտնում ենք Հերոդոտոսի մօտ, չի կորցրել իւր նշանակութիւնը և այժմ. Աքիլէսը իւր փայլուն և մասամբ պարծենկոտ քաջութեամբ իւր յամառ և վրէժխնդիր բնոյթով կարող է ներկայ ալբանացու նախապատկերը համարուել. Աղէքսանդր մեծը—նոյնպէս ալբանացի էր և այն «Մակեդոնական լեզուն», որով նա էր խօսում, երբ զայրանում էր ոչ այլ ինչ էր, եթէ ոչ այժմեան ալբանական լեզուն. որը տարբերում է հին մակեդոնականից գլխաւորապէս տաճիկ, յոյն և զանազան սլաւոն լեզուներից վերցրած բառերով»:

Տաճկական տիրապետութիւնից յետոյ, ինչպէս յայտնի է, ալբանացիների մեծ մասը ընդունեց մահմեդականութիւն (1,115,000 իսկական Ալբանիայում բնակուող ալբանացիներից 790,000 դաւանում է մահմեդականութիւն, 240,000 ուղղափառ հաւատ, 85—կաթոլիկ):

Բայց նրանք Իսլամը ընդունել են միմիայն նրա համար, որպէս զի պահպանեն իրենց արտօնեալ վիճակը, իսկ ընդհանրապէս, մասսայում խիստ անտարբեր են զէպի կրօնը:

«Ալբանացիք, ասում է Ռէնէ Պինոնը, իրենց պահում են իբրև հաւատացող մահմեդական, բայց նրանք բոլորովին ծանօթ

չեն դուրանի հետ: Նրանց կրօնը տարօրինակ խառնուրդ է Իսլամի և քրիստոնէականութեան: Նրանք յարգում են ս. Նիկողայոսին և ս. Դէոդէին, և երբ մօլլանանգօր է բժշկել նրանց հիւանդ զաւակը, ալքանացին իւր զաւակը տանում է մօտակայ քրիստոնեայ քահանայի: Ալքանական ժողովրդի հասարակական կեանքի սկզբունքներն ու սովորոթները այժմ մնում են նոյնը, ինչպիսին մենք գտնում ենք աստուածաչնչի Հոմերոսի ժամանակները լեռնական և խաշնարած ցեղերի մօտ. նրանք կազմակերպուած են ցեղերի և կլանների: Սոցիալական կազմակերպութեան հիմքը — ընտանիքն է, որի ընդարձակումը ստեղծում է կլան: Դատական ատեանը ընտանիքների գլուխներից կազմած ժողովն է. նրանց մօտ մինչև այժմ գոյութիւն ունի լէւիրատը: Արեան վրիժառութիւնը գործադրւում է ամենալայն չափով և այն աստիճան պարտաւորական է համարւում, որ Ալքանական կեանքի ուսումնասիրողները վկայութեամբ, տղամարդկանց 100 մահից 70-ից ոչ պակաս բռնազբօսիկ մահ է:

Մինչև Տաճկաստանի յեղափոխութիւնը ալքանացիք սուլթանների ամենահաւատարիմ պաշտպաններն էին, ինչու և սուլթանները հաշտւում էին այն հանգամանքի հետ, որ ալքանացիք ոչ մի պետական իշխանութիւն չէին ճանաչում: Այնուամենայնիւ սկզբում ալքանացիք միացան երիտասարդ թուրքերի հետ, երբ վերջինները բացարձակ կերպով սկսեցին գործել Մակեդոնիայում: Շահնշահի հաւատարիմ ծառաները և տաճիկ սահմանադրականները միատեսակ էին ոգևորուած ատելութեամբ դէպի Եւրոպացիք և Եւրոպական սպաները, որոնք ուղարկուած էին Մակեդոնիա, իրագործելու բարեփոխութիւնները: Ալքանացիք համոզուած էին, որ «սահմանադրութիւնը» Տաճկաստանը կփրկի օտար երկրացիներից, իսկ այն հանգամանքի մասին, թէ նոր կազմը կարող է անբարեյաջող կերպով արտայայտուել իրենց արտօնութիւնների վրայ, չէին մտածում: Տաճիկ սահմանադրութիւնը յայտարարելու սկզբին, երբ երիտասարդ թուրքերը Մալոնիկում և Կ. Պօլսում արծարծում էին այն միտքը, թէ Տաճկաստանում այլևս չը պիտի լինի ոչ թուրք, ոչ բուլղարացի ոչ հայ և ոչ ալքանացի, մահմեդական կամ քրիստոնեայ, բայց պիտի լինին միմիայն հաւասար օտտոման քաղաքացիք, հաւատարիմ Սուլթանին և սահմանադրութեան, ալքանական նացիոնալիստները Ալքանիայի պետական հաստատութիւններում ալքանական լեզուի մտցնելու, ալքանական դպրոցներ բանալու պահանջները դրին Մոնաստերում եղած համազումարին արաբական գրի մտցնելու դէմ և լաթինականի պահպանելու կողմնակիցն էին: Աւելի լուրջ արժեք ունեցող Ալքանիայում, երբ Սուլթան Աբդուլ-Համիդը գահընկէց էր արած և կոնտր-յեղափոխութեան մասնակցող ալքանացիք մահուան պատժի էին ենթարկուած: Յուզումը սաստկացաւ, երբ 1909 թ. Սկիւթարիի նոր վալի Բէդրի փաշան ժողովեց ալքանական դեկամբրներին և յայտարարեց նրանց, որ կառավարութիւնը որոշել է ժողովրդագիր կատարել:

Ալքանացիք և մանաւանդ մահմեդականները բողոքեցին, որով-

հետև ժողովրդագրութեան մէջ նրանք նոր հարցերի և ընդհանուր զինուորական ծառայութեան կասկածելի միջոցն էին նախատեսում: 1908 թ. հիւսիսային Ալբանիայից Սալոնիկ պատգամաւորութիւն էր եկել, որը ներկայացրեց հետեւեալ պահանջները՝ պահպանել աւրանական արտօնութիւնները, արգելել ոչ մահմեդականներին և մահմաւանդ սերբերին զէնք կրել, վերականգնել շարիաթի գործածութիւնը, բանալ պետական դպրոցներ այրանական լեզուով դասաւանդութեամբ և մահմեդական կանանց դրութիւնը թողնել անփոփոխ: Տաճիկ կառավարութիւնը այն ժամանակ այդ պահանջներին պատասխանեց հիւս Ալբանիա զօրք ուղարկելով Ջավիդ փաշայի հրամանատարութեամբ: Արշաւանքը խորտակեց շատ կուր-եր (ամրոցի մի ձև), վոնդից ալբանացի ղեկավար Իսսու Բոլինացուն, Արդիւլ-Համիդի արքանեակին և սահմանադրութեան և սահմանադրութեան հակառակորդի, նոր հարկեր սահմանեց ևն: Այդ հալածանքները արգելք չեղան Դիբրով 1909 թ. յուլիսին եղած համագումարին նոր պահանջներ դնելուն, որոնք Ալբանիայի ինքնավարութեան իրագործման էին վերաբերում:

Այսպիսով ալբանացիք անրաւական են տաճիկ նոր ուժի միջ գլխաւորապէս այն պատճառով, որ այդ ուժի մը նրանց համար առաջ բերեց նախ նոր հարցեր և ընդհանուր զինուորական ծառայութիւն: Ամփոփելով երիտասարդ թուրքերի վերաբերմունքը զէպի ալբանական շարժումը, Պինոնը դալիս է այն եզրակացութեան, թէ ալբանացոց դէմ *) եռանդուն ճնշող միջոցները բոլորովին անօգուտ կլինին. «Միմիայն տակտիկան, որը հիմնուած է համբերութեան վրայ, ասում է Պինոնը—կարող է լաւ արդիւնք տալ: Անհրաժեշտ է նախ նոր խճուղիներ և երկաթուղիներ անցկացնել Ալբանիայում:

Ալբանացին աղքատ է. «ալբանական ձևով ճաշել» դարձուածքը Մակեդոնիայում կնշանակի կիսասոված ճաշել: Պէտք է ալբանացուն մի փոքր հարստացնել, պէտք է նրան աշխատանքի սովորեցնել: Ալբանացին կամ քոչում է և կամ անգործ մնում. պէտք է նրան իւր երկրում պահել, սովորեցնելով նրան օգտուել իւր անտառներից, դաշտերից, օգնելով վաճառել նրա արդիւնաբերութեան արդիւնքը: Ալբանացին տգէտ է, պէտք է նրան դպրոցներ տալ: Նախ քան որևէ բան պահանջել նրանից, պէտք է նրան շատ բան տալ. լաւ կառավարուող Ալբանիան Եւրոպական Տաճկաստանի համար կարող է դառնալ թանկագին աղբիւր. մարդկանց, հարստութեան և եռանդի, իսկ վատ կառավարութեան շնորհիւ Ալբանիան կարող է մի ժայռ լինել, որից նոր Տաճկաստանը կարող է փշրուել»:

Բայց ալբանական ղէպերը քննելիս ՚ի նկատի պիտի ունենալ և այն, որ ալբանական խնդիրը լուծելը կախում ունի ոչ միայն Տաճկաստանից և ներքին ոյժերի մաքառումից: Մեծ նշանակութիւն ունի և այն հանգամանքը, որ այնտեղ հանդիպում են Աւստրիայի և Իտալիայի շահերը: Աւստրիան ձգտում է ղէպի Մակեդոնիա, իսկ Իտալիան ղէպի ալբանական եզիրքը. թէ ինչ կերպարանք կստանայ այդ երկու պետութիւնների մի կողմից և Տաճկաստանի միւս կողմից շահերի ընդհարումը, ներկայ հանգամանքներում գուշակել մի փոքր դժուար է:

*) Իսկ մենք կասենք, որ բոլոր ցեղերի դէմ: Խմբ.

ԱԼԷՔՍԱՆԴՐ ԾԱՏՈՒՐԵԱՆ

Cuique suum.

Ապրիլի 24-ին Մոսկուայում պիտի տօնուի մեր համակրելի բանաստեղծ Ալ. Ծատուրեանի գրական գործունէութեան 25-ամեայ յօբելեանը։ Զարմանալի համեստ քնաւորութեամբ, Ծատուրեանը նոյնչափ համեստ է իւր գրչով, իւր քնարով։ Մեծ ջանք էր հարկաւոր բարեկամների կողմից համոզելու նրան, որ չը հրաժարուի յօբելեանական տօնախմբութիւնից, որ դա նրա մասնաւոր գործը չէ, այլ հասարակութեան լիակատար իրաւունքն է տօնել, գնահատել կամ չը գնահատել իւր գործիչներին։ Արդէն ընտրուած է յատուկ յանձնաժողով, որը և պատրաստութիւններ է տեսնում յօբելեանի համար։

Ալ. Ծատուրեանը ծնուել է Զաքարթալայում 1864 թուին։ Նա աւարտել է տեղական քաղաքային դպրոցը և հէնց այդ պաշարով հանդէս եկել մեր գրականութեան մէջ։ Սակայն երկար տարիներ պարելով Մոսկուայում, նա պարապել է ինքնակրթութեամբ և լրացրել դպրոցի պակասը։ Առաջին յօդուածը Ծատուրեանը գրել է «Մեղուի» մէջ. այնուհետև նա երկար ժամանակ աշխատակցել է «Նոր-Դարին», «Մշակին», «Հանդէս Գրական և Պատմականին», «Աղբիւրին», «Մուրճին», «Крымскій Курьеръ»-ին և այլ բազմաթիւ հանդէսների ու լրագրների։

Առանձին գրքով լոյս են տեսել երեք հատոր նրա ինքնուրոյն բանաստեղծութիւնները և երկու հատոր թարգմանականները (մեծ մասամբ ռուս բանաստեղծներից). բացի այդ, նրա ինքնուրոյն բանաստեղծութիւններից շատերը թարգմանուած են ռուսերէն և լոյս են տեսել «Вѣстникъ Европа», «Дѣло», «Братская помощь» և այլ հանդէսների ու ժողովածուների մէջ։

Տալով Ծատուրեանի գրական գործունէութեան curriculum vitae-ն և սպազային թողնելով աւելի հանգամանօրէն խօսելու այդ վաստակաւոր, բայց համեստ գրականի մասին, մինք յոյս ենք տաւով, որ հայ հասարակութիւնը, և մանաւանդ Մոսկուայի հայ հասարակութիւնը, որի մէջ երկար տարիներ ահա ապրում է բա-

Նաստեղծը, — ըստ արժանւոյն կը գնահատէ ու կը վարձատրէ իւր մշակին գոնէ նրա յօքելեանի օրը, իսկ վարձատրութեան, մանաւանդ նիւթական վարձատրութեան՝ Ծատուրեանը ահագին կարիք ունի, իբրև մշտահիւանդ, ծիւրուած, անապահով, (ինչպէս բոլոր հայ գրողները) հայ գործիչ: *Guigue suum!*

Մոսկուա, 1910 թ. 3 ապրիլի.

Ն. Ս. Տէր-Մանուէլեան

ՅԱՐԳԵԼԻ ԽՄԲԱԳԻՐ

Այս նամակը, որ ուղարկուած լինելով «Նոր-Դպրոց» ամսագրին իբրև նոյն ամսագրի մէջ ինձ ուղղած նամակի պատասխան, և որը յիշեալ խմբագրութիւնը, չկտմենալով դիպչել իւր խմբագրի անձեռնմխելիութեան, բարեհաճեց ի վստահմանովարժութեան մէջ գիտութեան նոր հոսանքի՝ չտպալարել, խնդրեմ՝ զետեղէք...

«Լուսայ» ամսագրի մէջ:

1910 թ. 3 Մայիսի

Թիֆլիս

ՊԱՏԱՍԽԱՆ Պ. ՏԵՐ-ՄԻՐԱՔԵԱՆԻՆ

Ձեր խմբագրութեամբ լոյս տեսնող «Նոր Դպրոցի» ներկայ տարուայ № 3-ում մի նամակ էք ուղղել ինձ: Կարդացի Ձեր անգոր տողերը. Դուք փաստեր չունէք յօդուածիս օրէն կէտը նսեմացնելու: Դիտմամբ յօդուածիս սկիզբը չհասկանալու էք դրել: Բայց ինչ կայ անհասկանալի. իմ գործիքը տասնորդական սիստեմի է, Ձեր հաւանածը միաւորական սիստեմի, որի գործածութեան վստահարութիւնը դեռ չէք կարողանում գիտակցել: Այդպիսի տրամադրութիւն ունենալով՝ ինչպէս կարող էք իմ թուարանական գործիքի նշանակութիւնը և դիրքը որոշել:

Յօդուածները իւրի յատկութիւն հօ չունին, որ մի պատառ վերցնելով՝ նրա արժէքը գնահատէք: Միամիտ ընթերցողին յօդուածիցս մի կէտ պօկած ցոյց տալով՝ ուզում էք հաւատացնել, որ ամբողջ յօդուածը սխալ է: Ընդհակառակը, Ձեր այդ վարմունքով ցոյց տուիք, որ անձեռնհաս էք լուրջ ու հիմնաւոր կերպով պատասխանել յօդուածիս գլխաւոր կէտերին:

Ձեր յօդուածից ուղարկութեան էի առել այս բառերը. «Լուրի, սիսիւ... գծիկներ, շրջանակներ»... (սիսեռ բառից յետոյ պէտք է լինէր բաղմակէտ, չգիտեմ ինչո՞ւ տպագրութեան միջոցին դուրս է մնացել*): Դուք գնական միջոցների տեսակները համարելով՝ առաջին տեսակի մէջ յիշել էիք լօքի և այլն. երկրորդ տեսակից՝

*) Նոր-Դպրոցի № 2-ում տպուած իմ յօդուածի մէջ առաջ են եկել հետեալ սխալները 71-րդ երեսում, 4-րդ տողում «անպատրաստէ» բառի տեղ պէտք է լինէր «պատրաստ է», 65-րդ երեսում «թւարանութեան մուկ աշխարհն է» դրա տեղ պէտք է լինէր «թւարանութեան մուկ հասկացողութեան աշխարհն է»:

գծիկներ, շրջանակներ և այլն: Շարունակութեան մէջ ասում էք, «երկրորդ տեսակից միայն մօտ 200-ի չափ գործիքներ և մեքենաներ կան: Միթէ այդ նախադասութիւնից չի հետևում, որ եթէ առաջին տեսակն (լօթի, սիսեռ) էլ հաշուենք, գործիքների, մեքենաների թիւը աւելի կը բարձրանայ: Տրամաբանօրէն մտածողը այդպէս կը հետեցնի:

Երբ այժմ պարզուեց, որ յօդուածիս յիշեալ կտորը սխալ չէ, այս դէպքում պ. Տէր-Միրաքեանը իր նամակի վերջին տողերը այսպէս կձևակերպէ. «Աւելորդ չեմ համարում պ. Ընդդիմախօսի (Արարատեանի) շօշափած ուրիշ կէտերին պատասխանել, որոնք վերաբերում են ինձ (պ. Տէր-Միրաքեանին) և վերոյիշեալի պէս ճշմարտութիւններ հն»:

Մինչև յօդուածիս տպագրուելը կարելի էր նամակով դիմել ինձ, իսկ տպագրուելուց յետոյ, ես ինձ համարում եմ ընթերցողների շարքը: Ընթերցողները սպասում էին յօդուածի, իսկ մասնաւոր Ձեր ինձ ուղղած նամակը ընթերցողներին բաւարարութիւն չի տալիս:

Յ. Զ. Արարատեան

Լ Ո Ւ Ր Ե Ր

■ Մայիսի 2-ին Մոսկուայում կատարուեց քանքարաւոր բանաստեղծ Ալէքսանդր Մատուրիանի գրական գործունէութեան 25 ամեայ յօբելանսը մեծ հանդիսով: Մոսկուայի հասարակութիւնը պ. Մատուրեանին նուիրաբերել է մի խոշոր գումար: Խմբագրութեանս կողմից իբր ներկայացուցիչ յօբելանսին ներկայ էր թերթիս Մոսկուայից աշխատակից պ. Նիկողայոս Տէր-Մանուէլեանը:

■ Կ. Պօլսի Ազգային ժողովի խառն ժողովը «Լուծայ»-ի մէջ արտայայտած բողոքին պատասխանել է կողմնակի կերպով: Նա գտել է, որ Օրմանեան սրբազանի վրայ բարդած «դրամական զեղծումների» մէջ մինչև այժմ ոչ մի կէտ չապացուցուեց, ուստի և որոշել է նորան կոչել որևէ պատասխանատու պաշտօնի: Ուրեմն սր. Օրմանեանը այժմ 'ի հարկէ, երբ նրանից որևէ վտանգ չունի ազգը, անմիջ է համարուած դրամական խնդիրներում: Բայց մենք դարձեալ մի նոր բան կասենք. որ նորին սրբ. անմեղ է նաև այն մեղադրանքի մէջ, որ իբր թէ նա Հաագի կօնֆէրանսին հեռագիր է տուել՝ նորան ներկայացող հայ պատգամաւորութիւնը չհամարելու ամբողջ Թիւրքիայի հայութեան ներկայացուցիչ: Այդ էլ սուտ է և շինծու: Ըշմարտութիւնն այս է, որ երբ Կ. Պօլսի մի քանի նըշանաւոր ազգայիններ տեսնում են, որ հայ պատգամաւորութեան՝ Հաագի կօնֆէրանսին ներկայանալովը կարող է զրգուել Համիդը և հայերի նոր կոտորածի առիթ տալ, շտապել են պատրիարք Օրմանեանի մօտ և իրանց նախապէս խմբագրած հեռագիրը ներ-

կայացնելով՝ խնդրել են ստորագրել և ուղարկել Կոնֆէրանսին... Օրմանեանը քաջ գիտենալով այդ հեռագրից սպասուող հետևանքները՝ քացէ ի քաց մերժել է ստորագրել այդ հեռագիրը. ապա պատգամաւորութիւնը, առաջնորդութեամբ մի նշանաւոր հայի, որի անունը կտանք կարևոր դէպքում, յանուն ազգի ստիպմամբ պահանջել է նորանից ստորագրել և նոյն իսկ այդ առաջնորդը ինքն է տարել հեռագիրը հեռագրատուն:—Թող հերքեն Պօլսեցիք՝ եթէ կարող են հերքել այս ճշմարտութիւնը:

■ Մայիսի 6-ին Թիֆլիսում տեղի ունեցաւ դերասան Գեղ. Միրազեանի բեմական գործունէութեան 25 ամեայ յօբելիանը: Հանդիսին խմբագրութեանս կողմից ներկայ էր և շնորհաւորեց մեր աշխատակից Վարդգէս Աղանեանը:

■ Թիֆլիսում կազմուում է «Հայոց պատմական ընկերութիւն», որի կանոնադրութիւնը շուտով կառաջարկուի պատշաճաւոր իշխանութեան ի հաստատութիւն:

■ Պ. Էլբէն «Հորիզոնում» գրածում է, որ Բերլինում այս օրերս վախճանուել է յայտնի հայազէտ պրօֆ. Ֆինկը: Հանգուցեալը մի ժամանակ Լ. Գեանջեցեանի հետ միասին խմբագրում էր «Հանդէս Հայագիտութեան» պարբերական եռամսեայ թերթը, որ դժբաղտաբար կարճատե գոյութիւն ունեցաւ:

■ Ապրիլի 7-ին տեղի ունեցաւ Ղուկասեան մրցակաբաշխութեան հանդէսը: Մրցանակի 500 ռուբլի գումարի կէսը յատկացուեց Սմբատ Տէր Աւետիքեանի «Սանահնի և Ղազարի գաւառի արձանագրութիւնները» անտիպ աշխատութեան և միւս կէսը Ասլան Շահնազարեանի «Չաքարէ և Իվանէ Երկարաբազուկների գործունէութիւնը, անտիպ աշխատութեան, Թանգարանի վարչութիւնը այս տարի տպել է «Կիրակոս գանձակեցու պատմութիւնը», որ արժէ ընդամենը 30 կ:

ՍՏԱՑՈՒԱԾ ԳՐԳԵՐ

Պետրոս Մոճոռեանց.— Մամիկոնեան առիւծը, պօէմա. Ալէքսանդրապօլ 1909.

Московский Городской народный университет имени А. Л. Шанявского 1910—11 тт. г. Москва 1910.

— «Цикль естественно-исторических наук».

Կիրակոսի Գանձակեցու պատմութիւն Հայոց. հրատ. Ղուկասեան Թանգարանի, 1910, Թիֆլիս. 30 կ.

Տեղեկագիր Թիֆ. Վանաց ա. եկ. կրօնա-պատմ. Թանգարանի 1908 ապրիլ 5—1910 ապրիլ 5.

Համառոտ դաս. Հայ. եկեղեցու պատմութեան, Յովհ. ա. ք. Մարտիրոսեանի, 1910 Թիֆլիս, 50 կ.

Խմբագիր Հրատարակիչ՝ ԳԻՒՏ Ա. ք. ԱՂԱՆԵԱՆՑ

ԲԱՅՈՒԱԾ Է ԲԱԺԱՆՈՐԴԱԳՐՈՒԹԻՒՆ

1910 թ.

**ՔԱՂԱՔԱԿԱՆ ՀԱՍԱՐԱԿԱԿԱՆ ՏՆՏԵՍԱԿԱՆ
ԵՒ ԳՐԱԿԱՆ**

ԳԱԽԱՌ

ՇԱԲԱԹԱԹԵՐԹԻ

Բաժնեգիրն է՝ Ռուսաստանի համար տարեկան 3
ր. կէս տարին 1 ր. 75 կոպ. մի տմիսը 35 կոպ. Արտա-
սահմանի համար տարեկան 5 ր. հասցէն՝ Герюсы, Елис.
Губ. Редакція газеты „Г А В А Р Ъ“

Открыта подписка на 1910 годъ

на большую ежедневную, литературную, политическую
и общ. газету

IX годъ изданія

БАКУ

IX годъ изданія

Газета выходитъ въ объемѣ и по программѣ большихъ
столичныхъ газетъ. подъ общемою редакціей **Х. А.
Вермишева**, при ближайшемъ участіи **Минаса Берберь-
яна, Г. Е. Старцева**, [Ант.] **С. Айвазова, Б. Г. Перлина**
и др. постоянныхъ сотрудниковъ редакціи.

Кромѣ того газетѣ «Баку» общали свое сотрудни-
чество: **Ю. А. Веселовскій, Дагестани, Магистрантъ,
Я. А. Манандянъ, кн. Г. М. Тумановъ, В. Ө. Тотомянцъ**
и др.

Подписная цѣна съ доставкой и пересылкой

	ГОДЪ 6 МѢС.	1 МѢС.
Для иногородн. 8 р. 50 к:	6 руб.	1 р. 50 к.
Для городскихъ 7--	4 --	1 --

Заграницу 15 руб. на годъ и 8 р. на полъ годъ.

Адресъ Баку, редакція газета «Баку»

15-Դ Տ Ա Ր Ի
ԲԱՑՈՒԱԾ Է ԲԱԺԱՆՈՐԴԱԳՐՈՒԹԻՒՆ

1910 ԹՈՒԻ

Լ Ո Ւ Մ Ա Յ

ԳՐԱԿԱՆ-ՊԱՏՄԱԿԱՆ ԵՒ ՔԱՂԱՔԱԿԱՆ ԱՄՍԱԳՐԻ

1910 թուին Լուսման լոյս կը տեսնի իւր այժմեան զիրքով, բաղկացած 64—80 երեսներից, մեր, մշտական աշխատակիցների գործակցութեամբ, Ինչպէս միշտ, հարկաւոր դէպքերում, կտրուեն պատկերներ հասարակական երևոյթների առթիւ:

1910 թուի «ԼՈՒՄԱՅ»ի ԿԱՆԽԻԿ ՎՃԱՐՈՂ Բա-
ժանորդները կստանան իբրև ՊՐԷՄԻԱ

Ե Ղ Ի Շ Է Ի

ՎԱՐԴԱՆԱՆՑ ՊԱՏՄՈՒԹԵԱՆ
աշխարհաբար նոր թարգմանութիւնը:

ԲԱԺՆԷԳԻՆՆ Է տարեկան 6 ռ., կէս տ. 4 ռ.
Արտասահման " 8 " 5,
ՈՒՍՈՒՑԻՉՆԵՐԻ, ԱՇԱԿԵՐՏՆԵՐԻ, ՔԱՀԱՆԱՆԵՐԻ
ԵՒ ԳՈՐԾԱԿԱՏԱՐՆԵՐԻ ՀԱՄԱՐ «ԼՈՒՄԱՅ»-Ի
ՏԱՐԵԿԱՆ ԲԱԺՆԷԳԻՆՆ Է 4 ՌՈՒԲԼԻ

ԱՊԱՌԻԿ ՈՉ ՈՔԻ ՉԻ ՈՒՂԱՐԿՈՒԻ

Հասցէն Թիֆլիս Պօլիցէյսկայա 7. Tiflis Polizeiskaja, 7.